

肝膽部

醫學綱目

自十三  
至十四



醫學綱目卷之十三

肝膽部

驚悸怔忡

產驚悸

心憺憺動

大槩屬血虛有痰

驚者心卒動而不寧也悸者心跳動而怕驚也怔忡亦心動而不寧也

丹怔忡大槩屬血虛與痰 有慮便動者屬虛 時作時

止者痰因火動 瘦人多是血虛 肥人多是痰飲

真覺心跳者是血少宜四物安神之類

治勞役心跳大虛症

硃砂錢一

歸身

白芍

側柏

川芎各五錢

陳皮

甘草

黃連各三錢

右用猪心血為丸

垣六脈俱大按之空虛必面赤善驚上熱乃手少陰心之脈也此氣盛多而亡血以甘寒鎮墜之劑瀉火與氣以墜

氣浮以甘辛温微苦峻補其血熟地黄生地黃柴胡升麻  
白芍藥牡丹皮川芎黃芪之類以補之以防血溢上竭鎮墜之劑謂丹砂之類

杜林學士本南人歷內地為官有一子甚端嚴而聰敏父  
母愛之居常喜食海蛤飲食之頃未嘗不設至十八年忽  
面色頓青形體瘦削夜多驚悸皆謂勞瘵之疾百療不瘳  
遂召杜脈之杜曰非病何以知之蓋雖病削面青精神不  
減問學院子秀才好食甚物曰多食南海中味杜曰但多  
服生津液藥病當自愈如是經兩月面色漸有紅潤意夜  
亦無驚悸林學士延杜而問曰醫師之驗久聞世名願聞  
此病所以杜曰王水素問曰鹽發渴乃勝血之証海味皆  
鹹物既多食海味使心血漸衰則夜驚悸今既去鹹用生  
津液之藥人且少壯血液易生面色漸有紅潤此疾去矣

安矣衆醫以為勞瘵非其治也

水停心下必悸

仲食少飲多水停心下甚者則悸微者短氣飲水多必心下悸

時作時止者痰因火動

無五飲停畜閉於中脘最使人驚悸屬飲家

温膽湯治心膽虛怯觸事易驚或夢寐不祥遂致心驚膽  
懾氣鬱生涎涎與氣搏變生諸症或短氣悸乏或復自汗  
膽虛不能致脾則脾之水飲作矣

半夏湯洗 竹茹 枳實炒各二兩 橘皮二兩去白

甘草炙一兩 白茯苓五錢

右為剉散每服四大錢水一盞半薑五片棗一枚煎七

分去查食前服

仲心下悸者半夏麻黃丸主之

半夏 麻黃等分

右二味為末煉蜜和丸如小豆大飲服三丸日三服

驚屬肝  
心脾

茯苓甘草湯方見傷寒悸

素東方青色入通於肝其病發驚駭金匱真言論

脾移熱於肝則為驚血病全文見診

一陽一陰發病主驚駭背痛善噫善欠者名曰風厥全文見診

三陽一陰太陽脈勝一陰不得止內亂五臟外為驚駭陽陰

類論

臥而驚  
者肝

本珍珠丸獨活丸並治臥驚悸多魘二方並見不得臥○經云臥則血歸於肝

東羌活勝濕湯治臥而多驚悸多魘洩者邪在少陽厥陰

也加柴胡五分如淋加澤瀉五分此下焦風寒二經合病

也經曰腎肝之病同一治為俱在下焦非風藥行經不可

也羌活勝濕湯方見腰痛

諸病疼酸驚駭皆屬於火全文見診

因驚成  
悸者病  
在心膽

丹病自驚而得者則神出其舍舍空得液則成痰也血氣入舍則痰拒其神不得歸焉控延丹加辰砂遠志

無驚悸因事有所大驚而成者名曰心驚膽寒病在心膽

經其脈大動動脈如豎厥厥動東垣硃砂安神丸方見煩躁門東

垣云外物驚宜鎮平以黃連安神丸是也

無鎮心丹治驚悸

辰砂用黃松節酒浸龍齒用遠志酒浸

右只取辰砂龍齒各等分為末猪心血為丸如芡實大

每服一丸以麥門冬葉菴荳燈心白蜜水煎荳熟為度

臨臥咽下小兒磨化半丸量歲數與之

世蜜陀僧散治驚氣入心絡不能語者昔有為狼及大蛇

所驚皆以此而安用蜜陀僧研極細末茶調一錢七一服

即愈

無寒水石散治因驚心氣不行鬱而生涎結為飲遂為大疾忪悸墮懷不自勝持少遇驚則發尤宜服之

寒水石

煨

滑石

水飛各一錢

生甘草

一錢

右為末每服二錢熱則新汲水下怯寒則薑棗湯下加龍膽少許尤佳

子和衛德新之妻旅宿樓上夜值盜劫人燒舍驚墜床下自後每聞有響則驚倒不知人家人輩躡足而行莫敢冒觸有聲諸醫作心病治之人參珠珀及定志丸皆無效戴人見而斷之曰驚者為陽從外入也恐者為陰從內出也驚者為自不知也恐者為自知也足少陽膽經屬肝木膽者敢也驚怕則膽傷矣乃命侍女執其兩手按於高椅上坐當面前下置一小几戴人曰娘子當視此一木猛擊之其婦人大驚戴曰我以木擊几何必驚乎伺少停擊之驚

少緩又斯須連擊三五次又以杖擊門又暗遣人擊背後之窓徐徐驚定而歎曰是何治法戴人曰內經云驚者平之平者常也常見必無驚是夜使人擊其門窓自昏暮達曙熟臥不聞夫驚者神上越也從下擊几使之下視所以收神也一二日雖聞雷亦不驚德新素不喜戴人至是終身敬服

仲灸甘草湯治脈結代而悸

方見傷寒

丹驚悸定志丸加琥珀鬱金

無定志丸治心氣不足驚悸恐怯

菖蒲

炒

遠志

扶苓

各二兩

白人參

辰砂

為衣

右為末蜜丸如桐子大每服五十九丸米湯下一方去扶神名開心散服二錢七不時

本安神鎮心治驚悸消風痰辰砂遠志丸

石菖蒲 遠志 人參 茯神

川芎 山藥 鐵粉 麥門冬

天麻 半夏 南星 白茯苓各一兩

細辛 辰砂各半兩

右為細末生薑五兩取汁入水煮糊丸如菽豈大另以  
硃砂為衣每服二十五丸夜臥服生薑湯下小兒減服

茯苓丸

石菖蒲 辰砂 人參 遠志

茯苓 真鐵粉 茯神 南星牛膽製

半夏麴等分

右為細末生薑四兩取汁和水煮糊丸如桐子大別用  
細末為衣乾之每服十粒加至二十粒夜臥生薑湯下

上二方療驚良驗

聞木音則驚屬胃

胃足陽之脈是動則病聞木音則惕然而驚欲動

素陽明所謂甚則惡人與火聞木音則惕然而驚者陽氣

與陰氣相搏水火相惡故惕然而驚也脈解○黃帝問曰

足陽明之脈病惡人與火聞木音則惕然而驚鐘鼓不為

動聞音而動何也岐伯曰陽明者胃脈也胃者土也故聞

木音而驚者土惡木也陽明脈解篇

痰飲驚悸屬脾

痰飲驚悸屬脾土見前痰飲條

運氣驚悸有三

一曰肝木不及金來乘之經曰木不及曰委和委和之紀

其發驚駭又云陽明之復則入肝驚駭筋攣是也

二曰火邪助心經云少陽所至為驚惑又云少陽所至為

驚躁又云少陽之勝善驚是也

三曰寒邪傷心經云歲水太過寒氣流行病煩心躁悸是也

按經云陽氣者開闔不得寒氣從之乃生大僂陷脈為瘦留連肉腠俞氣化薄傳為善畏及為驚駭者是瘦瘡所為之驚駭也蓋俞則瘦瘡之俞竅其痛氣留連肉腠之間恐人觸着而痛故化惕惕然之心內薄而傳為善畏驚駭之疾也

針灸

撮心爍爍跳動少衝瀉之灸立効

甲驚善悲不樂如墮墜汗不出面塵黑病飢不欲食照海主之○膽寒怯寒厥手臂痛善驚妄言面赤泣出液門主之○善驚悲不樂厥脛足下熱面盡熱盜乾渴行間主之素肝脈驚暴有所驚駭大奇論王註云驚謂馳驚言其急也○二陽急為驚全○白脈之至也喘而浮上虛下實驚有積氣在胸中名

診

曰肺痺寒熱全文見積塊下全陽明瀦則病積而善驚

仲寸口脈動而弱動即為驚弱即為悸

脈驚主病者其脈止而復來其人目睛不轉不能呼氣

因驚生病有四

之仲病有奔豚有吐膿有驚怖有火邪此四病皆從驚發得之

木產驚悸

大七寶散產後服之安神壓驚

辰砂研 桂心 當歸 川芎

人參 白茯苓 羚羊角燒存性各二錢

乾薑一錢炮

右為末每服一錢用羌活豆淋酒調下如不飲酒漬米水飲調下如心煩熱悶以麥門冬去心煎湯調下減薑桂如心下煩悶而痛用童便酒調下如腹痛加

當歸 如心悶加羚羊角 如心虛氣怯加 心不  
下食或惡心加人參 虛顛加茯苓  
海大効牡丹皮散治血藏虛風及頭目不利不思飲食手  
足煩熱肢節拘急疼痛胸膈不利大腸不調 勿相干心  
驚 心悸或時旋運

牡丹皮 川芎 枳殼炒各一兩 陳皮

玄胡索 甘草 羌活 半夏湯洗各半

木香分三 訶子肉分三 芍藥分三 三稜炒半兩

乾薑五錢 當歸半兩 白朮炒三錢 桂心五錢

右為細末每服二錢水一盞半煎五七沸食前服  
血海退血風勞攻注消寒痰實脾胃理血氣攻刺及氣  
虛惡寒潮熱証至少

大治產後中風心忪悸志氣不定恍惚語言錯亂

人參分六 羚羊角屑 麥門冬 茯苓各八分  
茯苓 白蘚皮 甘草各四兩 石膏二分  
淡竹瀝兩合大  
右咬咀用水二升煎至七合下竹瀝分三服

心澹澹動

澹澹因痰動也心澹澹動者謂不怕驚而心自動也驚恐  
亦曰心中澹澹恐謂怕驚而心亦動也

其澹澹自動之病屬二經一屬心主手厥陰病經云心主  
手厥陰之脈是動則病心中澹澹大動面赤目黃喜笑不  
休視盛虛寒熱陷下取之是刺灸之法也又曰太陽司天  
寒淫所勝病心澹澹大動胸脇胃腕不安治以甘熱是運  
氣之寒傷心主也○其二屬少陽病經云一陽發病少氣  
善欬善噫其傳為心掣是也掣尺制反曳也

少陽病  
心掣

厥陰病  
心澹澹  
大動

怒

怒在陰陽為陰閉遏其陽而陽不得伸也經云陰出之陽則怒又云血并於上氣并於下心煩寃善怒東垣云多怒者風熱陷下於地是也○怒在臟腑所屬經在臟為肝在志為怒又云肝藏血血有餘則怒又云膽為怒是也

丹治怒方

香附末兩 甘草末兩

右和勻白湯調服五錢

怒皆屬木太過

運氣怒皆屬木太過經云木太過曰發生發生之紀其病怒又云歲木太過風氣流行甚則善怒又云歲土不及風反大行民病善怒是也○怒在禁忌多生厥逆經云嗚氣者大怒則形氣絕而血菀於上使人薄厥又云暴怒傷陽又云怒則氣逆甚則嘔血及衄泄是也

善太息

太息皆屬燥邪傷膽

針灸

運氣善太息皆屬燥邪傷膽經云陽明在泉燥淫所勝病善太息又云陽明之勝太息嘔苦又云少陰司天地乃燥婁愴數至脇痛善太息是也

內經灸刺善太息皆取心膽二經經云黃帝曰人之太息者何氣使然岐伯曰思憂則心系急心系急則氣道約約則不利故太息以出之補手少陰心主足少陽留之也又曰膽病者善太息口苦嘔宿汁視足少陽脈之陷下者灸之又云膽足少陽之脈是動則病口苦善太息視盛虛實寒熱陷下取之是也

甲色蒼蒼然太息如將死狀振寒洩白便難中封主之脾虛令人病寒不樂好太息商丘主之 凡好太息不嗜食多寒熱汗出病至則善嘔嘔已乃衰即取公孫及井膈

實則腸中切痛厥頭面腫起煩心狂飲多不嗜臥虛則腹脹腸中氣大滿熱痛不嗜食霍亂公孫主之

目疾門 目赤腫痛 外障 內障

不能遠視 不能近視 雀目日落不見物

目淚不止 風沿爛眼 倒捷拳毛 努肉

攀睛 飛絲塵垢入目 視岐亂見

目開不閉 眇目直視 目上視

目具陰陽五臟

經云瞳子黑眼法於陰白眼赤脈法於陽故陰陽合轉而

精明此則眼具陰陽也全文見視岐亂見又曰五臟六腑之精氣

皆上注於目而為之精精之寔為眼骨之精為瞳子筋之

精為黑眼血之精為絡其寔氣之精為白眼肌肉之精為

約束裹擷筋骨氣血之精而與脈并為系上屬於腦後出

於項中此則眼具五臟六腑也全文見視岐亂見後世以內外腎

屬心上下兩臉屬脾白眼屬肺黑眼屬肝瞳子屬腎謂之五輪蓋本諸此也又有八廓之說無義無據今不得刪入焉

臟腑主目有二

一曰肝經云東方青色入通於肝開竅於目藏精於肝又

云人臥血歸於肝肝受血而能視又云肝氣通於目肝和

則目能辨五色也

二曰心經云心合脈諸脈者皆屬於目是也至東垣又推

之而及於脾如下文所云

東垣五臟生成篇云諸脈者皆屬於目目得血而能視

經九卷大惑論云心事煩冗飲食失節勞役過度故脾胃

虛弱心火太盛則百脈沸騰血脈逆行邪害孔竅天明則

日月不明也夫五臟六腑之精氣皆稟受於脾土而上貫

肝主目

心合脈諸脈皆屬於目

目疾始於脾胃

診

於目脾者諸陰之首也目者血氣之宗也故脾虛則五臟之精氣皆失所司不能歸明於目矣心者君火也主人之神宜靜而安相火代行其令相火者胞絡也主百脈皆榮於目既勞役運動勢乃妄行及因邪氣所升而損其血脈故諸病生焉凡醫者不理脾胃及養血安神治標不治本不明正理也

陽主散陽虛則眼楞急而為倒睫陰主斂陰虛不斂則瞳子散大而為目昏眼花

靈目背外決于面者為銳眥在內近鼻者為內眥上為外眥下為內眥癩狂診脈痛赤脈從上下者太陰病從下

上者陽明病從外走內者少陽病太陽病宜溫之散之陽明病宜下之寒之少陽病宜和之也論疾診尺篇

深論云眼之為病在腑則為表當除風散熱在臟則為裏

當養血安神暴發者為表而易療久病者為裏而難治除風散熱者瀉青丸主之養血安神者定志丸主之婦人熟地黃丸主之或有肥體氣盛風熱上行目昏遊槐子散主之此由胸中濁氣上行也重則為痰厥亦能損日常使胃中氣清自無此病也又有因目疾服涼藥多則損氣者久之眼漸昏弱乍明乍暗不能視物此則失血之驗也熟乾地黃丸消氣定志丸相須而養之或有視物不明見黑花者此之謂腎氣弱也宜補腎水駐景丸是也或有暴失明者謂眼居諸陽交之會也而陰反閉之此風邪內滿當有不測之病也

目赤腫痛

目疼有二一謂目眥白眼痛一謂目珠黑眼疼蓋目眥白眼疼屬陽故晝則疼甚點苦寒藥則効經所謂白眼赤脈

目痛分陰陽

法於陽故也目珠黑眼疼屬陰故夜則疼甚點苦寒則反

陰症治法

劇經所謂瞳子黑眼法於陰故也  
簡補肝散治肝虛目睛疼冷淚不止筋脈痛及羞明怕日  
夏枯草五錢香附子一兩共為末每服一錢臘茶調下無  
時候服

右夏枯草治目珠疼至夜則疼甚者神效或用苦寒眼  
藥點上反疼甚者亦神效蓋目珠者連日本日本又名  
目系屬厥陰之經也夜甚及用苦寒點之反甚者夜與  
寒亦陰故也丹溪云夏枯草有補養厥陰血脈之功其  
草三四月開花遇夏至陰生則枯蓋稟純陽之氣也故  
治厥陰目疼如神者以陽治陰也予周師目珠疼及連  
眉稜骨痛并頭半邊腫痛遇夜則作用黃連膏子點上  
則反大疼諸藥不效灸厥陰少陽則疼隨止半月又作

又灸又止者月餘遂以夏枯草二兩香附二兩甘草四  
錢同為細末每服一錢五分用茶清調服下咽則疼減  
大半至四五日良愈又一男子年六十歲亦目珠連眉  
稜骨疼夜甚用苦寒劑點亦甚與前証皆同但有白翳  
二點在黑目及外眥為翳藥皆不效亦以此藥間東垣  
選奇湯又加四物黃連煎服并灸厥陰少陽而安  
本治睛疼難忍者

川歸

防風

細辛

薄荷各等分

右為末每服二錢麥門冬熟水調下食後日午夜臥各  
一服

保止痛散治兩額角痛目睛痛時見黑花及目赤腫痛脈  
弦作內障也得之於飢飽勞役

柴胡一兩

甘草錢半

瓜蒌根二兩

當歸

黃芩酒一兩半炒

生地黄兩一

右為菴木每三錢水一盞半薑三片棗一枚臨臥熱服

小便不利加茯苓澤瀉各五錢

治太陽經衛虛血實目腫赤臉重頭中濕滯膚腎睛痛肝風盛眼黑腎虛

桔梗斤一 牽牛頭末二兩

右細末每服四五十九至一百丸食前溫水下口二次

陰病似陽點法

行暴赤眼無瘡者以古銅錢刮淨薑上取汁於錢唇點目熱淚出隨點隨愈但小兒甚懼不須疑已試良驗有瘡者不可用

又以此冷痒驗

張仲文治眼暴赤腫痛不得開又淚出割附子赤皮末加

蠶屎着眥中以瘥為度

本治又夫女人室女小兒諸般赤眼針頭丸

川鳥尖七枚 白僵蠶七枚去腸砂十

右為末用猪膽取汁調藥不令稀用成軟塊攤在碗內

荆芥艾各一兩皂角小者一莖燒將藥碗覆薰之常將

藥膏攪勻轉又攤又熏以皂角荆芥艾盡為度再搜成

塊用油紙裹入地中出火毒冬天兩日夜夏天一夜春

秋一日夜取出丸如針頭大每一丸點眼中妙

丹治目中百病乳汁煎黃連點之

衍人乳汁治目中功多何也人心主血肝藏血肝受血則

能視蓋水入於經其血乃成又目上則為乳汁下則為月

水故知乳汁即血也用以點目豈不相宜者哉 治眼痛

小黃柏皮一名小栢子以籠布揩去籠皮刮取柔細黃屑

以手急捏成團如鷄子大以苧絲縛之次以蘿蔔葉包之

陽症治法

又用苧絲縛之置灰火內煨去外二三層有灰者急用紗絞出黃汁收之點眼甚妙一方用乳汁拌小黃栢皮同煨點之又勝

世傳信方眼風泪痒或生翳或赤皆一切皆主之宣州黃連搗為細末雜核仁去皮碾為膏綠此性稍濕末不得故耳與黃連等分相合取不蛀乾棗三枚割頭少許留之去核以二物填於中却取割下棗頭依前合定以少綿裹之惟薄綿為佳以水半碗於銀器中文武火煎取一鷄子殼以綿纏待冷點眼萬萬不失前後試驗數十人皆應保點眼藥除昏退翳截赤定痛

當歸 二錢

黃連 二錢

防風 一錢五分

細辛 五分

甘草 一錢

右劉如麻荳大水一大碗文武火煎滴水中不散為度

入熟蜜少許點閉

丹暴赤眼痛枸杞汁點妙集 目卒痛荆芥燒汁點之後

黃連 一兩

川歸 二錢

甘草 一錢

右劉細水半碗浸一宿以火熬約至一半綿絞去查令淨再熬作稠膏攤在碗上倒合以物蓋之用熟艾一大塊如彈子大底下燃之薰膏子令艾盡為度下下項藥

硃砂 一錢

腦子 五分

乳香

沒藥 研各等分

右研入膏和丸如米大每用二丸點眼兩角仰面臥藥

世點藥方黃連五錢去鬚槌碎用水三碗浸夏月三日冬五日以古文錢百枚筒同煎取汁半碗又將查再煎凡三次取綿纏過以磁器燉成膏子如沙糖樣却將蘆甘石黃

惡寒脈  
浮者為  
有表

連牙茶小便煨過者入麝香少許同研細入前膏子再煨  
可丸為度如桐子大化點一方不用蘆甘石只將膏子  
入麝少許點尤妙一方陰陽寒熱通用以生薑自然汁  
重綿纏過澄薑泥晒乾却用黃連膏入蜜少許以薑泥為  
丸餅如錢厚或水化或乾點神效治目  
薑汁點法見前黑睛痛條治目痛惡寒脈浮者效  
皆白眼痛諸法並見後表裏寒熱虛實等條

東垣選奇湯防風飲子治眉骨痛不可忍方見眉

芎辛湯治兩目晝夜隱濇難開羞明畏日目赤視物昏暗

芎藭蔓荆子各五分 細辛二錢 防風一錢五分

甘草白芷各一錢

右作一服水一大盞八分煎至一盞去查稍熱臥服之

極佳

明目細辛湯治兩目發赤微痛羞明畏日怯風寒怕火眼  
睫成細眵糊多隱濇難開眉攢痛悶鼻涕唾極多如稠膿  
大便微硬喜食冷物

麻黃羌活各三錢 藜蘆本一錢 川芎五分

細辛少許 白茯苓一錢 蔓荆子六分 荆芥蘆二錢

當歸稍一錢 生地黄六分 川椒八粒 桃仁二十枚

紅花少許 防風二錢

右並劉如麻荳大分作四服每服水二大盞煎至一盞

去查稍熱服食後忌酒濕麪及風寒處行走

本治肝腎風毒氣上衝眼痛菊花散

甘菊花 牛蒡子炒各八兩 防風三兩 白蒺藜去刺一兩

甘草一兩五錢

右為細末每服二錢熱水調下食後臨臥

脈實有力者為有裏

凡目赤痛或大腑秘或脈實有力者為有裏證宜微利之

實熱除瀉青丸洗肝散之類是也

海目亦暴作雲翳疼痛不可忍宜四物龍膽湯

四物各五錢

防已各二錢

右木煎服

丹丈夫患眼赤腫痛

連翹

黃芩

歸鬚

陳皮

蒼木各一錢

木通半錢

甘草各一錢

分二貼薄苛葉五片水二盞煎一半入此好酒熱飲之

保槐子散治體肥氣盛風熱上行目昏濟

槐子

黃芩

木賊

蒼木各等分

右細末食後茶送下

川芎散治風熱目眩熱腫及胸中不利

川芎

槐子各一兩

右為末氣滯下利薑湯調目疾茶清調熱上攻咬咀一

兩煎服

潔治眼赤暴發腫散熱飲子

防風

羌活

黃芩

黃連各一兩

右切每半兩水二盞煎食後溫服加大腑秘加大黃一

兩如痛甚加川歸地黃煩躁不得臥加梔子一兩

治目暴發赤腫除風散熱瀉青丸

局洗肝散風毒上攻暴作赤目腫痛難開隱瀆眵淚

薄苛

當歸

羌活

防風

各去

梔子仁

甘草

大黃

川芎

各二兩

右為末每服二錢食後熱水調下

本事治目暴赤澀腫疼痛

木賊半兩 細辛半兩 草烏一分 龍膽草半兩

右為剉散每服三大錢水一大盞黑荳半合煎至一二

沸入沙糖一塊如大彈子大煎至八分去渣食後溫服

一應諸眼患並用忌煎燻油麩酢醬熱物及不得嗔怒

房色等事則便易獲痊矣

治腎經虛冷水候不升不能上滋肝木致令眼目昏暗或

痛或痒須用此藥方調治之

川芎 荆芥 天麻 羌活 黑牽牛炮

川烏炮 烏藥 羌活 黑牽牛炮

右為末煉蜜丸如葶大硃砂為衣每服一九薄苛湯嚼

虛熱宜  
升降水

目赤腫足寒者必用時時溫洗其足并詳赤脈處屬何經

灸三里臨泣崑崙等穴立愈○海藏四物龍膽湯方見

保地黃湯治眼小昏澀因發而久不能痊

防風 當歸 黃芩 黃連

人參 茯神 羌活 地黃各等分

右釐末每服五七錢水一盞半煎至一盞溫服

丹赤眼痒痛煎枸杞汁服救急方

垣助陽和血補氣湯治眼發上熱壅白睛紅眵多淚無疼

痛而隱澀難開此服寒藥太過而真氣不能通九竅也故

眼昏花不明宜助陽和血補氣

防風 黃芪 甘草 蔓荊子

歸身 白芷 升麻 柴胡

右咬咀作一服水一盞半煎至一盞去渣熱服臨臥避

風及忌食冷物

碧天丸治目疾累服寒涼不愈兩目蒸熱有如火薰赤而不痛紅系血脈滿目貫睛翳悶昏暗羞明畏日或上下臉赤爛或不伏風土而內外銳皆皆洗破之

瓦粉炒一兩

銅綠七分

枯白礬二分

一分是一錢五分之一

右研銅綠白礬令細旋旋入瓦粉銅綠勻熱水和之共為丸每用一丸熱湯半盞浸一二箇時辰洗至覺微瀼為度少合眼半時辰許臨臥更洗了瞑目就睡尤神妙一丸可洗十日如再用重湯內頓令熱此藥治其標為裏熱治已去矣裏實者不宜用此當瀉其實熱諸方見前大腑秘堅條

實熱宜瀉

子和清州王正之子年十五歲目赤多淚眾工無效戴人見之曰此兒病在目裏當得之母腹中被驚其父曰妊娠

血壅者決之

時在臨清被圍戴人令服瓜蒂散加鬱金上湧下泄各去涎沫數升人皆笑之其母曰兒腹中無病何以吐瀉如此至明日其目輝然爽明一小時名得孫眼發赤其母買銅綠欲洗兒目煎成家人誤與兒飲之須臾大吐吐訖立開安慶趙君玉目暴赤腫點洗不退偶思戴人法曰凡病在上者皆宜吐乃以茶調散涌之一涌赤腫消散君王歎曰法之妙其迅如此乃知法不遠人人自遠耳  
孫仁廟朝中衛才人忽患眼疼眾醫皆不能療或投寒藥或投補藥加之腑臟不安上乃問孫孫曰臣非眼科乞不全責於臣降旨有功無過孫乃診之肝脈弦滑非熱壅也乃才人年壯血盛肝血併不通遂問及宮人月經已二月不通眾醫曰有孕孫曰此正為疾耳遂下通血藥其經既通不日眼疾亦愈上賜錢三十萬才人贈金一囊宮人謠

點睛方

曰神醫不來雙目難開  
丹治風赤眼乾蚯蚓十箇炙為末冷清茶下二錢夜臨臥  
與服聖惠方  
點藥諸方分陰陽並見前眼痛分黑白條  
世治眼暴赤腫大田螺以清水漾去泥壁去掩入黃連末  
一錢麝些少在內將一盞子安少濕泥仰安田螺在泥上  
粘定露一宿次日早盡化為水以鷄翎刷眼痛處則瘥  
外治赤眼及睛上瘡秦皮一兩清水一升於白碗中浸春  
夏一食時以上看碧色出即以筋頭纏綿仰臥點所患眼  
乃先從大眇中滿眼點微痛不畏良久三五飯頃即側臥  
瀝却熱汁每日十度已上不過二日瘥治赤目痒痛地  
骨皮三升水三斗煮取三升去查納鹽二兩煎取二升傳  
目或加乾薑二兩

博濟治風毒上攻眼腫痒溢痛不可忍者或上下臉背赤  
爛浮翳肉侵睛神效驅風散

五倍子兩 蔓荆子一兩

右同杵為末每用二錢水二盞銅瓦器內煎及一盞澄

查熱淋洗留滓二服又依前煎淋洗大能明眼目去渣

痒

潔眼稍赤爛

黃連三錢 白礬三錢 銅綠 蜜陀僧錢

輕粉少

右為極細末少少貼之

東碧雲散搗藥

青黛半錢 蔓荆子一錢 川芎二分 薄荷錢

鬱金錢 石膏錢 細辛錢 紅苳粒

芒硝錢

右為細末口噙水鼻孔內啗之

治赤眼頭風等症此方名為神聖散

乳香 沒藥 川芎 石膏

雄黃各二錢 盆硝半兩

右為細末專治赤眼冷淚頭風耳聾耳痒鼻聲重一搯牙根便住

保眼發赤腫毒氣侵睛脹痛宜拔毒散

盆硝 乳香 雄黃 沒藥各等分

右為細末研以少許搯鼻中

治眼風毒發腫鼻中欲嚏嚏多鼻損而生瘡宜風散

川芎 甘菊各二錢 乳香 沒藥各一錢

右為末少許搯鼻中

方見雜

本治赤腫眼以白薑末水調貼脚掌心 又以上硃蜜調

帛貼眼上

山赤眼用九節黃連秦皮麤末加滑石一塊煎湯洗 又

方用熱湯豁洗或濃煎冬青葉湯入鹽熱洗

丹治火眼艾燒細烟以碗蓋之候烟上成煤取下以溫水

調洗之入黃連尤妙斗

開 疔廣大重明湯治兩目臉赤爛熱腫疼痛并翳赤及眼臉

痒及痒極抓至破爛赤腫眼楞生瘡加目多眵痛隱瀼難

草龍膽稍 防風 甘草根 細辛各等分

右剉如麻豈大內甘草不剉只作一挺先以水一大碗

半煎草龍膽一味乾一半再入餘三味煎至一小半碗

去查用清汁帶熱洗以重湯坐令極熱日用五七次洗

運氣  
風助火  
熱在上

火獨盛  
熱在中

肝實宜  
清之  
肝虛宜  
溫之

針灸

畢少合眼須臾即去努肉縱長及痒亦減矣

運氣目赤有二

一曰風助火鬱於上經云少陰司天之政二之氣陽氣布風乃行寒氣時至民病目瞎目赤氣鬱於上而熱又云少陽司天之政初之氣風勝乃溼候乃大溫其病氣怫於上目赤是也

二曰火盛經曰火太過曰赫羲赫羲之紀其病目赤又云火鬱之發民病目赤心熱又曰少陽司天之政三之氣炎暑至目赤又云少陽之勝目赤是也

三曰燥邪傷肝經云歲金太過燥氣流行民病目赤又云陽明司天燥氣下臨肝氣上從脇痛目赤是也

內經灸刺白眼痛有四法

其一取足太陽經云目痛赤脈從上下者太陽病故知取

之也

其二取足陽明經云目痛赤脈從下上者陽明病故知取之也

其三取足少陽經云目痛赤脈從外走內者少陽病又手足少陽之脈所生病者皆目銳眦病故知取之也

其四取蹻脈經云邪客足陽蹻之脈令人目痛從內眦始刺外踝之下半寸所左刺右刺左又云目中赤痛從內眦始取之陰蹻也

灸刺黑珠痛有三法

其一取足太陽經云足太陽有過項入于腦者正屬目本名曰眼系頭目若痛取之在項中兩筋間是也

其二取足厥陰經云肝足厥陰之脈上入頰頰連目系故取之也

其三取少陰經云手少陰之别名曰通里屬目系取之  
後一寸也又足少陽之正陽明之正皆繫目系經無取法  
也

子和余嘗病目赤或腫或翳作止無時偶至新息帥府  
餘日羞明隱澹腫痛不已忽眼科姜仲安云宜刺上星至  
百會速以銚針刺四五十刺攢竹穴絲竹空穴上兼眉際  
二十刺及鼻兩孔肉以草莖彈子出血如前約二升許來  
日愈太半三日平復如初

潔眼痛睛欲出者須八關大刺十指間出血須十指絡

心眼暴赤腫 神庭 上庭 顙門 前頂

百會各出血立愈

世眼眶腫 二間 行間

摘眼疼不可忍 風池 合谷立愈

玉眼紅腫羞明怕日并昏 睛明針飛向鼻不直針忌灸 童子

針入一分沿皮內透魚腰 太陽皆脈上三稜針出血

實眼痒痛 光明 第五各瀉 行間

集羞明怕日 攢竹 合谷灸 小骨空灸如二間

張風眼卒生翳膜疼痛 中指本節尖上灸三壯小麥大左灸右灸左

集諸障 睛明 四白在球下 太陽百會商陽厲

兌光明各出血合谷三里命門肝膈光明各灸之

撮要眼赤腫疼痛 陽谷一分瀉 至陰

甲內皆赤腫目眵眵無所見皆痺痛滯膚白翳睛明主之

○目眵眵赤痛天柱主之 ○目痛泣出甚者如脫前谷主

之 ○眼痛下廉主之 ○白膜覆珠于無所見解溪主之 ○

青盲無所見遠視眵眵目中滯膚白膜覆瞳子目窓主之

○目痛口僻疾目不明四白主之 ○目痛引眇少腹偏痛

借一嘔痰視昏嗜臥照海主之瀉左陰蹻取足左少陰  
前作春刺陰蹻後刺少陰氣在橫骨上○目中白翳然谷取  
之○目視不明振寒自翳瞳子不見腰兩脇痛脚痠轉筋  
丘墟主之○目赤目黃顴竅主之○目眩無所見偏頭痛  
引目外眦張急頷厭主之○目中痛不能視上星主之先  
取噫嘻後取天牖風池○目痛不明斷交主之

柔眼痛久不愈○魚際壯灸七

外障在睛外遮睛

四白

表裏上

經云診目痛赤脈從上下中散者從下上者陽明病從  
外走內者少陽病按此論合谷明矣用以治症如鼓  
應桴也

皆從上

凡赤脈翳初從上而下者屬太陽以太陽主表其病必連  
眉稜骨痛或腦項痛或半邊頭腫痛是也治法宜溫之

散

之溫則臘茶鹽川附等分煎服立愈戴立齋嘗以此證用  
川附一錢作一服隨愈散則簡要夏枯散東垣選奇湯之  
類是也○一方附子半兩芫茶一大撮白芷一錢細辛川  
芎防風羌活荆芥各半錢煎服神効

簡夏枯草治眉稜痛目翳從上下者累効必與退雲九相  
兼服夏枯草方見目珠痛條

垣選奇湯治眉稜骨痛目翳從上下者妙方見眉痛條  
羌活除翳湯治太陽寒水翳膜遮睛不能視物

麻黃根一分羌活一分防風一分藁本七錢

薄荷葉二錢細辛少許荆芥七錢煎成

川芎三錢當歸根三錢生地一錢小椒五分

黃栢四錢知母五錢酒製

右咬咀每服三錢水三大盞煎至一盞半入荆芥蕙再

煎至一盞去查稍熱服後忌酒濕麪

本又方

防風兩

白蒺藜兩

羌活半兩

甘菊兩

右為細末每服二錢入鹽少許百沸湯點服食後

赤脈翳初從下而上者或從內眥出外者皆屬陽明以陽

明主裏其症多熱或便實是也治法宜下之寒之下則局

方流氣飲錢氏瀉毒丸局方溫白丸加黃連黃柏之類累

用累驗寒則一味黃連羊肝丸之類也

局流氣飲治目生翳障

大黃炮

牛蒡子炒

川芎

菊花去枝

白蒺藜炒去

細辛去

防風去

玄參去

山梔去

黃芩去

甘草炙

蔓荊子

荆芥去

木賊去根節

草決明一兩

蒼木二兩

右為末每服二錢臨臥用冷酒調下

羅撥雲散治因眼發濕熱不退而作翳膜遮睛昏暗羞明

隱濇難開

川芎

草龍膽

楮實

薄荷

羌活

荆芥蕙

石決明

草決明

蒼朮

大黃

甘草

木賊

密蒙花

連翹

川椒

甘菊

桔梗

石膏

地骨皮

白芷

白蒺藜

檳榔各一兩

石燕對

右件搗羅為細末每服三錢溫茶清一盞調下食後一

日三服忌雜魚鳥諸肉

海藏東垣先生治癍後風熱毒翳膜氣暈遮睛以瀉毒丸

子瀉之大効初覺易治

保命集云癍後翳膜亦能治之瀉毒丸減大黃一半用之

妻姪女形肥筭年時得目疾每一月或二月一發發時紅腫瀆痛難開如此者三年服除風散熱等劑及尋常眼藥則左目反有頑翳從銳眥來遮瞳人右目亦有翳從下而上經云從內外走者少陽病從下上者陽明病予謂此少陽陽明二經有積滯也脈短滑而實晨則似短潔古云短為有積滯遏抑臟腑宜下之遂用溫白丸減川芎附子三之二多加龍膽黃連如東垣五積法從二九每日加一丸加至大利然後減丸又從二九加起忽一日於利中下黑塊血若干如墨大而硬堅從此漸覺痊而翳盡去矣

醫從外入內者世黃連羊肝丸治目翳從下上者從內眥出外者神效見

少陽宜和解法宜和解之神仙退雲丸之類是也

垣神仙退雲丸治一切翳障內外障昏無睛者累効妙方

- 川芎 當歸各半 犀角酒洗 枳實
- 川棟 蟬殼 甘菊 薄荷葉不見火已
- 上各半兩 瓜蒌仁生者六錢此退 密蒙花
- 荆芥蕙各二錢此三味與甘草同焙乾去其草不用 地骨皮洗
- 白蒺藜微炒去刺 羌活 生地酒洗焙乾各一錢
- 川木賊一兩半去節童便浸一宿焙乾

右為細末煉蜜為丸每一兩分作十九米泔湯調服日進二三丸食後婦人當歸湯下有氣者木香湯下使之在人消息

本治諸眼患因熱病後毒氣攻眼生翳膜遮障服此藥逐

旋消退不犯刀針

青箱子

防風

枳殼各一兩

菟蔚子

細辛各半兩

枸杞子

澤瀉

生地黃

石決明各一兩半

黃連兩半

車前子

川當歸

麥門冬去心各二兩

右各如法修事焙乾為末煉蜜丸如桐子大每服三十

丸飯飲吞下忌一切熱毒物

垣羌活退翳湯

羌活二錢

防風半錢

黃芩半兩

柴胡三錢

五味子二錢

黃柏五錢

芍藥五錢

黃連二錢

甘草

草龍膽五錢

洗黃芪三錢

升麻二錢

歸身二錢

石膏二錢

右件剉如麻莖大水二盞分作二服煎至一盞入酒少

許去查臨臥熱服忌言語

消翳散一名龍膽飲子

青蛤粉兩半

羌活

龍膽草

黃芩炒各三錢

蠅退五分一錢

麻黃半錢

穀精草兩半

升麻二錢

川鬱金兩半

甘草根炙五分

右為細末每服二錢食後溫茶調下已上四方熱多者宜之

又方

川芎

羌活

旋覆花

防風各二兩

甘草

蒼朮泔浸一女去皮日乾不見火

楮實

楮葉並八月採陰乾已上各一兩

甘菊

枳實

蟬退

木賊各一分

右木曰中治為末茶清調下二錢早食後臨臥各一服治暴赤眼忌濕麪及酒楮實須真無心者取葉不爾諸

藥無效合時不得焙及犯鐵器予觀此方取楮葉必無實者蓋陰陽二合相匹配耳有實者陽也無實反葉者陰也所以不得真楮實者悉無效

羅五秀重明丸治眼翳膜遮睛隱澁昏花常服清利頭目

甘菊花開頭王荆芥五百木賊去節五楮實五百

川椒開口者

右為細末煉蜜為丸如彈子大每服一九細嚼時時咽

下食後噲化無時臨臥大忌酒麪熱物已上二方無熱者宜之

翳膜者風熱重則有之或癰入眼此肝氣盛而發在表也翳膜已生在表明矣宜發散而去之若反疎利則邪氣內搐為翳益深邪氣未定謂之熱翳而浮邪氣已定謂之冰翳而沉邪氣生而深者謂之陷翳當以煖發之物使其邪氣再動翳膜乃浮佐之以退翳之藥而能自去也病久者

表裏下

不能速效宜以歲月除之

久翳分新

新翳所生表散方東垣羌活除翳湯有熱血虛者退雲丸之類是也

保治水翳久不去者羚羊角散

羚羊角升麻細辛各等甘草半

右為末一半煉蜜為丸每服五七十九用一半為散以

泔水煎吞丸子食後

煖發陷翳亦羚羊角散之類用之在人消息若陰虛有熱者兼服神仙退雲丸  
垣補陽湯治陽不勝其陰乃陰盛陽虛則九竅不通令青白翳見於大眥乃足太陽少陰經中鬱遏足厥陰肝經氣不得上通於目故青白翳內阻也當於太陽少陰經中九原之下以益肝申陽氣衝天上行此當先補其陽後於足

陰盛陽虛當先補其陽後瀉其陰

太陽少陰標中瀉足厥陰肝經陰火乃次治也內經曰陰盛陽虛則當先補其陽後瀉其陰此治法是也每日清晨以腹中無宿食服補陽湯臨臥服瀉陰丸若天色變大寒大風并大勞役預日飲食不調精神不足或氣弱俱不得服候體氣和平天氣如常服之先補其陽使陽氣上升通於肝經之末利空竅於眼目矣

當歸身去蘆頭用稍 熟地黃去蘆 人參去蘆 黃芪去蘆 羌活去蘆 獨活去蘆

甘草稍去蘆 熟地黃去蘆 人參去蘆 黃芪去蘆 羌活去蘆 獨活去蘆

白木已上各 澤瀉去蘆 陳皮去白各 生地黃炒二

白茯苓去皮 知母炒黃色各五錢 柴胡去苗二兩 防風去蘆半兩

白芍藥半兩 肉桂去皮一錢

右同為籠末每服半兩水二大盞煎至一盞去渣溫服空心使藥力行盡方許食

連栢益陰丸

羌活去蘆 獨活去蘆 甘草根炒 當歸身依前製

防風去蘆 五味子各半兩 黃連酒洗或伴煎炒火色一兩

石決明燒存性五錢 草決明 黃芩

知母各一兩

右為細末煉蜜丸如葶藶大每服五十九丸漸加百丸止臨臥清茶送下常以助陽湯多服少服此藥以此藥一則妨飲食二則力大如升陽湯不可多服

升陽泄陰丸 羌活去蘆 獨活去蘆 甘草根炒 歸身去蘆

熟地各一兩 人參各一兩 黃芪各一兩 白木各半兩

瀉澤各一兩 白芍藥一兩 陳皮三錢 白茯苓一兩

防風三錢 肉桂半兩 生地酒洗炒五錢 知母炒三錢

暑加

楮實酒拌半兩

柴胡去苗一錢半

右咬咀每服五錢水煎熱服另合一料煉蜜丸如桐子大食遠茶清送下五十九丸每日與前藥各一服不可飽服如天氣熱甚加五味子三錢或半兩天門冬去心半兩枳實亦加半兩

右三五方合治一病空心補陽湯臨臥連栢丸食遠升陽泄陰丸

睽子散  
大補陰

滋陰地黄丸治內障兼右目小背青白翳瞳子散大內障丹丈夫因勞力後兩眼上星右邊獨昏此熱傷血

白朮

歸身尾

生地

木通

黃連酒浸

黃芩炒

黃柏炒各二兩

甘草炙一錢

分三貼煎服大熱加白芍藥並見表裏上條○醫除盡至期年月

者有積  
雜方

日期復發者或間一月或二月一發皆為積治如脈滑者宜溫白丸加黃連草龍膽如東垣五積法服之百點膏張濟民眼翳以至遮瞳人視物不明如覺雲氣遮障以此方治之

黃連

二錢以水一碗煎至半碗再入後藥

當歸六分

甘草根六分

防風根

八分 蕤仁去皮尖三分

右剉如麻苳大蕤仁另研如泥同熬滴入水中不散去渣沫入好蜜少許再煎少時為度極要病人心淨點之點至目微痛為度一日點五七次臨臥點尤妙名曰百點膏但欲多點使藥力相續

羌活退翳膏治足太陽寒水膜遮左睛白翳上視物不明

椒樹

東南根西北根各二兩

麻黃去節根三分

羌活七分

黃連

三分 歸身六分

防風三分

柴胡三分

生甘草四分 升麻三分 生地黃三分 漢防已二分

麩仁六分 藜本二分

右淨水一碗先煎漢防已黃連生甘草當歸身生地黃煎至一盞入餘藥再煎至一盞去查入銀磁器內熬稀膏點之有力為度

退翳膏治黑白翳

荆芥穗錢一 黃連錢三 生地黃錢一 甘草錢五

歸身錢六 連翹錢四 柴胡錢五 升麻錢三

防風錢四 麩仁錢三 青皮錢四 細辛錢一

右先用水半盞浸荆芥一處次將黃連生地甘草三味用水一大碗煎至半碗再下餘七味同煎至一盞去查更上火熬至半盞入荆芥水二匙入蜜少許再煎令勻點之神効

圓明膏治內障生翳及瞳子散大皆勞心過度飲食失節

柴胡錢五 麻黃錢五 歸身錢三 生地錢半

黃連錢五 甘草錢二 訶子皮錢二

右七味先以水二碗熬麻黃至一碗去沫外六味各咬咀如葶大篩去沫子秤入內同煎滴水中不散去查沫入蜜少許再熬點之

右點方四皆東垣先生所製乃隨證立法非如泛常通用之方如瞳子散大用訶子收之之類也

保金絲膏點眼

生薑取汁 白蜜煉去沫 猴猪膽汁三錢 黃連四兩

至五升

右先煎黃連水後入薑汁次入蜜同煎去沫淨入下項

腦子 硃砂 熊膽各四錢 射香

青鹽各三 輕粉少

鵬砂二

右研細攪勻同煎令稀膏用之

羅金露膏

二麩仁糖 黃丹各一 黃連半 蜜六

右件先將黃丹入鍋中炒黃至紫入蜜攪勻下長流水

四升以嫩柳枝頭七莖把定攪之次下麩仁候滾十數

沸又下黃連用柳枝不住手攪熬至三升單籬內傾藥

在紙上慢慢滴之無令塵污如有瘀血加礪砂一錢上

火煨開入前膏子內用入內同煎木中不效去查米

夜光丸治赤眼翳目昏花

宣黃連 訶子去核各 當歸一 銅綠一

右咬咀用河水三升同浸兩晝夜入銀磁器熬取汁再

入文武火熬槐柳枝攪滴水成珠為度

猴猪胰子二箇先去脂以水洗換水無度令

蘆甘石一兩童便一 黃連四兩河水浸去

青鹽六兩 蜜一斤澄 梨十枚去皮

右將梨汁甘石入膏子內熬五七沸次入青鹽用槐柳

枝攪褐色傾入磁瓮冷水內拔去火毒臘月合為妙正

月十一月次之餘月皆不可

濟蟾光膏治遠年目病不通道路去翳膜須用臘月成開

日合

白沙蜜四兩色白者炒隔年蔥一枝上鬚皮短切與

放定用紙 黃丹三錢水 蜜陀僧三錢水

蘆甘石煨過五錢淨水飛 杏仁湯炮去皮尖已

當歸 赤芍藥 秦皮

黃連去蘆頭 川芎兩半 訶子皮

防風 石膏 玄精石 井泉石

無名異 玄參 代赭石 石決明已上

味各三錢或咀或雪水或長流河水五升銀磁器內

熬至二升總去渣淨再熬至一升將十五味藥水傾

入前放下藥蜜一同慢火燉藥紫

金色時再添入後藥勿令火急

沒藥 琥珀 硃砂研 麝仁帶油用

已上五味各三錢前四味先研爛後入麝仁水飛一同

研細澄有渣再水飛再水飛方傾入前紫金藥內

一同復熬一二沸以藥瀝於水中不散為度大抵勿令

過與不及取下上中埋土取出置銀器中如法收貯

再添入後細藥傾入藥時勿用北平枝攪勻

南鵬砂 珍珠 龍腦 珊瑚枝四味

錢廿五 麝香五分

右件五味研極細亦以桃柳板攪勻傾入前藥中復攪

勻然後以帛封器盒口旋取用如有取不盡藥用淨水

斟酌洗碗却將碗藥水熬三五沸另行收拾或洗眼或

膏子藥稠了時傾入些少調解

右用葉柴燒共計二十九味

疔療目熱生膚赤白膜取雀屎細直者人乳和付目上消

爛盡○烏賊骨主目中一切浮翳細研和蜜點之又骨末

治目中熱有効

丹治眼翳樗白皮索為繩日乾燒為灰研細點之自漸退

妙○又方猪膽皮去汁撚為繩燒灰點之亦妙

東碧雲散治外障搗藥

麻黃根兩 歸身錢 乳香少 麝香如少加

右將當歸麻黃為籠末炒黑色入乳射研極細噲化搗

入鼻中

搐鼻

薄苛錢三 石膏錢一 黑芒硝錢一 川芎各等

細辛錢二 蔓荊子錢三 青黛錢一

東右為末鼻內搐之

丹楊生娘患赤眼生膜似白星

秦皮 滑石 黃連 荊芥

赤芍藥各三錢

右分四貼煎洗仍教其莫洗浴止可洗脚

于治法以鵝翎截之近黑睛及當自睛朔之膜自聚上以

針鈎挽之割去即見物以綿當眼着血斷三日瘥

東垣醫魏邦彥夫人目翳暴生從下而起其色綠腫痛不

可忍先師曰翳從下而上病從陽明是也綠非五方之正

色殆肺腎合為病邪乃就畫家以墨臑粉合成色諦視之

與翳同色肺腎為病無疑矣乃瀉肺腎之邪而入陽明之

藥為之使既効而他日病復作者三其所從來之經與翳

色各異乃以意消息之曰諸脈皆屬於目脈病則從之此

必經絡不調則目病未已也問之果然因視所不調者治

之病遂不作

針灸外障並見目赤門

內障

在睛裏昏暗與不患之眼相似唯瞳人裏有隱隱青白者

無隱隱青白者亦有之

丹一老人病目暴不見物宅無所苦起坐飲食如故予曰

太虛急煎人參膏二斤服二日目方見一醫與青礞石藥

予曰今夜死矣不悟此病得之氣大虛今不救其虛而反

用礞石不出此夜必死果至夜半死○一男子四十餘歲

氣虛則  
目暴無

形實平生好飲熱酒忽目盲脈濇此因熱酒所傷胃氣汚濁之血死在其中而然也遂以蘇木作湯調人參膏飲之服二日鼻內兩手掌皆紫黑予曰此病退矣滯血行矣以四物加蘇木桃仁紅花陳皮煎調人參末服數日而愈○一男子五十五歲九月間早起忽開眼無光視物不見急就睡片時却能見人物竟不能辨其何人何物飲食減平時之半神思極倦脈之緩大四至之上重按則散而無力予作受濕治詢之果因臥濕地半箇月得此証遂以白朮為君黃芪茯苓陳皮為臣附子為佐十餘貼而安

右三方治目不明皆為氣脫而用參朮追回者也經云上焦開發宜五穀味黃膚充身澤毛若霧露之漑是謂氣脫者目不明即其證也

人參補胃湯治勞役飲食不節內障眼病此方神效

黃芪根一兩

人參兩

甘草錢八

蔓荊子錢二

白芍藥錢三

黃栢三錢酒炒四錢

右咬咀每服三四錢水一大盞煎至一盞去查稍熱服

臨臥三五服兩目廣大視物如常惟覺兩脚踏地不知高下蓋火伏升發故也病減佳服七日再服此藥宜春

間服之

益氣聰明湯治飲食不節勞傷形體脾胃不足內障耳鳴或多年視物昏暗令目廣大久服無內障耳鳴耳聾之患又令精神倍常飲食增倍身輕體健耳目聰明

黃芪兩半

甘草根錢六

人參兩

升麻根錢三

葛根錢三

蔓荊子半錢

白芍藥錢一

黃栢一錢酒洗四次

右咬咀秤二錢水二鍾煎至一鍾去查熱服臨臥服五

更再煎服之得睡更妙如煩亂或有熱春月漸加黃栢夏月倍之如脾胃弱去之熱減亦少用但有熱或麻木或上壅頭目三兩服後其熱皆除又治老人腰以下沉重疼痛此藥久服治人上重反有精神兩足輕浮不知又高下空心服之或少加黃栢輕浮自減小兒減服多則壅滯若治倒捷去黃栢芍藥忌煙火酸物  
圓明內障升麻湯治內障得之脾胃元氣衰弱心火與三焦併盛為此疾劉舜卿因南征飲食失節形體勞役心不得休息眼疾復作今擬此方服之效

- 柴胡根七錢 羌活根一兩 防風根半兩 白朮
- 甘草炙 歸根酒洗 升麻根各一兩 白芍六錢
- 乾薑一錢 五味子二錢 人參
- 黃芪各一兩 白茯苓三錢 葛根

右咬咀每服五六錢水三大盞煎至二盞入黃芩黃連湯二錢同煎數沸去查煎至一盞食後熱服

黃芩黃連湯一方有升麻五錢柴胡一兩  
黃芩酒洗炒 黃連去鬚酒洗 草龍膽一兩酒洗炒四次  
生地酒洗

右咬咀每服二錢入水二盞煎數沸去查再煎至一盞熱服午後晚間俱不可服唯午飯時服之方效  
復明散治內障

黃芪半錢 川芎五分 柴胡 連翹

甘草炙各一錢 歸身二錢 蒼朮五分 生地一錢

陳皮五分 黃栢三分

右剉如麻荳大每作一服水二大盞煎至一盞去查稍熱服食後忌酒濕麪辛熱大料之物

右四方治目不明皆氣虛而未脫故可與參芪中微加連栢若氣既脫則黃栢等涼劑不可施經云陽氣者煩勞則張精絕目盲不可以視耳閉不可以聽之類是其證也

內障瞳子散大論并方 腎主骨之精為瞳子散大者因腎水虛骨枯而心包絡之火得以乘

血虛則睛散大視物花

也○凡心包絡之脈出於心中代心君行事也與少陽為表裏瞳子散大者少陰心之脈挾目系厥陰肝之脈連目系心主火肝主木此木火之勢盛也其味則宜苦宜酸宜涼大忌辛辣熱物是瀉木火之邪也飲食中常知此理可也以諸辛主散熱則助火故不可食諸酸主收心氣瀉木火也諸苦瀉火熱則益水也尤忌食冷水大寒之物此物能損胃氣胃氣不行則元氣不生元氣不生緣胃氣下陷胃中三焦之火及心火乘於肺上入胃灼髓火主散益瞳

子之散大者以此大熱之物直助火邪尤為不可食也藥中去茺蔚子以味辛及主益肝是助火也故去之加黃芩半兩黃連三錢黃連瀉中焦之火黃芩瀉上焦肺火以酒洗之乃寒因熱用也亦不可用青箱子為助陽火也更加五味子三錢以收瞳人之散大也且火之與氣勢不兩立故經曰壯火食氣氣食少火少火生氣壯火散氣諸酸物能助元氣孫真人云五月常服五味子助五臟氣以補西方肺金又經云以酸補之以辛瀉之則辛瀉氣明矣或曰藥中有當歸其味亦辛甘而不去何也此一味辛甘者以其和血之聖藥也况有甘味又欲以為鄉導為諸藥之使故不去也  
熟地黃丸治血弱氣虛不能養心致火旺於陰分瞳子散大少陰為火君主無為不行其令相火代之與心包絡之

脈出心系分為三道少陽相火之體無形其用在其中矣  
火盛則能令母實乙木肝旺是也其心之脈挾目系肝之  
脈連目系况手足少陽之脈同出耳中至耳上角斜起終  
於目外小眚風熱之盛亦從此道來上攻頭目致偏頭腫  
悶瞳子散大視物昏花血虛陰弱故也法當養血涼血益  
血收火散火而除風熱則愈矣

熟地兩一 歸身酒洗五錢 柴胡去苗八錢 天門冬去心焙三錢

人參去蘆二錢 甘草炙二錢 地骨皮三錢

黃芩兩半 枳殼炒二錢 五味子三錢 生地黃七錢半酒

焙浸 黃連三錢

右為細末煉蜜丸如菽荳大每服一百丸茶湯送下食  
後日二服制之緩也大忌辛辣物而助火邪及食寒冷  
物損其胃氣藥不上行也又一論云瞳子黑眼法於陰

由食辛熱之物助火乘於目中其睛故散睛散則視物  
亦大也

益陰腎氣丸 此壯水之主以鎮陽光也

山茱萸取皮一兩 茯苓去皮心二錢半 五味五錢 熟地二兩

乾山藥五錢 澤瀉二錢半 牡丹皮五錢 生地酒洗焙乾一兩

歸稍酒洗五錢

右為細末煉蜜丸如桐子大硃砂為衣每服五七十九  
淡鹽湯送下

滋陰地黃丸治內障右眼小眚青白翳大眚亦微顯白翳  
腦痛瞳子散大上熱惡熱大便澀後痞難小便如常遇熱  
煖處頭疼暗脹能食日沒後天陰暗則昏此症可服熟地  
黃丸翳在大眦加葛根升麻翳在小眦加柴胡羌活

熟地八錢 生地酒洗兩 歸身酒洗兩 知母酒洗炒三錢

丹參兩半 黃栢酒浸焙 芍藥一兩 防已酒洗焙

羌蔚子兩半 牡丹皮三錢 寒水石一錢 柴胡兩半

黑附一錢 川芎二錢 熟地三兩 乾山藥兩半

右為細末煉蜜丸如小豆大空心五十九白湯下如宿食未消候飢時服之餌後忌言語隨後食壓之

保當歸湯治翳補益瞳子散大

歸身 黃芩各錢 黃連 地黃各三錢

柴胡一錢 芍藥二錢 甘草各三錢

右水煎臨臥服

羅甘菊花丸治男子腎臟虛弱眼目昏暗或見黑花常服明目煖水臟活血駐顏壯筋骨

甘菊花去土 枸杞兩 熟地三兩 乾山藥兩半

右為細末煉蜜丸如桐子大每服三四十丸空心食後

各一服溫水下

瑞竹四神丸治腎經虛損眼目昏花補虛益損及兩眼雲翳遮睛

甘州枸杞一斤揀去白醜青燒者一味分作四分一兩四錢用乳

香茴香各一兩炒 川椒一兩炒 蘇一兩四錢用乳

合炒炒時先用好酒一盞將枸杞淘過

右件炒過將川椒等四味篩去不用止用枸杞子加熟地白朮茯苓各一兩同為細末煉蜜為丸如桐子大每

服五七十九空心溫酒送下加甘菊一兩尤妙

右地黃枸杞補腎例按瞳子散大不當用羌蔚川芎附子今東垣滋陰地黃丸兼用者蓋有外障大小皆之腎

故也

保柴胡散明目益腎水

柴胡 羌活 防風 生地

芍藥

甘草各等分

右為麤末水煎臨臥服

脾受邪者血病

東垣云肝木旺則火之勝無所畏懼而妄行也故脾胃先受之或病目而生內障者脾暴血胃主血心主脈脈者血之腑也或曰心主血又云脈主血肝之竅開於目也治法亦前

熱地黃丸之類是也

氣血蓄者目昧

河目昧不明熱也然玄腑者無物不有人之臟腑皮毛肌肉筋膜骨髓牙爪至於世之萬物盡皆有之乃氣出入升降之道路門戶也人之眼耳鼻舌身意神識能為用者皆升降出入之通利也有所閉塞者不能為用也若目無所見耳無所聞鼻不聞舌不知味筋痿骨痺爪退齒腐毛髮墮落皮膚不仁腸閉密而致氣液血脈勞

能滲泄者悉由熱氣怫鬱玄腑神不能升降出入故也各隨

鬱結微甚而為病之輕重故知熱鬱於目則無所見也故目微昏者至近則轉難辨物由目之玄腑閉小如膈簾視物之象也或視如蠅翼者玄腑有所閉合者也或目昏而見黑花者由熱氣甚而發之於目亢則害承乃制而反出其泣氣液昧之以其至近故雖微而亦見如黑花也

誠哉河間斯言也目盲耳聾鼻不聞臭舌不知味手足不能運用者皆由其玄腑閉塞而神氣出入升降之道路不通利故先賢治目昏花如羊肝丸用羊肝引黃連等藥入肝解肝中諸鬱蓋肝主目肝中鬱解則目之玄腑通利而明矣故黃連之類解鬱熱也椒目之類解濕熱也芫蔚之類解氣鬱也芍歸之類解血鬱也木賊之類解積鬱也羌活之類解經鬱也磁石之類解頭鬱墜邪氣使下降也蔓菁下氣通中理亦同也凡此諸劑皆

治氣血鬱結目昏之法而河間之言信不誣矣至於東垣丹溪治目昏用參芪補血氣亦能明者又必有說通之蓋目主氣血盛則玄腑得利出入升降而明虛則玄腑無以出入升降而昏此則必用參芪四物等劑助氣血運行而明也

羊肝丸三方又散一方並見肝條治肝中諸鬱目昏如神本治久年眼生黑花不明者

椒目炒一兩 蒼朮炒二兩

右件為末醋糊丸如桐子大每服二十九醋茶送下不過十日取效丹溪云椒目行參道不行也

外補肝散治三十年失明蒺藜子七月七日收陰乾搗散飲食後水服方寸七

崔但瞳子不壞者療十得九愈蔓菁子六升蒸之看氣遍

用甌下釜中熱湯淋暴乾還淋如是三遍即取枰篩為末

食上清酒調二錢送下日再服本草云蔓菁子下氣利五臟又利大便通中益氣

經治虛勞目暗昧三月蔓菁花陰乾為末以井花水空心

調下二錢七久服長生

世五福還瞳丹治目白翳赤石脂川椒二味同炒辰砂茯

神乳香束肉為丸如桐子大空心溫酒下百丸十服見效

按內障先患一目次第相引兩目俱損者皆有翳在黑

睛內遮瞳子而然今詳通黑睛之脈者目系也目系屬

足厥陰足太陽手少陰三經蓋此三經臟腑中虛則邪

乘虛入經中鬱結從目系入黑睛內為翳龍木論所謂

腦脂流下作翳者即是太陽之邪也所謂肝氣衝上成

翳者即是厥陰之邪也故治法以針言之則當取三經

之腧穴如天柱風府太衝通里等穴是也其有手巧心

內障取足厥陰少陰

審諦者能用針於黑眼裏撥其翳為効尤捷也以藥言之則當補中疎通此三經之鬱結使邪不入目系而愈今集龍木論并方于後

龍木論羚羊角飲子治圓翳內障不痛不痒

羚羊角三兩 細辛二兩 知母二兩 車前子二兩

人參二兩 黃芩各二兩 防風二兩

右為末每一錢以水一盞煎至五分食後去查溫服之

補肝散治肝風內障不痛不痒眼見花發黃白黑赤或一

物二形

羚羊角各三兩 防風各三兩 羌活各三兩 車前子一兩

人參各二兩 茯苓各二兩 細辛各二兩 玄參各二兩

黃芩炒各一兩

右為末食後調服一錢米飲湯下

羚羊角散治綠風內障頭旋目痛眼內痛澁者

羚羊角 防風 知母 人參

茯苓各一兩 女參 黃芩 桔梗各一兩

細辛三兩 車前子一兩

右為末以水一盞散一錢煎五分食後去查溫服

者 羚羊角湯治青風內障勞倦加昏重頭旋腦痛眼內痛澁

羚羊角 人參 玄參 地骨皮

羌活各一兩 車前子一兩

右為末以水一盞散一錢煎至五分食後去查溫服

右四方皆羚羊角玄參細辛羌活防風車前子為君蓋

羚羊角行厥陰經藥也丹溪云羚羊角入厥陰經甚捷

是也玄參細辛行少陰經藥也海藏云玄參治空中氣

氲之氣無根之火為聖藥也羌活防風車前子行太陽經藥也如筋脈枯澀者諸方中更加夏枯草能散結氣有補養厥陰血脈之功嘗試之有驗然此諸方又當悟邪之所在若氣脫者必與參膏相半服之氣虛者必與東垣補胃人參湯益氣聰明湯之類相半服之血虛者必與熟地黃丸之類相兼服之更能內觀靜守不于塵累使陰氣平伏方許作効

肝中熱

蘆薈丸黑水凝翳內障不痛不痒微有頭旋脈瀆者

蘆薈各一分 甘草各一分 人參各一分 牛膽各半

栝子仁各一分 細辛各一分 羚羊角二兩

右為末煉蜜為丸如桐子大空心茶下十九

墜翳丸治偃月翳束花翳等病微有頭旋額痛者

青羊膽各一分 青魚膽各一分 鯉魚膽各一分

牛膽兩 麝香少許 石決明

右為末麪糊丸如桐子大空心茶下十九

除風湯治五風變成內障頭旋偏腫痛瞳人結白者

羚羊角 車前子 芍藥 人參

茯苓 大黃 黃芩 芒硝各一分

右為末水一盞散一錢煎至五分食後去渣溫服

磁石丸治雷風內障頭旋惡心嘔吐

磁石燒赤醋 五味子 牡丹皮 乾薑

附子炮半

右為末煉蜜丸如桐子大食前茶下十九

本治目方用黃連多矣而羊肝丸尤奇異用黃連末一兩

白羊肝一具去膜同於砂盆內研令極細象手撚為丸如

桐子大每服以溫水下三十丸連作五劑但是諸眼目疾

及障翳青盲皆治忌猪肉冷水唐崔承元為官治一死囚  
出活之後數年以病目致死一旦崔為內障所苦喪明逾  
年後半夜獨坐自歎忽聞塔除窸窣之聲崔問是誰徐曰  
昔年蒙恩活囚也今來報恩遂將此方告訖而沒依此合  
服不數月眼復得明

又方治內障

白羯羊肝只用于肝一片熟地半兩 兔絲子

蕤仁 車前子 麥門冬 地膚子去殼

澤瀉 防風 黃芩 白茯苓

五味子 桂心 杏仁炒 細辛

枸杞子 菴蔚子 苦葶藶 青箱子各一兩

右為細末煉蜜丸如桐子大每服三四十九溫水下日  
三服不拘時候張臺卿嘗苦目暗京師醫者令灸肝俞

遂轉不見物因得此方眼目遂明一男子內障醫治無  
效因以餘劑遺之一夕燈下語其家曰適偶有所見如  
隔門縫見火者及旦視之眼中翳膜俱裂如線張云此  
藥靈勿妄與人忽之則無驗予益信之且欲廣其傳也  
經云肝虛則目眈眈無所見耳汨汨無所聞善恐如人將  
捕之狀海藏云目瞑肝氣不治也

肝氣虛 又鎮肝明目羊肝丸

羯羊肝一具新瓦盆中燂了更焙之肝大止用一半 甘菊

羌活 栝子仁 細辛 官桂

白朮 五味子各半兩 黃連三分

右為細末煉蜜丸如桐子大空心食前溫水下三四十  
丸

壬補肝散治目失明方

青羊肝一具去膜薄切之以新瓦瓶子未用者入肝於中炭火炙之為極細末

右為末食後服方寸七日二加至三七不過一二劑能一歲服可夜讀細書

治目眵眩無所見方用青羊肝一具細切以水一斗銅器

中煮以麪餅覆上上鑽兩孔如人眼大以日向就薰不過再薰即瘥

肝血不足

濟養肝丸治肝血不足眼目昏花或生眵淚

當歸酒洗

車前子酒蒸

防風去蘆

白芍藥

麩仁研

熟地酒蒸

川芎

枳實各等分

右為末煉蜜丸如桐子大每服七十九熟水送下不拘時

本素問云久視傷血血主肝故勤書則傷肝主目昏肝傷

則自生風熱氣上騰致目昏亦不可專服補藥但服益血鎮肝明目藥自愈

熟地黃丸

熟地一兩半

黃連

決明子各一兩

沒藥半兩

甘菊花二兩

防風

羌活各一兩

桂心五錢

硃砂五錢

右為細末煉蜜丸如桐子大每服三十九熟水下食後日三服

膽熱

千明目髮不白落方用牛膽浸槐子陰乾百日食後每日吞一枚十日身輕三十日白髮再黑百日通神

膽移熱於腦則辛頰鼻淵傳為衄血眼目全病

經云腎足少陰之脈是動則病坐而欲起目眵眩如無所見○又云少陰所謂起則目眵眩無所見者陰內奪故目

腎虛

左腎虛

眩暈無所見也此蓋房勞目昏也

治瞳子散大諸方並見前陰虛睛散大視物花條

東益本滋腎丸必與前陰虛睛散大條相兼服

黃柏去皮挫碎酒洗炒 知母去毛挫碎酒洗炒各等分

右為極細末滴水丸如桐子大每服一百五十九熱湯

送下空心服服後以乾物壓之

右腎虛

濟補腎丸治腎氣不足眼目昏暗瞳人不明漸生內障

磁石煨醋焯七次水飛過 兔絲子酒蒸二次各二兩

五味子 熟地酒蒸 枸杞子 楮實子

覆盆子酒浸 肉蓯蓉酒浸 車前子酒蒸 斛去根各

沉香 青鹽二味另研各半兩

右為末煉蜜丸如桐子大每服七十九空心鹽湯下

補腎丸

千神麴丸主明目百歲可讀細書

神麴四兩

磁石煨醋焯七次一兩

光明砂水

右為末煉蜜丸如桐子大每服五丸米飲下食前日三

服常服益眼力此方神驗不可具述

外治積年目失明不識人决明子二升杵散食後以粥飲

服方寸匕本草云决明子微寒助肝氣去精水

千白瓜子七升綯袋盛攪沸湯中三偈暴乾以酢五升浸

一宿暴乾為末酒調方寸匕服日三服之至百日可夜讀

書本草云白瓜子平寒外臺名補肝散主五勞七傷酢酸入肝

運氣 運氣目昏有四

一曰風熱經云少陰司天之政風熱叅布雲物沸騰太陰

橫流寒乃時至往復之作民病聾瞑此風熱叅布目昏

二曰熱經云少陰在泉熱淫所勝病目瞑治以酸寒此熱

勝目昏也

三曰風又云歲水不及濕乃大行復則大風暴發日視眊眊此風勝目昏也

四曰燥經云陽明司天燥淫所勝目昧眚瘍治以苦熱是也

本讀書之苦傷肝損目誠然晉范甯嘗苦目痛就張湛求方湛戲曰古方宋陽子少得其術以授魯東門伯次授左丘明遂世世相傳以及漢杜子夏晉左太冲凡此諸賢並有眼目疾此方用損讀書一減思慮二專內視三簡外觀四宜起晚五宜早眠六凡六物燉神火下以氣簇蘊於胸中七日然後納諸方寸修之一年近能數其目睫遠視尺董之餘長服不已洞見牆壁之外非但明目乃亦延年醫如是而行非可謂嘲戲亦奇方也

羅省郎中張子敬年六十七歲病眼目昏暗微黑色皮膚翳及寒膜遮睛與下項一服神効外證呵欠善悲健忘嚏噴時自淚下面赤而白能食不大便小便數而欠氣上而喘

黃芪	分七	細辛	葉五分	柴胡	分七	生薑	
荆芥	錢一	防風	半錢	羌活	半錢	藁本	錢一
甘草	稍一錢	升麻	錢一	葛根	分五	川芎	分五
知母	錢一	黃柏	半錢	歸身	錢一		

右劉如麻豈大作一服水二大盞煎至一盞稍熱服連翹飲子治目中溜火惡日與火隱澁小角偏紫久視昏花迎風有淚

蔓荊子		甘草		連翹	各三分	柴胡	分二
酒黃芩	分五	生地	分三	防風	分五	人參	分三
黃芪	分五	紅葵花	分三	升麻	錢一	歸身	分三

羌活分五

右咬咀每服五錢水二盞煎至一盞去查稍熱食後服  
前一方法治倒睫拳毛後三方治眼楞緊急縮小眼楞緊  
縮小者倒睫拳毛之漸也故以其方附於後蓋陽虛則  
眼楞緊急陰虛則瞳子散大故東垣治眼楞緊急用參  
芪補氣為君佐以辛味疎散之而忌芍藥五味子之類  
酸收是也治瞳子散大用地黃補血為君佐以酸味收  
斂之而忌羌蔚子青箱子之類是也

治倒睫眼方以無名異末摻捲在帛中作撚子點着至藥  
末處吹殺以烟薰之自起  
本治倒睫爛弦

蠶沙兩

號丹五錢

右二味慢火熬成膏入輕粉五分熬黑色逐時湯泡洗

也太陽陽明氣血俱盛乃刺其鼻中攢竹穴與項前五穴  
大出血目立明

青盲遠視不明承光主之○瞳子癢遠視昏眵眵夜無  
見目潤動與項口相參引喝噤口不能言刺承泣 目瞑  
身汗出承漿主之

撮要眼無光○商陽一分沿皮向後三分瀉之灸

甲青盲商陽主之○瞳目目 眵偏歷主之○瞳目目眵  
眵少氣灸手五里左取右右取左○目瞑遠視眵眵目窻  
主之○青盲瞳目惡風寒上關主之

金針開  
內障法  
龍木論內障根源歌

不疼不痛漸昏濛 薄霧輕烟漸漸濃  
或見蛇飛花亂出 或如絲絮在虛空  
此般狀樣因何得 肝臟停留熱與風

大叫大啼驚與恐

腦脂流入黑睛中

初時一眼先昏暗

次第相牽與一全

苦口何須陳逆耳

只緣肝氣不相通

此時服藥宜銷定

將息多乖即沒功

日久既應全黑暗

時名內障障雙瞳

名字隨形分十六

龍師聖者會推窮

靈藥這回難得効

金針一撥日當空

強脩將息依前說

莫遣依前病復踪

針內障眼法歌

內障由來十六般

學醫人子審須看

分明一一知形狀

下針方可得安然

若將針法同圓翳

誤損神光取瘥難

冷熱光明虛與實

調和四體待令安

不然氣悶違將息

嘔逆勞神翳却翻

咳嗽震頭皆未得

多驚先服鎮心丸

若求涼藥銀膏等

用意臨時體候看

老翳細針初復嫩

針形不可一般般

病虛新產懷娠月

下手總知將息難

不雨不風兼皓月

清齋三日在針前

安心定意行醫道

念佛親姻莫雜喧

患者向明盤膝坐

提撕腰帶得心安

針者但行醫哲路

惻隱之情實善緣

有血莫驚須住手

裹封如舊再開看

忽然驚振醫重卜

服藥三句見朗然

七日解封難見日

花生水動莫它言

還睛丸散堅心服

百日分明復舊根

針內障後法歌

內障金針針了時	醫師言語要深知
綿包黑豆如毬子	眼上安排日係之
臥眠頭枕須安穩	仰臥三朝莫厭遲
封後忽然微有痛	腦風牽動莫它疑
或針或絡依經法	痛極仍將火慰之
擬吐白梅含咽汁	吐來仰臥却從伊
起則恐因遭努損	雖然希有也須知
七朝鼓粥温温食	震着牙開事不宜
大小便時須緩緩	無令自起與扶持
高聲叫喚言多後	驚動睛輪見雪飛
如此志心三十日	漸行出入認親知
狂心莫憶陰陽事	夫婦分牀百日期

一月不須臨洗面  
 針痕濕着痛微微  
 五腥酒麪周年斷  
 服藥平除病本基  
 右龍木論金針開內障大法謹按其法初患眼內障之時其眼不痛不澁不痒頭不旋不痛而翳狀已結成者宜金針撥去其翳如撥雲見日而光明也今具其畧于後

開內障圖

圓翳初患時見蠅飛花發垂蟻薄烟輕霧先患一眼次第相牽俱圓翳如油點浮水中陽看則小陰看則大金針一撥○滑翳翳如銀珠○澁翳翳如凝脂色○浮翳藏形睛之深處細看○橫翳橫如劍脊兩邊薄中央厚宜方見宜針深撥之○橫翳針于中央厚處撥之已上五翳皆先患一目向後俱損初患之時其眼痛澁頭旋額痛雖有翳狀亦難針撥獨偃月翳寒花翳黑水凝翳微有頭旋額痛者宜○冰翳初患時頭旋額痛者眼臉骨鼻頰骨凍堅白宜干所過經脈針其俞○偃月翳初患時微微頭太忌出血宜針撥動不宜強撥



陽虛不能遠視

溫酒亦下食後六味地黃丸亦治此症  
能近視不能遠視者陽氣不足陰氣有餘乃氣虛而血盛也血盛者陰火有餘也氣虛者元氣衰弱也此老人桑榆之象也

海目能近視責其有水不能遠視責其無火法宜補心

東定志丸出方治眼不能遠視能近視者

遠志去苗心 人參一兩 白茯苓去皮 葛蒲二兩

右為末煉蜜丸硃砂為衣每服十九加至二十九

雀目日落即不見物

濕痰

無蛤蚧丸治雀目日落不見物

蛤蚧研細 黃蠟等分

右溶蠟搜粉為丸如東大每用猪肝一片二兩許批開

裹藥一丸麻線纏入窠內小一碗煮熟取出乘熱薰目

至溫吃肝以愈為度神効

千雀目方

地膚子五錢 決明子一升

右二味為末以米飲汁和丸食後服二十六至三十九

日日服至瘥止

世治雀目用蒼朮四兩米泔水浸一宿切作片焙乾為末每服三錢猪肝二兩批開糝藥在內用麻線繫定粟米一合水一碗砂鍋內煮熟熏眼候溫臨臥服之大効

聖治雀目眼不計時月用蒼朮一兩搗羅為末每服一錢

不計候

針灸 心雀目不能夜視 神庭 上星 前頂 百會各出監血

愈之立 又法 照海 肝俞

目淚不止

火氣燔  
目淚出

素厥則目無所見夫人厥則陽氣并於上陰氣并於下陽并於上則火獨光也陰并於下則足寒足寒則脹也夫一水不勝五火故目皆盲是以氣衝風泣下而止夫風之中目也陽氣內守於精是火氣燔目故見風則泣下也有以此之夫火疾風生乃能雨此之類也脈解精微論子和凡風衝淚出俗言作冷淚者非也風衝于內火發于外風熱相搏由是淚出內外皆治可愈治外以貝母一枚白膩者加胡椒七粒不犯銅鐵研細臨臥點之治內以當歸飲子服之

當歸 大黃 柴胡 人參  
黃芩 甘草 芍藥各一兩 滑石半兩  
右切碎每服三錢至五錢水一盞生薑三片同煎七分去查溫服

寒濕積  
滯淚出

肝為淚全文見五臟

垣水附木勢上為眼澁為眵為冷淚此皆由肺金之虛而肝木寡於畏也

孫英宗朝國婆婆患眼冷淚眼科醫官治二三年不能療上召孫孫至曰臣非眼科但有藥耳容進方用石決明一兩赤小豆一兩半半夏五錢生班猫二十一粒炒去頭足木賊五錢為末薑汁丸如桐子大每服二十九薑湯下方進聖旨下眼科詳定眼科醫官奏曰此方於眼科甚不相涉班猫有毒恐傷臟腑不敢用合再取聖旨國婆婆聞之曰眼科醫官不惟不能亦不愿使我治也但合此藥總傷無怨上聞之孫自進藥服經十餘日愈八分二十日全愈時眼科並降兩官孫賞錢三十萬  
銀海止淚方

汗多淚  
出者風  
寒入胃

經云風氣與陽明入胃循脈而上至目內眥則寒中而泣  
出此中風寒淚出也

河當歸湯治風邪所傷寒中目淚自出肌瘦汗不止

當歸

人參各三兩

官桂兩

乾薑炮

白朮

白茯苓

甘草

川芎

細辛

白芍藥各半兩 陳皮兩

右為末每服二錢水一盞生薑一片寒二枚同煎至八

分去渣熱服不計時併三服

雜方

本治頭風冷淚麗安常二方

甘菊

決明子各二錢

白朮

羌活

川芎

細辛

白芷

荆芥穗各半兩

右為細末每服一錢溫湯調下食後日三服

又方

川芎

甘菊

辛

白朮

白芷

已上各等分

右為末蠟丸如黍米大夜臥服一九日中一時辰換一

丸

本治風盛隔壅鼻塞清涕熱氣攻眼下淚多眵齒間急

作頭痛川芎丸

川芎

柴胡各一兩

半夏麩

甘草炙

甘菊

人參

前胡

防風各半兩

右每服四錢水一盞生薑四片薄荷五葉同煎七分去

渣溫服

靈五臟六腑心為之主耳為之聽目為之視肺為之相肝

為之榮脾為之衛腎為之主外故五臟六腑之津液盡上  
滲于目心悲氣并則心系急心系急則肺舉肺舉則液上  
溢夫心系與肺不能常舉乍上乍下故欬而泣出矣  
丹婦人患眼眇不思食四物湯加白朮陳皮黃芩連翹分  
六貼煎食前熱服 又灸合谷

肘治眼淚出不止用黃連以綿乾拭目

山風淚眼九節黃連和槐樹皮灰麤末燉湯澄清頻洗

垣神効明目湯連翹飲子治淚不止二方並見  
倒捷奉毛

運氣 運氣淚出皆從風熱經曰厥陰司天之政三之氣天政布

風乃時舉民病泣出是也

針灸 集迎風冷淚眇眼黑花 大骨空小骨空如上火灸  
吹火滅 二

間一分沾皮向後  
刺五分灸之 合谷針灸

風沿爛眼

風熱

丹風沿眼系上膈有積熱自飲食中挾怒氣而成頑痰痞  
塞濁氣不降清氣不上升由是火益熾而水益降積而久  
也眼沿因膿漬而腫於中生細小虫絲逐年久不愈而多  
痒者是也 用紫金膏以銀釵脚搯去油膩點之試問若果  
痒者又當去虫以絕根本蓋紫金膏止是去濕與去風涼  
血而已若前所謂飲食挾怒成痰又須更與防風通聖散  
去硝黃為細末以酒拌勻晒乾依法服之禁諸厚味及大  
料物方盡諸法之要紫金方未詳即藤室秘藏  
眼目門還睛紫金丹是也

防風通聖散方見

世蘆甘石散治爛風眼以蘆甘石不拘多少先用童便煨  
七次次用黃連濃煎汁煨七次次用谷雨前茶清濃煎煨  
七次又併三汁餘者一處再煨三次然後安放地上一宿  
出火氣細細研入冰片射香點上神妙蘆甘石煨時須用

好紫銷炭極大者鑿一穴以安蘆甘石  
丹治風沿爛眼二蚕沙用香油浸月餘重綿纏過點之愈  
久愈妙

世紫金膏用水飛過號丹蜜多水少文武火熬以器貯點  
之

保治眼赤暗以青泥蛆淘淨晒乾末之仰臥合目用藥一  
錢放眼上須臾藥行待少時去藥赤暗自無

東垣目眶赤爛歲久俗呼赤暗是也常以三稜針刺目外  
以洩濕熱立愈

撮要風弦爛眼 大骨空 在手大指第二節尖  
灸九壯以口吹火滅 小骨空

在手小指二節尖  
灸七壯亦吹火滅

倒睫拳毛

陽虛 眼睫毛倒入眼中突是也

垣神効明目湯治眼楞緊急致倒睫拳毛損目及上臉  
赤爛睛亦疼痛昏暗目則冷淚長流夜則眼眵滿眼

葛根一錢 甘草根二錢 防風根一錢 蔓荊子五分

細辛根三分

又一方加黃芪根一錢

右咬咀作一服水一盞八分煎至一盞去查稍熱臨臥

服効

防風飲子治倒睫拳毛

黃連炒 甘草炙 人參各一錢 葛根各一錢

防風各五分 歸身一錢 細辛葉 蔓荊子各三分

右剉如麻苴大都作一服水二大盞煎至一盞去查溫

服食後避風寒濕熱處眠之

神効黃芪湯治渾身麻木不仁及兩目緊急縮小羞明畏

日或隱澁難開或視物無力睛痛昏花手不得近或目少  
睛光或目中熱如火服五六次神效

黃芪

兩

人參

去蘆  
兩

甘草

兩

蔓荊子

錢

白芍藥

兩

陳皮

去白  
兩

右吹咽每服四五錢水一盞八分煎至一盞去查臨臥  
稍熱服如小便淋澁加澤瀉五分如有大熱證加黃柏  
三錢酒浸四次炒如麻木不仁雖有熱不用黃柏再加  
黃芪一兩如眼縮小去芍藥忌酒醋濕麪大料物蔥蒜  
蒜及淡滲生冷硬物如麻木重甚者加芍藥一兩木通  
一兩

撥雲湯戊申六月徐總官患眼疾於上眼皮下出黑白翳  
二箇隱澁難開兩目緊急而無疼痛兩手寸脈細緊按之  
洪大無力知足太陽膀胱為命門相火煎燉逆行作寒水

不澤六脈弦細而無力一日出示治目二方問予可服否  
予曰此藥以黃連太苦之藥為君諸風藥為使且人年五  
十膽汁減而目不明內經云土位之主其瀉以苦瀉風藥  
亦能瀉土年六十脾胃虛而皮肉枯重瀉其土使脾胃虛  
而不能營運榮衛之氣滋養元氣胃氣不能上行膈氣吐  
食諸病生矣又况年高衰弱此藥不可服只宜慎言語節  
飲食懲忿窒慾此不治之治也子敬以為然明年春除關  
西路按察司三年致仕還精神清勝脈遂平和此不服寒  
涼之劑也內經云誅伐無過是謂大惑解之可也  
靈黃帝曰人之哀而涕泣者何氣使然岐伯曰心者五臟  
六腑之主也目者宗脈之所聚也上液之道也口鼻者氣  
之門戶也故悲哀愁憂則心動心動則五臟六腑皆搖搖  
則宗脈感宗脈感則液道開液道開故涕泣出焉液者所

以灌精濡空竅者也故上液之道開則泣泣不止則液竭  
液竭則精不灌精不灌則目無所見矣故命曰奪精補天  
柱經俠頸中分也

針灸

針灸內障有四法此篇是其一也

其二取肝經曰肝虛則目眈眈無所見善恐取其經厥陰

與少陰取血者是也

其三取腎經云腎足少陰之脈是動則病目眈眈無所見

視寒熱虛實取之也

其四取陽蹻經云邪之所在皆為不足上氣不足目為之

瞑補足外踝下留之是也

玉眼久病昏花 肝脰一分沿皮向外 三里一寸瀉

童子窈

子和戴人女僮至西華昌急暴盲不見物戴人曰此相火

瑞青散治眼倒睫極效

蝟刺

束棘針

白芷

青黛

右各等分為細末左眼倒睫口噴水左鼻內搗之右眼

倒睫右鼻內搗之

山眼毛倒睫摘去拳毛用虱子血點入眼內數次即愈

垣眼生倒睫拳毛由目緊急皮縮之致也蓋內伏熱攻陰

氣外行當去其內熱并火邪使眼皮緩則眼毛立出翳膜

亦退用手法攀出內臉向外刺以三稜針針出熱血以左

瓜甲迎住針縫立愈

努肉攀睛

羅還睛散治眼翳膜昏澁淚出瘀血努肉攀睛

川芎

草龍膽

草決明

石決明

荆芥

椒實

野菊花

野麻子

熱

白茯苓皮去

甘草炙

木賊

白蒺藜

川椒炒去子

仙靈脾

茵陳已上各半兩

右為細末每服二錢食後茶清調下一日三服忌雜魚肉及熱麪蕎麥等物一方有楮實子無仙靈脾茵陳枳殼三味

圖治卒患赤目努肉生內痛者取好漿一箇搗絞汁黃連三枚碎之以綿裹漬令色變仰臥注目中

外主目翳及努肉用礬石最白者納一黍米於翳上及努肉上即為淚出綿拭之令惡汁盡其疾日減翳自消薄便瘥礬石須真白者方効

干治目中生息肉翳滿目閉瞳子及生珠管方

貝齒七枚燒為末真珠等分

右為細末如粉以注翳肉上不過五度即瘥

針灸

集努肉攀睛

精明

風池

太陽出血

期門

雜方

世治飛絲入目者用頭垢點入眼中即出神効○飛絲入眼用柘樹漿點了綿裹筋頭蘸水於眼上繳拭涎毒○治飛絲入目以火麻子一合杵碎并花水一碗浸攪却將舌

浸水中涎沫自出神効一方用茄子葉碎杵如麻子法尤妙

丹飛絲落眼眼腫如眯痛澁不開鼻流清涕用京墨濃磨以新筆塗入目中閉目少時以手張開其絲自成一塊看

在眼白上却用綿輕輕惹下則愈如未盡再塗此方累効○治眯目鹽與豉置水中浸之視水其查立出孫真人方干治稻麥芒入眼取蟬螬以新布覆自上待蟬螬從布上摩之其芒出着布上

山物落眼中用新筆蘸繳出○又方濃研好墨點眼立出

視岐亂見

精不相  
比則視  
岐

靈帝曰余嘗上清冷之臺中堦而顧匍匐而前則惑余私異之竊內怪之獨瞑獨視安心定氣而不解獨搏獨眩被髮長跪俛而視之後久之不已也卒然自上何氣使然岐伯曰五臟六腑之精氣皆注於目而為之精精之窠為眼骨之精為瞳子筋之精為黑眼血之精為絡其窠氣之精為白眼肌肉之精為約榮裹擷筋骨血氣之精而與脈并為系上屬於腦後出於項中故邪中於項因逢其身之虛其入深則隨眼系以入於腦入於腦則腦轉腦轉則目系急目系急則目眩以轉矣邪中其精其精所中不相比也則精散精散則視岐故見兩物

大惑論

本荀牧仲頃年嘗謂予曰有人視一物為兩醫作肝氣盛故見一為二服瀉肝藥皆不驗此何疾也予曰孫真人曰靈樞有云目之系上屬於腦後出於項中云云則視岐故見兩物也令服驅風入腦藥得愈

神勞則  
精氣亂  
視岐

靈目者五臟六腑之精也榮衛寃寃之所常營也神氣之所生也故神勞則寃寃散志意亂是故瞳子黑眼法於陰白眼赤脈法於陽也故陰陽合轉而精明也目者心之使也心者神之舍也故神精亂而不轉卒然見非常處精神寃寃散不相得故曰惑也帝曰余疑其然余每之東死未曾不惑去之則復余唯獨為東死勞神乎何其異也岐伯曰不然也心有所喜神有所惡卒然相感則精氣亂視誤故惑神移乃復是故問者為迷甚者為惑

大惑篇

素夫精明者所以視萬物別白黑審長短以長為短以白為黑如是則精衰矣

右目亂見治法東垣益氣聰明之類是也

目閉不開

足太陽之筋為目上綱足陽明之筋為目下綱熱則筋縱

目不開全文見筋論條

甲 目者水溝主之

集 一視者視物而目睛不轉動者是也若目睛動者非直

視 傷寒直視者邪氣壅盛目其正氣使神氣不慧臟腑

之氣不上榮於目則目為之直視傷寒至於直視為邪氣

已極證候已逆多難治經曰衄家不可發汗發汗則額上

陷脈緊急直視不能瞬不能眠以肝受血而能視亡血家

肝氣已虛目氣已弱又發汗亡陽則陰陽俱虛所致也此

雖錯逆其未甚也逮狂言反目直視又為腎絕直視搖頭

又為心絕皆臟腑氣脫絕也直視讞語喘滿者死不利者

亦死又劇者發狂則不識人循衣摸床惕而不安微喘直

視脈弦澹者死皆邪氣盛而正氣脫也

少陽終者其百節縱目張絕系全文見診生死條目系絕故目不動而直視王注云

眾謂直視如驚貌○眾音瓊

目上視

瞳子高者太陽不足戴眼者太陽已絕全文見診生死戴眼者目直視不能

轉動也

太陽之脈其終也戴眼反折瘈瘲

針灸目上視見中風上

針灸 診

目十脈

羅○羅音雙  
羅羅直野咬聲  
 少則然昏其百滑凝目是昏系  
此目不得視而直視玉去云  
全女眼筋中張筋目系發  
 脈相結者衣昔汗前凝而玉滯也  
 亦液又情汗發其順不歸入散不難未過而不安凝也直

醫學綱目卷之十四

肝膽部

脇痛

脇痛氣逆

附腋踵

腋臭

實則脇痛善怒中執

丹肝木氣實肝火盛而脇痛者當歸龍薈丸為瀉肝火要藥  
 脇痛甚者用生姜自然汁吞下龍薈丸以肝火盛也

龍薈丸方見治法門肝實條

經云肝氣實則怒又云肝痛者兩脇下痛引少腹善怒龍薈丸治肝實脇痛其人氣收者善怒是也甚則用姜汁吞下經云風木淫勝治以辛涼是也

壽四郎右脇痛小便赤少脉少弦不數此內有陳久積痰飲因外感風寒所遏不能宣散所以作痛與龍薈丸三十粒保和丸三十粒細嚼姜片以熱湯下服後脇痛已安小便尚赤少再與

白朮錢三

陳皮

芍藥各二錢

木通一錢半

醫學綱目卷之四

條苓錢一 甘草分五

一婦人脾疼帶脇痛口微乾問已多年時尚秋用二陳湯

加川芎乾葛青皮木通下蘆薈丸二十粒 章宅張郎氣

痛自右脇時作時止脈沉而弦小便時有赤色吞酸喜嘔

出食此濕痰在脾肺間所以肝善乘之小柴胡湯去黃芩

加川芎白朮木通芍藥滑石生姜煎湯下保和丸三十五

粒 一婦人氣暈兩脇胃背皆痛口乾

青皮 半夏錢五 白朮 黃芩

川芎錢三 木通錢二 陳皮錢二 桔梗錢二

甘草錢久半

右分六帖煎熱服 又脇下有食積一條扛起加吳茱

脇痛挾  
皮積

莫炒黃連

本治因驚傷肝脇骨裡疼痛不已桂枝散

右為細末每服二錢姜棗湯調下

繫勻氣散專治脇痛 山梔 熟地 茯苓 細辛

右研為末加羊脂煎服 本治脇下疼痛不可忍兼治肺弱芎葛湯

川芎 乾葛 桂枝 細辛

枳殼 人參 芍藥 麻黃

防風各半 甘草錢二 右為粗末每服五錢水二盞生姜三片同煎至七分去

醫學綱目卷之四

查溫服日三服有汗避風

治脇下風氣作塊寒疝發則連小腹痛揆心其積屬肝左

右脇下故病發則右脇手足頭面昏痛不思飲食

乾葛兩 麻黃分 附子箇 川芎

防風 當歸 枳實 芍藥

桂枝 羌活 甘草各四錢

右為粗末每服四錢水一盞半生姜三片同煎至七分

去查服日三有汗避風

治脇痛如前兼去手足枯悴薏苡仁九

薏苡仁兩 石斛用細者二錢 附子半兩

牛膝 生地黃各三錢 細辛

人參 枳殼 栝子仁 川芎

當歸各半兩 甘草 桃仁各一兩

右為細末煉蜜丸如桐子大每服三四十丸酒吞下食

前日三服丸子食前煮散食後相兼服為佳

治悲哀煩惱傷肝氣至兩脇骨疼筋脉緊腰脚重滯兩股

筋急兩脇牽痛四肢不能舉漸至脊脊彎急此藥大治脇

痛枳殼黃散

枳殼四兩 細辛 桔梗 防風

川芎各二兩 葛根半兩 甘草

右為粗末每服四錢水一盞半姜棗同煎至七分去查

空心食前溫服

右肝虛脇痛經所謂木不及病中清肱脇痛是也中清

謂中有寒也熱實脇痛當歸龍薈丸是也

仲脇下偏痛發熱其脉弦緊此寒也以溫藥下之宜大黃

附子湯

寒實熱

大黃錢三

附子二枚

細辛二兩

右三味以水五升煮取二升分溫三服若強人煮取二升半分溫三服服後如人行四五里更進一服

神保丸治心膈痛腹痛血痛腎氣脇下痛大便不通氣噎宿食不消

木香二錢

胡椒半錢

巴豆十枚去皮

乾蝎七枚

右四味共為末湯浸蒸餅為丸如麻子大亦用硃砂為衣每服五丸心膈痛柿蒂燈心湯下腹痛柿蒂煨姜湯下血痛炒姜醋湯下腎氣脇下痛茴香酒下大便不通蜜湯調棋榔末一錢下氣噎木香湯下宿食不消茶酒任下

許學士云沈存中良方載頃在建陽醫者王琪言諸氣喘

痰氣

膀胱脇下痛最難治謂神保丸能治之熙寧中病項筋骨痛諸醫皆作風治之數月不瘥乃流入于背脊又臂攣痛甚苦憶瑱語有証乃合服之一服而瘥再發又一服立効繫煮黃丸治脇下痙痛如神方見內傷飲食丹控涎丹治一身氣痛及脇走痛痰挾死血加桃仁泥凡脇痛有痰流注二陳加南星川芎蒼朮實者控涎丹下之本治男子兩脇疼痛枳實散

枳實兩一

白芍藥炒

雀腦芎

人參各半兩

右細末姜枣湯調二錢酒亦得食前日三服

東調中順氣丸治三焦痞滯水飲停積脇下虛滿或時刺痛

木香

白荳蔻去殼

青皮炮

京三稜炮各

陳皮

大附子各二兩

半夏湯炮七次一兩

縮砂去殼

檳榔 沉香各半兩

右為末煮麪糊為丸如桐子大每服三十九丸漸加六十丸食後陳皮湯送下

沉香導氣散治一切氣不升降脇肋痞塞

沉香二錢半 人參五錢 檳榔二錢半 白朮

烏藥 麥蘖炒 神麩炒 紫蘇葉

大腹皮炒 厚朴製各一兩 訶子皮炮半兩 香附炮半兩

姜黃 橘紅 甘草各四兩 京三稜二兩

廣茂炮四兩 益智二兩 紅花四兩

右為細末每服二錢食前沸湯點服

汚血

丹溪云脇痛有死血者桃仁紅花川芎之類是也若跌撲脇痛者亦為汚血流歸脇下而痛東垣復元活血湯之類是也治法見顛撲傷損門

運氣 運氣脇痛者鄉境皆病脇痛也其証有二

其一風木助肝氣實而痛經云厥陰所至為脇痛又云厥陰在泉風淫所勝民病兩脇裡急支滿又云少陽司天之政初之氣風勝乃搖候乃大溫其病脇痛治以涼劑得痊也

其二燥金攻肝虛而痛經云少陽所至為脇痛又云陽明司天燥氣下臨肝氣上從脇痛又云少陰司天地乃燥凄滄數至脇痛善太息又云歲木不及燥乃大行民病中清肱脇痛治以溫劑得痊也

針灸 內經灸刺脇痛有三法

其一取肝經云肝病者兩脇下痛引小腹善怒取其經厥陰與少陽又云邪在肝則兩脇中痛寒中惡血在內行善

掣節時脚腫取之行間以引脇下補三里以溫胃中取血脈以散惡血取耳間青脈以去其掣是也

其二取膽絡經云邪客足少陽之絡令人脇痛不得息欬而汗刺足小指次指爪甲上與肉交者各一痛不得息立已汗出立止欬者溫衣飲食一日已左刺右右刺左其病不已復刺如法是也

其三取心經云心手少陽脈所生病者目黃脇痛視虛實熱寒陷下施補瀉疾留灸之法也

集脇痛 懸鍾 竅陰此二穴左取右右取左竅陰出血妙 外關 三里此穴正取

又法 支溝 章門 中封 陽陵泉治閃 行間瀉肝怒氣 期門治傷寒後脇痛 治脇并胸痛不可忍 期門四分 章門六分灸七壯

行間 丘墟 湧泉 東胸脇痛 期門沿皮三寸 支溝 膽俞沿皮半寸

胸脇脹滿痛 公孫 三里 太衝 三陰交 腰脇痛 環跳 至陰 太白 陽輔

撮脇肋痛 支溝透間使瀉之灸 外關透內關如取支溝不必再取外關 通脇痛 陽陵泉

甲脇下支滿嘔吐逆陽陵泉主之 腹中氣脹噎嗝不嗜食脇下痛陰陵泉主之

仲寸口脈弦者即脇下拘急而痛其人嗇嗇惡寒也 靈合腋張脇者肺下肺下則居貴迫肺善脇下痛 青色

粗理者肝大肝大則逼胃迫咽則苦膈中且脇下痛 凡脇骨偏舉者肝偏傾肝偏傾則脇下痛 揭唇者脾高

診

脾高則眇引季脇而痛俱見本草

脾滿氣逆見喘條

附腋腫 腋臭

內經針灸刺腋腫有二法

其一取膽經云膽足少陽之脉所生病者缺盆中腫痛腋

下腫是也 其二取心經云心主手厥陰脉是動則病手心熱腋腫皆

視虛實寒熱陷下施補瀉疾留灸也

丹腋氣神效方 蜜陀僧兩 白礬七錢 礪砂少 射香少

右為細末先用皂角煎湯洗後傳上

又方

銅青 蜜陀僧 辰砂 白礬 礪砂 白附子

亦如前法搽之

本治腋氣用夜明砂不拘多少為末用豆豉汁調塗立效 又方以銅青好者不以多少米醋調成膏先洗淨腋下用 輕粉摻過却使上件塗之立效

經治狐臭用生薑塗腋下絕根本

三因治狐臭大蜘蛛一箇以黃泥入少赤石脂搗羅極細 入鹽少許杵為一窠包藏蜘蛛在內以火燒令通紅放冷 剖開將蜘蛛研細臨臥入輕粉一字用醞醋調成膏付腋 下明日登廁必瀉下墨汁臭穢不可聞於遠僻處傾埋之 免致染人

世治腋氣先用刀削去腋毛淨用白定粉水調搽俟患處 至過六七日夜後次日早看腋下有一黑點如針孔大用 筆點定即用艾炷灸七枚灸過攻心中痛當用後藥下之

青木香

檳榔

丁香

檀香

射香

大黃

右煎服以下為度

諸疝附少腹痛  
同治法

癰疝

狐疝

產小腹痛

大法

疝痛屬足厥陰肝經也小腹亦肝經也故疝痛與小腹痛  
同一治法所謂疝者舉丸連小腹痛也其痛有獨在舉丸  
者有獨在小腹偏於一邊者有舉丸如升斗者癰疝是也  
又立臥出入往來者狐疝是也  
丹疝痛之甚者也舉丸連小腹急痛也有痛在舉丸者有  
痛在五樞穴邊者皆足厥陰之經也或有形或無形或有  
聲或無聲或有形如瓜有聲如蛙者素問以下歷代名醫  
皆以為寒蓋寒主收引經絡得寒收引不行所以作痛理  
固然也有得寒而無疝者又必有說通之可也予嘗因門

歷代獨  
治外束

戶上履霜雪踢冰徒涉不曾病此以予素無熱在內也因  
而思之此症始於濕熱在經鬱而至久又感寒氣外束濕  
熱之邪不得疏散所以作痛若只作寒論恐為未備或曰  
此症多客厥陰一經其道遠其位卑鬱積濕熱何由而致  
予曰大勞則火起於筋醉飽則火起於胃房勞則火起於  
腎大怒則火起於肝本經火積之久母能生子濕氣便盛  
厥陰屬木係於肝為將軍之官其性急速火性又暴為寒  
所束宜痛之亦大暴也愚見有用烏頭梔子等分作湯用  
之其効亦敏後因此方隨症與形加減用之無有不應然  
濕熱又須分多少而施治但濕者腫多癰疝是也又有挾  
虛而發者當以參朮為君而以疏導藥佐之脰其脉不甚  
沉急而大豁無力者是也然其痛亦輕惟覺重墮牽引耳  
羅丁香練實充治男子七疝痛不可忍者婦人癢聚帶下

之寒

皆任脉所主陰經也乃肝腎受病治法同歸於一

當歸去

附子炮

川練子

茴香各

右剉碎以好酒三升煮酒盡為度焙乾作細末每藥

末一兩入下項藥

丁香分

全蝎筒

玄胡索錢

木香分

右四味同為細末入前項當歸等末內拌勻酒糊為丸

如桐子大每服三十九至百丸温酒空心送下一方無

香名苦練凡疝氣帶下皆屬於風全蝎治風之聖藥也

川練茴香皆入小腹經當歸玄胡索和血止痛疝氣帶

下皆積寒邪於小腸之間故以附子佐之丁香木香為

引導也漆匠韓提控疝氣每發痛不可忍則於榻兩末

各置一枕往來伏之以受如是三年不已服此藥三劑

良愈

丁香疝氣丸治臍下撮急疼痛并臍下週身一遭皆急痛  
小便頻數清其五脉急洪緩瀦沉按之皆虛獨腎脉按之  
不急皆虛無力名曰腎疝

當歸

茴香各半

甘草稍

麻黄根節

丁香分

全蝎筒

玄胡兩

羌活稍

肉桂錢

防已錢

川烏兩

右件為細末酒糊丸如雞荳大每服五十九淡鹽湯送

下須空心宿食消盡服之

羅當歸四逆湯治男子婦女疝氣臍下冷痛相引腰膝而  
疼

當歸稍

附子炒

官桂

茴香炒

芍藥分

玄胡索

川練子

茯苓各

澤瀉分

柴胡分

右研為粗末都作一服水煎空心

玄胡索苦練湯治臍下冷撮痛陰冷大寒

肉桂三分

附子三分

熟地黄錢一

甘草稍錢半

苦練子二分

黃柏引用

玄胡索分

右件都作一服水四盞煎至一盞依法食前服

右四方桂附治寒玄胡當歸川練茴香丁香木香和血

調氣蓋寒症挾汚血滯氣者宜之

葫蘆巴丸治大人小兒小腸氣疝腸奔豚疝氣偏墜陰腫

小腹有形如卵上下來去痛不可忍或絞結繞臍攻刺嘔

吐悶亂並皆治之

葫蘆巴兩

茴香鹽炒一兩半

吳茱萸湯洗炒一兩二錢

川練子兩二錢

去核炒

巴戟去心炒七錢半

川烏炮去皮尖七錢半

黑丑炒取頭末二兩

右研為細末酒糊為丸如桐子大每服十五丸至二十丸止空心溫酒送下小兒五丸茴香湯下食前一本無

黑丑

衍葫蘆巴本經云得茴香桃仁治膀胱氣甚効嘗合用桃

仁麩炒各等分拌酒糊丸半為散每服五七十九空心食

前鹽酒下散以熱米飲調下與丸子相間空心各一二服

効

丹腎氣疝

茴香

破故帛

吳茱萸鹽炒各半兩

木香三錢半

葫蘆巴十錢半

右為細末蘿蔔搗汁丸鹽湯下

右三方葫蘆巴破故帛巴戟為君蓋疝而元陽氣虛少

者宜之

本治小腸氣不可忍者

烏藥搗碎酒浸二宿

青皮二兩去白

高良姜剉

茴香剉

右研為末每服二錢遇發熱酒調下

治遠年小腸氣眾醫不瘥者

硫黃

茴香炒令黃不可犯

右研為末每服五錢用熱酒調空心服除根本

川練散

木香一兩

茴香一兩炒黃色不用鹽

川練子一兩剉細用巴豆十粒打破一處炒黃色不用巴豆

右研為細末每服二錢空心食前調下

天台烏藥散

烏藥

木香

茴香炒

良姜各五錢

檳榔三錢

川練子十箇

巴豆十四粒

青皮半兩

右八味先以巴豆打碎一同練實用麩炒候黑色去巴豆麩俱不用外為細末每服一錢溫酒調下痛甚炒生薑熱酒下亦得

簡木香練子散治小腸疝氣膀胱偏墜久藥不効者服此其効如神

川練子三十箇巴豆二十粒同炒黃赤色去巴豆不用將川練子研為末

葶藶半兩

石菖蒲一兩炒

青木香一兩炒

荔枝核二十枚炒

右研為細末每服二錢入射香少許空心炒茴香鹽酒調下

右以巴豆炒藥例許學士云大抵此疾因虛而得之不可以虛驟補邪之所湊其氣必虛留而不去其病則實

矣故必先滌去所畜之邪熱然後補之是以諸藥多借  
巴荳氣者蓋為此也

仲寒疝腹中痛逆冷手足不仁若身疼痛灸刺諸藥不能  
治抵當烏頭桂枝湯主之

右用烏頭一味以蜜二升煎減半去查以桂枝湯五合  
解之令得一升後初服二合不知再服三合又不知復

加至五合其知者如醉狀得吐者為中病桂枝湯方見傷寒門海藏  
以附子建中湯加蜜煎治疝即此法也

腹痛脉弦而緊弦則衛氣不行即惡寒緊則不欲食邪正  
相搏即為寒疝寒疝繞臍痛若發則自汗出手足厥冷其

脈沉弦者大烏頭煎主之脉經云邪正作弦緊  
大烏頭炒去皮不咬咀以水三升煮取一升去查納蜜二升煎令水氣盡作湯服食  
後一服過後後不再作矣

丹溪治  
內鬱之  
濕熱

治諸疝方

枳實九粒炒

桃仁十四箇炒

山梔九箇炒去皮

吳茱萸七粒炒

山查四粒炒

生姜如指大

右味同入搗盆搗細取順流水一鍾入瓶內煎至微沸

帶查服如濕勝癩疝者加荔枝核如痛甚者加鹽炒大

茴香二錢如痛處可按者加薄桂少許

又方治疝痛

山梔二兩炒

山查四兩炒

枳實炒

茴香各二兩炒

柴胡

牡丹皮

八角茴香炒各一兩

桃仁

茱萸炒半兩

右研為末酒糊丸空心鹽湯下五六十九

治陽明受濕熱傳入太陽發熱惡寒小腹連毛際間悶痛  
不可忍

梔子仁炒 桃仁炒 枳實炒 山查各等分

右味同研細入生姜汁半合同水一小鍾盪起煎令沸熱服之一方加萊菔

楊淳三哥因舊有腎氣上引乳邊及右脇痛多痰有時膈上痞塞大腑秘結平時少汗脉弦甚與保和温中各二十

丸研菘仁郁李仁吞之本治膀胱氣痛茴香散

茴香 金鈴子肉 蓬莪朮 京三稜各一兩

甘草半兩

右為細末每服二錢熱酒調下每發痛甚連日只三二服立定

治膀胱氣金練散

巴豆一百粒

川練子二十四箇湯浸去薄皮切片子

右三味用麩二升同炒令黃赤去麩與巴豆不用只將川練練肉一味為末每服三錢温酒空心送下余閱古今一切名方無如此奇特有效一方川練子不用巴豆炒亦妙

靈胃中熱腸中寒則疾饑小腹痛脹師傳篇 疾飢胃 熱痛脹腸寒也

按之不痛屬虛丹諸疝痛處用手按之不痛者屬虛必用桂枝炒山梔細切川烏頭等分為細末生姜自然汁打糊為丸如桐子大每服三四十九空腹白湯下

疝可按者並于歷代獨治外寒條下求之丹溪云疝有挾虛而發者其脉不甚沉緊而大豁無力者是也然其痛亦輕惟覺重墜牽引耳當以參朮為君疏導藥佐之蓋疏導藥即桃仁山查枳實梔仁萊菔川練玄胡索丁香木香之類以佐參朮之類是也

海姬提領因疾服涼劑數日遂病臍腹下大痛幾至於死  
 與姜附等劑雖稍蘇痛不已隨本方內倍芍藥服之愈  
 羅疝氣治驗○癸丑歲治火兒赤憐及病疝氣復因七月  
 間饑飽勞役過飲潼乳所發甚于初面色青黃不澤臍腹  
 陣痛搖撮不可忍腰不能伸熱物熨之稍緩脉得沉小而  
 急于思難經有云任之為病男子內結七疝皆積寒于小  
 腸所致也非大熱之劑即不能愈遂制一方名之曰沉香  
 桂附丸每服一百丸空心温酒下間服天台烏藥散旬日  
 良愈明年秋如故  
 沉香桂附丸治中氣虛弱脾胃虛寒飲食不美氣不調和  
 退陰助陽除臟腑積冷心腹疼痛脇肋膨脹腹中雷鳴面  
 色不澤手足厥逆便利無度又治下焦陽虛及療七疝痛  
 引小腹不可忍腰痛不能伸喜熱熨稍緩

沉香

附子炮去皮臍

川烏炮去皮臍

乾姜炮

良姜炒

官桂去皮

茱萸湯洗

茴香炒各兩

右研為細末醋煮麵糊為丸如桐子大每服五十九至  
 七八十九止空心食前熱米飲湯下日三服忌冷物

丹治疝劫痛方

川烏頭細切

梔子仁去壳

右各等分煎湯服之神効濕多癩腫者烏頭為君蓋川  
 烏頭治外束之寒梔子仁治內鬱之熱也

羅陰疝足厥陰之脈環陰器抵小腹或痛因腎虛寒水涸  
 竭瀉邪補肝宜以蒺藜湯主之

蒺藜湯治陰疝牽引小腹痛諸厥疝即陰疝也房慾勞痛  
 不可忍者

蒺藜炒去尖

附子炮去皮臍

山梔仁各半兩

右研為末每服三錢水一盞半煎至七分去查食前温服

丹又方

橘核 桃仁 梔子 茱萸

川烏各等分

右研煎服

治疝作急痛

蒼朮炒 香附炒 茴香炒 黃栢酒炒

青皮 玄胡索 益智 茺仁為

附子鹽水炒 甘草為使

右研為末作湯服後一痛過更不再作矣

仲寒疝腹中痛及脇痛裏急者當歸生姜羊肉湯主之

當歸三兩 生姜五兩 羊肉一斤

右三味以水八升煮取三升温服七合一日三服若

寒多者加生姜十片痛多而嘔者加陳皮二兩白朮一

兩如加生姜者亦加水五升煮取三升二合服之衍義云張仲景治寒疝用生姜羊肉湯服之無不應驗有一婦人

產當寒月寒氣入產門腹臍以下脹滿手不敢犯此寒疝也師將治之以抵當湯謂有瘀血非其治也可服張仲景羊肉湯二服遂愈

丹諸疝痛處用手按之大痛者為實也

羅疝氣痛及脚膝無力控辜証 至真大要論云小腹控

辜引腰脊上衝心唾出清水及為噦噫甚則入心善忘善

悲甲乙經曰邪在小腸也小腸病者小腹痛引腰脊貫肝

肺其經虛不足則風冷乘間而入邪氣既入則厥証上衝

肝肺客冷散于胸結於臍控引辜丸上而不下痛而入腹

甚則衝于心胸蓋其經絡所係也啓玄子云控引也辜陰

丸也

按之而痛者為實

大便不利者利大便秘者利控引舉丸治小腸痛結上而不下痛引心臆即東垣茴香練實丸按之痛為實此方有茱萸等剛劑本不可入此條綠芫花有利性故入之

川練子炒 茴香炒 吳茱萸湯洗 青皮

陳皮各一兩 芫花醋炒五錢 馬蘭花醋炒一兩

右為細末醋糊為丸如桐子大每服三十九丸溫酒送下食前服量虛實加減以利為度

本治小腸氣痛撞腹面青唇黑欲死者

木香 茵陳 芫花 甘遂各等分

右四件為末每服三錢水一盞煎至七分去渣溫服服過此藥後應犯甘草藥皆不得吃恐與甘遂相反故也其藥甚妙亦甚有理屢有驗効

礪砂丸

木香 沉香 巴豆肉各一兩

青皮二兩不去皮

銅青半兩研 礪砂一錢研

右已上二香青皮三味細研同巴豆慢火炒令紫色為度去巴豆為細末入礪砂二味同研勻蒸餅和丸如梧桐子大每服七丸至十九丸鹽湯吞下日二三服空心食前服

子和律科王敏之病寒疝臍下結聚如黃瓜每發繞臍急痛不能忍戴師先以舟車丸及猪腎散下四五行覺藥繞病三五次而下其瀉皆水也猪腎甘遂皆苦寒經言以寒治寒萬舉萬全但下後忌飲冷水及寒物宜食乾物以寒疝本是水故也即日病減八分食進一倍又數日以舟車丸百餘粒通經散四五錢服之利下候三四日又服舟車丸七八十粒猪腎散三錢乃健步如常矣 近穎尾一夫病卒疝赤腫大痛數日不止余以導水丸一百五十九丸令

三次咽之次以通經散三錢空腹淡酒調下五更下二三  
十行腫痛皆去不三日平復如故

右治實痢利大便形氣實脈有力者宜之

小便不利者利

杜三十七太尉忽患小腸氣痛醫官及京城醫家用藥皆  
不効每一發幾死上召杜至進藥數服不驗太尉曰我命  
不久致良醫不能治上召杜問所以杜對臣用古方書皆  
不獲愈今日撰一方容進上杜曰撰方已成未敢進先合  
藥以進太尉一服十愈八九再服全愈然後進方名曰救  
命通心散川烏頭一兩用青鹽一錢酒一盞浸一宿去皮  
尖焙乾川練子一兩用巴豆二十一粒同炒候黑色去巴  
豆茴香半兩石燕一對土狗五枚芥子一錢六分為末每  
服三錢入羊石子內濕帚煨香熟夜半時用好酒半升入  
鹽細嚼石子以酒嚥下不得作聲小便大利其病遂去五曹

家今秘此方

本頃在嶽城日欵尉宋荀甫膀胱氣作疼不可忍醫者以  
剛劑與之痛愈甚小便不通三日矣臍下虛脹心悶予因  
候之見其面赤黑脉洪大予曰投熱藥太過陰陽痞塞氣  
不得通為之奈何宋尚手持曰神丹數粒云醫謂不止更  
服此予曰若服此定斃後無悔渠求治予適有五苓散一  
兩許令三服用連鬚葱一莖茴香一撮鹽一錢水一盞半  
煎至七分令接續三服中夜下小便如墨汁者一二升臍  
下寬得睡翌日脰之脉已平安矣續用礪砂丸與之數日  
瘥

右利小便治疝常治謝人妻小腹疼痛小便不通先艾  
灸三陰交以茴香丁香青皮檳榔桂茺莢玄胡索山查  
枳實又倍用黃柏煎服之愈

小腹有死血

丹赤岸朱同道年四十歲八月望雨後得涼半夜後腹痛甚汗如雨兩脚踏破壁痛在小腹手不可近六脉弦而細實重取如循刀刃責責然問之云六月大熱時于深潭浴水病或起於此與大承氣湯大便微利痛遂頓止至次日酉時其痛復作痛在小腹堅硬手不可近又與大承氣加桂兩服研堯仁同煎大便下紫黑血升餘而痛頓止至次日酉時痛復作如初脉雖稍減而責責然猶在與大承氣湯加附子兩貼研堯仁同煎下大便五行得黑紫血如破絮者二升許痛遂頓止一夜得睡次日酉時痛復如初詢知小腹和軟痛在臍腹間下脉亦和似若無病但呻吟如舊詢知乃食蘿蔔菜苗羹兩頓與小建中湯一貼而愈世一婦人少腹痛百藥不効一醫用杉木節童便煎服下血而愈

再治膀胱氣急用蕪荑和食鹽等分綿裹如聚大納下部或下水惡汁并下氣佳

再治小腸氣用血師一兩米醋一升以火燒血師通赤粹入醋中以粹竭為度搗羅如麩用湯調下一大盞即瘥如神血師代赭石也

聖治寒疝小腹及陰中相引而痛自汗出欲死丹參一兩杵為散每服熱酒調下二錢七

丹治諸疝發時用海石香附二味為末生姜汁湯調亦能治心疼

衍木賊細剉微炒搗為末沸湯點二錢服食前治小腸膀胱氣緩緩必効

本治疝氣

青礬一兩

白礬一兩各為粗末

青礬一兩

白礬一兩

右用小瓦罐子一隻入二藥在內用麻皮縛緊搗盞泥封固以炭五斤煨令通紅盡炭為度取出埋地穴中伏一宿出火毒醋糊為丸如菜豆大每服十九空心鹽湯送下或白湯亦可

運氣肝受邪小腹痛

運氣小腹痛有三一曰肝病小腹引脇痛是也經云厥陰之復少腹堅滿裏急暴痛是風氣助肝盛而然治法當濕肝也又云歲金太過民病兩脇下痛小腹痛又云歲木不及燥乃大行民病中清脇痛少腹痛又云歲土不及風乃大行民病腹痛復則胸脇暴痛下引小腹者是燥邪攻肝虛而然治法當補肝瀉金也又寒氣客於厥陰之脈則血泣脈急故脇肋與小腹相引痛者治法亦同也全文見諸痛門  
二曰小腸其病小腹引舉九腰脊痛是也經云少陰之脈心下熱善饑臍下痛又云少陰之復熅熱內作小腹絞痛

小腸受邪小腹痛引舉九

者是熱助小腸盛而然治法當瀉小腸也又太陽在泉寒淫所勝與太陽之復皆病小腹控睪引腰脊上衝心痛及太陰司天大寒且至病小腹痛者是寒邪攻小腸虛而然治法當補小腸瀉寒邪也

膀胱受邪小腹痛腫痛不得小便

三曰膀胱其病小腹痛腫不得小便是也經云太陰在泉補膀胱瀉濕土邪也已上經文見運氣類註

針灸

內經刺灸小腹痛共四法一曰肝經曰肝病者兩脇下痛引小腹取其經厥陰小腸全文見灸刺門五臟條又曰邪客厥陰之絡令人卒疝暴痛刺足大指爪甲上與肉交者各一痛男子立已女子有頃已左取右右取左者是也全文見灸刺門穴府條瓜二曰小腸經云病者小腹腰痛脊控睪而痛時窘甲上大之後取巨虛下廉又云小腸控睪引腰脊上衝心邪在小

腸取之盲原以散之刺太陰以予之取厥陰以下之巨虛

下廉以去之按其所過之經以調之是也全文並見針灸

氣海又六疝暴痛取足太陰厥陰盡刺去其血絡靈樞心

風疝而小腸病經云心為牡藏病為心

三曰膀胱經云膀胱病者小腹偏腫而痛以手按之即欲

小便而不得取委中央又云小腹痛腫不得小便邪在三

焦約取之足太陽大絡者是也全文見針灸門六腑條

四曰督任衝脈經文見如左

素病在小腹不得大小便病名曰疝得之寒刺小腹兩股

間刺腰髀骨間刺而多之盡吳病已長刺節篇小腹兩股

起于氣衝故也腰髀間者王註謂腰尻脊平立陷者中

按之有骨處是也疝為寒生故多刺少腹盡熱乃止針

靈腎脈生病從少腹上衝心而痛不得前後為衝疝任

脈為病男子內結七疝女子帶下瘕聚俱見骨

摘元藏發動臍下痛不可忍 氣海 三陰交立愈

左右取玉疝氣少腹偏痛 大敦二分沿皮向後三分瀉之

左右同三陰交一寸瀉 撮又法 水道 小海

撮又法 大敦 水道 小海

桑又法 中極 印腎

摘卒疝少腹痛不可忍 大敦三分隔六

陰市三分灸 照海三分灸七壯已上

疝疝小腸膀胱腎餘疝氣 氣海 五樞各用燭針刺入

三里 三陰交之刺

桑疝 三陰交 三里 足三間

摘疝 行間 三里

集大法 關門 關元 水道 三陰交不已再

取下穴

海底

歸來

摘少腹痛

關元

三里

甲陰跳遺溺小便難痛陰上下入腹中寒疝陰挺出偏大腫腹臍痛腹中悒悒不樂大敦主之 腹痛上搶心心下滿瘞莖中痛怒瞋不欲視泣出長太息行間主之 環臍痛陰騫兩丸縮腹堅痛不得臥太衝主之 疝瘝臍少腹引痛腰中痛中封主之 陰跳腰腹痛實則挺長寒熱攣陰暴痛遺溺便大虛則暴痒氣逆腫辜卒疝小便不利如瘰狀數噫恐悸氣不足腹中悒悒少腹痛噎中有熱有瘕肉狀如着欲出背攣不可俛仰蠶溝主之

右取藏經厥陰

男子陰疝兩丸上下少腹痛五樞主之 大疝腹堅坵墟主之

右取腑經少陽

少腹痛飧泄出糜次指熱若脉陷寒熱身痛唇乾不渴汗出毛髮焦脫肉少氣內有熱不欲動搖泄膿血腰引少腹痛暴驚狂言非常巨虛下廉主之 少腹痛控辜引腰脊疝痛上衝心腰脊強溺黃赤口乾小腸膈主之 疝瘕髀中急痛循脇上下搶心腹痛積聚府舍主之 腹痛疝積聚上衝心雲門主之

右巨虛下廉小腸膈者取本腑也府舍雲門者刺太陰以予之也

四肢淫灑身悶瘡疝至陰主之 臍疝繞臍痛衝胸不得息灸臍中 陰疝引辜陰交主之 少腹痛臥善驚氣海主之 臍疝繞臍痛石門主之 暴疝痛少腹大熱關元主之 少腹痛溺難陰下縱橫骨主之 男子陰端寒上

衝心中很很會陰主之 癰疽然谷主之 卒疝少腹痛  
 照海主之病在左取右右取左立已 陰暴起疝癭胞中  
 有血四滿主之 臍疝繞臍痛時上衝心天樞主之 氣  
 疝噦嘔面腫奔豚天樞主之 陰疝氣疝天樞主之 陰  
 疝痿莖中痛兩丸騫臥不可仰臥刺氣衝 陰疝衝門主  
 之一作衝門 寒疝下至腹膝腰痛如清水大腹諸疝按之  
 至膝上伏兔主之 寒疝痛腹脹滿痿厥少氣陰谷主之  
 素厥陰脉滑則病狐疝風少陰滑則病肺風疝太陰脉滑  
 則病脾風疝陽明脉滑則病心風疝太陽脉滑則病腎風  
 疝少陽脉滑則病肝風疝四時刺  
 疝肝脉滑甚為癰疝 心脉微滑為心疝引臍下小腹鳴  
 腎肝滑甚為癰瘻全文見治法  
 東夫滑脉關已上見者為大熱蓋陽與陽併也故大熱滑

脉尺部見為大寒生癰疝滑脉者命門包絡之名也為丙  
 丙丁熱火併于下蓋丙丁不勝壬癸從寒水之化也故生  
 癰疝

素帝曰診得心脉而急此為何病岐伯曰病名心疝小腹  
 當有形也帝曰何以言之岐伯曰心為牡藏小腸為之使  
 故曰少腹當有形也脉要精微論 心脉搏滑急為心疝肺脉沉  
 搏為肺疝腎脉肝脈大急沉皆為疝俱大奇論  
 脈脈來中央堅實徑至關者衝脈也動若少腹痛上搶心  
 有癭疝絕孕遺矢溺脇支滿煩也

丹臍下忽大痛人中如墨色者多死  
 子和七疝圖○寒疝其狀囊冷結硬如石陰莖不舉或控  
 辜丸而痛得于坐臥濕地或寒月涉水或冒雨雪或坐臥  
 磚石或風冷處使內過勞宜以溫劑下之久而無子

水疝其狀腎囊腫痛陰汗特出或囊腫而狀如水晶或囊  
痒而搔出黃水或少腹中按之作水聲得於飲水醉酒使  
內過勞汗出而遇風寒濕之氣聚于囊中故水多令人為  
卒疝宜以逐水之劑下之有漏針去水者人多不得其法  
筋疝其狀陰莖腫脹或潰或痛而裏急筋縮或莖中痛痛  
極則痒或挺縱不收或白物如精隨洩而下久而得於房  
室勞傷及邪術所使宜以降心火之劑下之

血疝其狀如黃瓜在小腹兩旁橫骨兩端約中俗云便癰  
得於重感春夏大燠勞于使內氣血流溢滲入脬囊留而  
不去結成癰腫膿少血多宜以和血之劑下之

氣湯各半  
服之是也

氣疝其狀上連腎區下及陰囊或因號哭忿怒則氣鬱之  
而脹罷則氣散者是也有一治法以針出氣而愈者然針

有得失宜以散氣之藥下之或小兒亦有此疾俗云偏氣  
得于父已年老或年少多病陰痿精怯強力入房因而有  
子胎中病也此疝不治惟築賓一穴主之

狐疝其狀如瓦臥則入小腹行立則出小腹入囊中狐則  
晝出穴而溺夜則入穴而不溺此疝出入上下往來正與  
狐相類也亦與氣疝大同小異今人帶鉤鉗是也宜以逐  
氣流經之藥下之

癰疝其狀陰囊腫絕如升如斗不痒不痛者是也得之地  
氣卑濕所生故江淮之間湫澹之處多有此疾宜以去濕  
之藥下之女子陰戶突出雖亦此類乃熱則不禁固也不  
可便謂虛寒而澁之燥之補之本名曰瘕宜以苦下之以  
苦堅之

王註云陽氣下墜陰氣上爭則寒多下  
墜則筋緩故舉垂縱緩因作瘕也

已上七疝下去其病之後可調則調可補則補各量病勢

勿拘俗法經所謂陰盛則腹脹不通者癰癩也

右疝圖雖七然寒疝即疝之總名水疝即癰疝之屬氣疝即狐疝之屬血疝即癰疝之屬惟筋疝罕見之蓋下疝瘡之屬也

癰疝

辜囊腫大如升如斗是也

癰疝不痛難治

丹下部癰氣不痛之方細思非痛斷房事與厚味不可用藥惟促其壽若蒼朮神麴白芷山查川芎枳實半夏皆要藥人視其藥皆鄙賤之物以啓慢心又不能斷慾以愛護其根本非徒無益而反被其害者多矣且其藥宜隨時月寒濕更按君臣佐使加減大抵癰疝屬濕多

蒼朮

神麴

白芷

山查

川芎

枳實

半夏

南星

右神麴糊為丸有執加山梔一兩堅硬加朴硝半兩秋冬加吳茱萸二錢半

癰疝

南星

山查

蒼朮

白芷

半夏

枳實

神麴

海藻

昆布

玄明粉

吳茱萸

右為末酒糊丸

又方治木腎不痛

南星

半夏

黃柏

蒼朮

枳實

山查

白芷

神麴

滑石

茱萸

昆布

右為末酒糊丸空心鹽湯下一方加枸杞子

無香附散治癩脹用香附子不拘多少為末每用酒一盞  
海藻一錢煎至半盞先撈海藻嚼細用所煎酒調末二錢  
服

東又方治偏墜初生用川山甲茴香二味為細末酒送下  
以乾物壓之

丹木腎以楮木葉雄者曬乾為末酒糊為丸空心鹽酒下  
本事方云無實者雄也

從小便利惡物

海蛤丸癩疔

海蛤醋碎三次

當歸

海金沙

賦粉

硃砂各一錢

海藻

粉霜各五分

水蛭條二十一

青黛

滑石

乳香各一錢

硃砂二錢為末

地龍去頭尾

右細末鹽煮面糊為丸如小葶大硃砂為末每服十九

煎燈心湯空心服之小便下冷膿惡物乃効却以黃連

紫荷車板藍根各二錢煎湯漱口以固牙齒去板藍根

加管沖

白扁隆大者用乾姜桂各一兩為末以綿一兩水大三

石煎煮二十餘沸起曬乾又煮水盡為度用乾綿包陰丸

汗出數次漸愈

癩氣痛者易治

海龍黃膏子丸治男子婦人臍下奔豚氣塊小腹疼痛卵

痛即控舉相似漸成腫陰陰痛上衝心腹不可忍者宜服

此藥京

血竭

沉香

木香

廣茂炮

玄胡索

蛤蚧

人參

當歸

川芎

川練麩炒

續斷

白朮

全蝎

茴香炒

柴胡

吳茱萸

沒藥已上分兩不定  
隨症加減用之

氣多者加青皮

血多加肉桂

右同為細末地黃膏子九桐子大空心温酒下二十九  
日加一九至三十丸

簡安息香丸治陰氣下墜痛脹卵核腫大堅硬如石痛不  
能忍者

玄胡索炒

海藻洗

昆布洗

青皮去白

茴香炒

川練子去核

馬蘭花已上各一兩半

木香半兩不  
見火

木香半兩不  
見火

大戟酒浸三宿切片  
焙乾三錢半

右將藥末另將硃砂真阿魏真安息香三味各二錢半  
用酒一盞醋一盞將硃砂阿魏安息香淘去砂石用酒  
醋合一盞熬成膏子再入麝香一錢沒藥二錢半俱各  
另研細入前藥一同和丸如葶藶大每服十九至十五

丸空心用綿子灰調酒下

本治膀胱疝氣外腎腫痛不可忍念珠丸

乳香

硃砂各三錢飛

黃蠟一兩

右乳香硃砂同研勻溶蠟和為丸分作一百單丸以  
線穿之露一宿次日用蛤粉為衣旋取用乳香湯下頃  
年有人貨疝疾藥日貨數阡有一國醫多金得之用之  
良驗

熱鬱者  
內疎之

丹鄭子敬因吃酒後飲水與水果偏腎大時作蛙聲或作

痛炒枳實一兩茴香鹽炒炒梔子各三錢研煎下保和丸

昌世官膀胱氣下墜如蛙聲臭橘子核炒十枚桃仁二

十枚蘿蔔自然汁研下保和丸七十 湜兄年三十左腎

核腫痛此飲食中濕墜下成熱以橘核即臭五枚桃仁七

枚細研順流水一盞煎沸熱下保和丸

寒東之  
溫散之

本治膀胱腫硬牽引疼痛及治小腸氣陰囊腫毛間出水  
宜服金鈴丸

金鈴子肉五兩

茴香炒

馬蘭花炒

兔絲子

海蛤

破故紙

海帶各二兩

木香

丁香各一兩

右細末糊丸如桐子大每服二三十丸溫酒鹽湯空心  
食前服

無大戟丸治陰癩腫脹或小腸氣痛

大戟去皮剉炒

葫蘆巴炒四兩

木香一兩

附子炮去皮臍

茴香

訶子煨去核

檳榔各半兩

川練五兩

麝香半兩

右為末獨取川練以好酒二升葱白頭七枚長三四寸  
煮川練軟去皮核取肉和上件藥杵丸如桐子大空心

溫酒下十九潮發疼痛炒姜熱酒下十五丸

按之臍  
腹痛者  
下之

抵聖丸治陰癩腫滿赤腫大便秘欲飲水按之臍腹痛

續隨子

薏苡仁

郁李仁

茵芋

白牽牛各一錢

右為末滴水丸如桐子大每服五丸用博濟方香姜散

嚙下黃昏服五更利下惡物効

子和汝南司候李審言因勞役王事飲冷水坐濕地乃濕  
氣下行流入脬囊大腫痛不可忍以金鈴川練等藥不効  
求治于戴人曰可服洩水丸審言感之又數日痛不可堪  
竟從戴人先以舟車丸瀦川散下青綠水十餘行痛止後  
用茴香丸五苓散以調之三日而腫消至老更不作

雜方

世綿包取汗方見癩症

丹木腎以枇杷葉野紫蘇葉蒼耳葉水晶蒲萄葉濃煎湯

薰洗

無雄黃散治陰腫大如斗核痛人所不能治

雄黃研一兩

礬二兩

甘草生半兩

右剉散以水五升煎洗

鹽失笑散治腎腫

荆芥蕙一兩

朴硝二兩

右為粗末蘿蔔葱同煎湯淋洗

梅治卒外腎腫痛大黃末醋和塗之乾即易之

焦治男子陰腫大如升核痛人所不能治者搗馬鞭草塗

之男子陰腫大如斗核痛人所不能治者蔓菁根搗傅

之

肝燥邪攻

運氣癩疔有一經云陽明司天燥淫所勝丈夫癩疔婦人

肝

然治法當補肝瀉燥金也全文見運氣類注

素厥陰所謂癩疔婦人少腹腫者厥陰者辰也三月陽中

之陰邪在中故曰癩疔少腹腫也所謂癩疔膚脹者曰陰

亦盛而脈脹不通故曰癩疔也俱味解篇

小腸膀胱

三陽為病發寒熱下為癰腫及為痿厥臑瘖其傳為癩疔

針灸

全文見診病傳變王注云臑瘖瘖瘖也

靈黃帝曰刺節言去爪夫子乃言刺關節肢絡愿卒聞之

岐伯曰腰脊者身之大關節也肢脛者人之骨以趨翔也

莖垂者身中之機陰精之候津液之道也故飲食不節喜

怒不時津液內溢乃下流於臑血道不通日大不休俛仰

不便趨翔不能此病榮然有水不上不下鉞石所取形不

可匿常不得蔽故命曰去爪帝曰善刺節真邪篇

內經刺灸癩疔共四法其一節此篇文所謂鉞石取臑囊

中水液者是也其法今世人亦多能之舉丸囊大如斗者  
 中藏穢液必有數升信知此出古法也鐵針如刀狀  
 其二取肝經云足厥陰之脈是動則病丈夫癩疝婦人小  
 腹腫是也是于足厥陰肝經視盛虛熱寒陷下而施補瀉  
 留疾與灸也全文見針灸門十二經條  
 其三取肝之絡經云足厥陰之別名曰蠡溝去內踝五寸  
 別走少陽其別者徑脛上臑結于莖其病氣逆則臑腫卒  
 疝取之所別是也是於內踝上五寸貼脛骨後近肉處蠡  
 溝取之也全文見針灸門十五經條  
 其四取足陽明筋經云足陽明之筋聚於陰器上腹其病  
 轉筋髀前腫癢疝腹筋急治在燔針劫刺以知為數以痛  
 為輸是也是於轉筋痛處用火針刺之也  
 桑治偏墜當外腎縫沿皮針透即消

壘木腎紅腫如升大不痛 大敦 三陰交 海底 歸

來在水道下二寸針 木腎紅腫陰汗偏墜 蘭門毛際

旁開二寸針 三陰交 入二寸半

甲癩疝大巨及地機中郄主之 癩疝陰暴痛中封主之

千金云癩疝癰暴痛痿厥身不仁 氣瘰癧疝陰急股樞膈內廉痛交信

主之 丈夫癩疝陰跳痛引篡中不得溺腹支脇下指滿

閉癰陰痿後時泄四支不疼實則身疼痛汗不出目眩眩

然無所見怒欲殺人暴痛引髓下節時有熱氣筋攣膝痛

不可屈伸狂如新發衄不食喘呼小腹痛引噫足厥痛湧

泉主之

撮木腎紅腫疼痛 然谷半寸

世灸關元者可愈蓋灸之早方效

垣前陰分大寒大熱囊垂縮○陰陽別論云三陽為病發

寒熱辨

寒熱下為壅腫及為痿厥肺痛其傳為索澤又傳為癩疝  
夫熱在外寒在內則累垂此九夏之氣也寒在外熱在內  
則卵縮此三冬之氣也足太陽膀胱之脉逆上迎手太陽  
小腸之脉下行至足厥陰肝之脉不得伸其任脉並厥陰  
之脉逆則如巨川之水致陽氣下墜是風寒濕熱下出囊  
中致兩辜腫大謂之曰疝太甚則為癩足厥陰之脉與大  
腸膀胱寒水之脉同至前陰之末傷寒家說足厥陰肝經  
為病煩滿囊縮急下之宜大承氣湯以瀉大熱靈樞經云  
足厥陰肝經筋中為寒則筋攣卵縮為大寒前說囊縮為  
大熱此說為大寒此說囊縮垂辜下引癩疝脚氣為大寒  
風濕盛下垂為寒與上二說不同何也曰以平康不病人  
論之夏暑大熱囊卵累垂冬天大寒急縮收上于前三說  
又不同何也是相乖耶不相乖耶答曰傷寒家囊卵縮大

熱在內宜承氣湯急下之與經筋說囊卵縮大寒在外亦  
是熱在內與傷寒家同故再引平康人以證之冬天陽氣  
在內陰氣在外人亦應之故寒在外則皮急皮急則囊縮  
夏月陰氣在內陽氣在外人亦應之故熱在外則皮緩皮  
緩則囊垂此癩疝之象也三說雖殊皆一理也用藥者宜  
詳而審之已上三論各有所主兼此考訂則脉証陰陽寒  
熱虛實之辨判然矣

狐疝

狐疝屬厥陰

臥則入腹立則出腹偏入囊中者是也

海藏仲景療陰狐疝氣有大小時時上下者蜘蛛散主之

狐夜伏而晝見以見疝處厥陰之分即人之陰篋隱奧之所晝下而夜上故以狐疝名焉

蜘蛛十四枚

桂半錢要入厥陰取其肉厚者

右為散每服一錢蜜丸亦可雷公云凡使勿用五色者

兼大身上有刺毛生者并薄小者已上皆不堪用須用  
屋西南有網身小尻大腹內有蒼黃膿者真也凡用去  
頭足了研如膏投藥中用此余之方法若仲景炒焦用  
全無功矣

針灸

一方治水癩偏大上下不定疼痛不止牡礪不拘多少鹽  
泥固濟炭三斤煨令火盡冷取二兩乾姜一兩焙為細末  
二味和勻冷水調得所塗病處小便大利即愈  
內經刺灸狐疝但取足厥陰一經經云肝足厥陰之脈所  
生病者狐疝是也隨其經盛虛寒熱陷下取之也  
甲狐疝太衝主之 陰股內痛氣癰狐疝走上下引少腹  
痛不可俛仰上下商丘主之 狐疝驚悸少氣巨缺主之  
心婦人疝瘕結核疼痛發作無時日出穴夜入穴或負重  
即下稍輕即止此狐疝也 天井五分 肘尖五分小壯  
汗出則愈

診

氣海三寸又五寸 中極三寸

耳後陷者腎下腎下則腰尻痛不可俛仰為狐疝全文見診  
產後少腹痛併見產後

閉癰遺溺 胎前淋閉 小便不通

淋 胎前淋閉 胎後淋閉

小便數 小便黃赤 遺溺

姪遺尿 產遺尿

遺尿者溺出不自知覺也閉癰者溺閉不通而淋瀝滴點  
也惟肝與督脈三焦膀胱主之

肝脈督  
器

肝脈督脈主之者經云肝足厥陰之脈過陰器所生病者  
遺溺閉癰又云督脈者女子入繫延孔其孔溺孔之端也  
其男子循莖下至篡與女子等其生病癰痔遺溺故遺溺  
閉癰皆取厥陰腧穴及督脈俞穴也

三焦約  
下焦

三焦主之者經云三焦下脉在干足太陽之前少陽之後出于膈中外廉名曰委陽足太陽絡也三焦者足太陽少陽之所將太陽之別也上踝五寸別入貫膈腸出于委陽並太陽之正入絡膀胱約下焦實則閉瘕虛則遺溺遺溺則補之閉瘕則瀉之是也

膀胱藏

膀胱主之者經云膀胱不利為瘕不約為遺溺是也然遺溺閉瘕不取膀胱腧穴者蓋膀胱但藏溺其出溺皆從三焦及肝督脉也

久暴

閉瘕分二病 一病也分而言之有暴久之殊蓋閉者暴病為溺閉點滴不出俗名小便不通是也瘕者久病為溺瘕淋瀝點滴而出一日數十次或百次名淋病是也今分其病立為二門

### 小便不通

氣血之分

熱在氣分

垣小便不利在氣在血之異夫小便者足太陽膀胱所主長生於申申者西方金也金能生水金者肺也肺中伏熱水不能生是絕小便之源也人法象天地膀胱之源自頭項下至於足故曰陽中之陰如渴而小便不通者肺不能降是也治法皆用清燥金之正化氣味薄之藥茯苓猪苓澤瀉琥珀燈心通草車前子瞿麥扁蓄之類皆為淡滲之藥能瀉肺火而清肺金滋水之化源也若不渴熱在下焦是絕其流而溺不泄也須用氣味俱厚陰中之陰藥治之二者之病一居上焦在氣分而必渴一居下焦在血分而不渴血中有濕故不渴也二者之殊至易分別耳

茯苓錢二

猪苓錢三

澤瀉錢三

琥珀五分

清肺散治渴而小便閉或黃或澀邪熱在氣分也

燈心二分

木通七分

通草二分

車前子一錢

瞿麥五分

篇蓄七分

桂五分

右為末每服五錢水煎熱服五苓散八正散亦宜用之

仲猪苓湯治脉浮發熱渴而小便不利方見傷寒

五苓散治煩渴飲水過多或多水入即吐心中淡淡小便

不利方見傷寒

茯苓戎塩湯方

茯苓半斤

白朮二兩

戎塩彈丸大一枚

右三味為末白湯調下

百小便不通車前子草一斤水三升煎取一升半分作三

服

熱在血分

東滋腎丸治下焦陰虛脚膝軟無力陰汗陰痿足熱不能履地不渴而小便閉者邪熱在血分也

黃栢二兩酒洗焙

知母二兩酒洗焙

肉桂二錢

內經云執者寒之又云腎惡燥急食辛以潤之以黃栢之苦寒瀉熱補水潤燥故以為君以知母苦寒瀉腎火故以為佐肉桂辛熱寒因熱用也

右為細末熟水為丸如雞豈大每服百丸加至二百丸煎百沸湯下空心服昔長安有大賢王善夫病小便

不通漸成中滿腹大堅硬如石壅塞之極腿脚腫脹破

裂出黃水雙睛凸出晝夜不得眠飲食不下苦痛不可

名狀求予治之因問受病之始知病不渴近苦嘔噦眾

醫皆用治中滿利小便滲淡之藥急難措手乃辭歸從

夜至旦耿耿不寢窮究其理忽記素問有云無陽則陰

無以生無陰則陽無以化又云膀胱州都之官津液藏

馬氣化則能出矣此病小便癃閉是無陰而陽氣不化者也凡利小便之藥皆淡味滲泄為陽止是氣藥陽中之陰非北方寒水陰中之陰所化者此乃奉養太過膏梁積熱損北方之陰腎水不足故膀胱腎之室又而乾涸小便不化火又逆上而為嘔噦非膈上所生也獨為關非格病也繫古老人曰熱在下焦填塞不便是治關格之法今病者內關外格之病悉具死在旦夕但治下焦可愈隨處以稟北方寒水所化大苦寒氣味俱陰者黃栢知母桂為引用丸如桐子大沸湯下二百丸服藥少時須臾前陰如刀刺火燒之痛溺出如瀑泉湧出臥具皆濕床下成流顧盼之間腫脹消散予驚喜曰大哉聖人之言豈可不遍覽而執一者也其証小便閉塞而不渴時見躁者是也凡諸病若下焦皆不渴也二者之

病在氣在血最易分別

潔黃連丸治因服熱藥過小便不利諸藥莫能效者或臍下痛不可忍者

黃連炒

黃栢炒

甘草各等分

右咬咀水煎溫服食前如更不通加知母此藥助氣使氣得化則通矣

羅白花散治小便不通膀胱有熱用朴硝不以多少為細末每服二錢煎茴香湯調下食前簡要先用茴香酒調勻導氣除燥湯治小便不通乃血濕致氣不通而竅澁之症

知母三分酒洗

黃栢四錢

滑石二錢炒黃

澤瀉三分

茯苓二錢去皮

右和勻每服半兩水煎稍熱空心服如急閉小便不拘

時候

斗小便不通用蚯蚓杵以冷水攪過濃服半碗立通大解  
熱疾不知人事欲死者服之効

仲渴而腹  
冷為水小便不利者有水氣其人苦渴栝蒌瞿麥丸主之

瓜蒌根兩 茯苓

薯蕷各三

附子一枚

瞿麥兩

右五味末煉蜜丸如桐子大服三九日三服不知增至

七八丸以小便利腹中溫謂之知

氣鬱于  
下微者  
香以散

小便不通腹下痛狀如覆碗痛悶難忍者乃腸胃乾涸膈  
中氣不下故經所謂膀胱者州都之官津液藏焉氣化則  
能出矣故膈中者臣使之官三焦相火腎為氣海也王註  
曰膀胱津液之府胞內居之少腹處間毛內藏胞器若得  
氣海之氣施化則溲便注下氣海之氣不及則隱秘不通

甚者吐  
以提之

故不得便利也先用木香沉香各三錢酒調下或八正散  
甚則宜土湧之令氣通達便自通利經所謂病在下土取  
之王註曰熱攻於上不利於下氣盛于上則溫辛散之苦  
以利之一方煎陳皮茯苓湯調木  
香沉香末服之空心下  
丹小使不通屬氣虛血虛有實熱痰氣閉塞皆宜吐之以  
提其氣氣升則水自降蓋氣承載其水者也氣虛則參朮  
升麻等先服後吐或就參芪藥中調理吐之血虛用四物  
湯先服後吐或就芩歸湯探吐之痰多二陳湯先服後探  
吐之痰氣閉塞二陳湯加香附木通探吐之實熱當利之  
或用八正散蓋大便動則小便自通矣  
丹治一男子小便不通用吐法一吐便如注論見治虛實  
法病在下取之上條

眞替于  
下微者

仲眞替于  
下微者小便不利蒲灰散滑石白魚散茯苓戎鹽湯主之蒲灰  
髮灰

輕劑行  
本草消汚血滑石  
丹溪云逐汚血

蒲灰散方

蒲灰

七分恐則  
蒲黃粉

滑石

三分

右二味杵為散飲服五分方寸七日三服

滑石白魚散方

滑石

二分

亂髮

二分

白魚

二分衣

右三味杵為散飲服五分七日三服

無髮灰散治臍下急滿小便不通用髮灰研細每用二錢

米醋二合調服一法與葵子等分為末飲服二錢訖即炒

黑荳葉蓋其上即通

丹溪云髮髮補  
陰之功甚速

本桃仁煎治婦人積血頃在昆陵有一貴宦妻妾小便不

通臍腹脹痛不可忍眾醫皆作淋治如八正散之類數種

皆治不通病愈甚予診之曰此血癥也非瞑眩藥不可去

甚考  
劑破之

予用此藥初服至日午大痛不可忍臥少頃下血塊如拳  
者數枚小便如黑荳汁一二升痛止得愈此藥猛烈大峻  
氣虛血弱者宜斟酌之

桃仁

大黃

朴硝

各一兩

蚩虫

半兩  
炒黑

右四味為末以醇醋二升半銀石器內慢火煎取一升

五合下大黃桃仁蚩虫等不住手攪良久出之丸如梧

子大前一日不晚食五更初溫酒吞下五丸日午取下

如赤荳汁或如雞肝蝦蟇衣狀未下再作如見鮮血即

止續以調血氣藥補之此方出千金

此方不  
可妄用

右四方治汚血小便不利前三方輕劑可用後一方峻

劑須認得分曉用之

虛實

丹呂仲年六十六歲病傷寒得汗熱退後脉尚洪此洪脉  
作虛脉論與人參黃芪白朮炙甘草當歸芍藥陳皮數日

其脉仍大未收斂又小便不通小腹下妨悶頗為所苦但仰臥則點滴而出予曰補藥服之未至前藥倍加黃芪人參大劑與服兩日小便方利

小腹痛脹如覆椀為實其法有二氣壅塞於下者用吐法

以提之血汚於下者用桃仁之類以破之

二方並見血氣條

世治小便閉用大田螺生去殼搗細封臍上即通

治傷

寒後小便不通用生姜八九塊杵碎水十餘椀麻布五六

尺同煎數沸用桶盛至候通手以布頻熨小腹良久恰用

紅苧末一七江茶二七井花水調服神効小便如注

本治小便難小腹脹滿不急治殺人用葱白一斤細剉炒

令熱以帕子裹分作兩處更替熨臍下即通

玄陰陽關格前後不通利大便小水自行中有轉胞之証

諸藥不効無救則脹滿悶亂而死予曾以甘遂末水調傅

雜方

臍下內以甘草節湯飲之藥汁至臍二藥相反而胞自轉矣小水來如湧泉此救急之良法也

聖治小便難腹滿悶不急療之殺人用蓼芎一兩去苗以

水一大盞煎取七分去查每于食前作兩服瘥

世治小便不通用大杏仁二十一枚研水調分作二服効

杏仁紫苑利小水解肺鬱鬱解則氣自降而小便去矣

干治婦人卒不得小便用紫苑末以井花水服三撮便通

小便血五撮立止

外若小便不通數病而微腫方取陳筆頭一枚燒為灰和

水服之

此方未詳

經云腎合膀胱膀胱者津液之府也小腸屬腎腎上連肺故將兩藏三焦者中瀆之府也水液出焉是屬膀胱乃腎之府也又云膀胱者州都之官津液藏焉氣化則能出矣

運氣

由是言之膀胱藏水三焦出水治小便不利故刺灸法但取三焦穴不取膀胱也小腸屬腎肺故東垣用清肺飲子滋腎丸利小便是也

運氣小便不利有三其一屬濕邪攻三焦經云太陰在泉濕淫所勝病小腹痛腫不得小便又云水不及曰涸流涸流之紀上宮與正宮同其病癃閉是也

其二屬風邪攻脾經云厥陰司天風淫所勝病澹癉泄水閉是也

其三屬燥熱經云陽明司天之政天氣急地氣明民病癃閉初之氣其病小便黃赤甚則淋又云少陰司天之政地氣肅天氣明二之氣其病淋是也

針灸  
內經刺灸小便不利法有五

其一取肝經云肝足厥陰之脈所生病者癃閉又云小腹滿身寒熱小便不利取足厥陰又云癃取陰蹻及三毛上及血絡出血是也

其二取三焦經云三焦病者腹氣滿小腹丸堅不得小便窘急溢則水流即為脹候在足太陽之外大絡大絡在足太陽少陽之間亦見于脈取委陽又云小腹痛腫不得小便邪在三焦約取之太陽大絡大絡委陽視其絡脈與厥陰小絡結而血者當有取之是也

其三取腎絡經云足少陰之别名曰大鍾當踝後繞跟別走太陽其病實則癃閉取之所別也

其四取脾經云足太陰之脈所生病者澹癉泄水閉視虛實寒熱脂下而施補瀉疾留灸也

其五雜取經云內閉不得洩刺足少陰太陽與臑骨上以

長針氣逆則取其太陰陽明厥陰甚則取少陰陽明動者之經也

經治小便淋瀝或有血以赤根樓葱近根截一寸許安臍中上以艾灸七壯

羅治小便淋瀝不通用鹽不以多少炒熱填滿病人臍中却用艾如筋頭大灸七壯其小便自出

摘內陰谷出密語關元八分令病人覺淋瀝三五次三陰交三分透陰谷

撮小便閉數不通 陰谷一寸五分 陰陵泉瀉 標又法 偏歷

集小便閉不通 陰陵泉 陰谷 三陰交 氣海 關元灸三十壯刺二寸五分不已取下穴 太溪 陰交

東熱淋小便黃腹滿 陰陵泉 關元各二寸 氣衝二七壯

石淋不得小便 關元壯三七 氣門 大敦各二七壯 血淋 氣海 丹山各刺灸三七壯 小便熱痛目赤尿如血 列缺

沿皮一寸 太陵 承漿各五分 又法 曲骨灸七壯 陰陽二陵泉各二寸五分

甲少腹中滿熱閉不得溺足五里取之 溺難痛白濁卒疝少腹腫欬逆嘔吐卒陰跳腰痛不可以俛仰面黑熱腹中臏滿身熱厥痛行間主之

癰遺溺鼠蹊痛小便難而白期門主之 陰胞有寒小便不利扶承主之

筋急身熱少腹堅腫少腹時滿小便難尻股寒髀樞痛外引季脇內控八竅委中主之 癰中竅主之 胸滿膨膨

然實則癰閉腋腫下腫虛則遺溺脚急兢兢然筋急痛不得大小便腰痛引腹不得俛仰委陽主之 小腹脹急小便

然實則癰閉腋腫下腫虛則遺溺脚急兢兢然筋急痛不得大小便腰痛引腹不得俛仰委陽主之 小腹脹急小便

不利厥氣上頭顛滿谷主之 勞痺小便赤難前谷主之  
氣癰溺黃關元及陰陵泉主之 千金云寒熱不節 腎病不可俛仰 氣  
癰小便黃氣虛則遺溺石門主之 小便難數中熱實則  
腹皮痛虛則痒癢會陰主之

癰即淋病

血受傷者補血丹朱郎小便淋痛脉左大右濇此為勞傷經血勿作淋治  
可補血行肝經滯血自愈

生地

當歸

赤芍

川芎

條苓

甘稍

陳皮

木通

黃栢

紅花

杜牛膝

右桃仁泥研滑石同煎待淋病去退滑石桃仁杜牛膝  
木通入川牛膝代木通分兩倍之

金華申明叔年踰七十因壯年踏冷患腎氣疝痛常食蒼

木烏附等藥二十餘年疝氣少止却患小便淋痛又十三  
年其間又服朴硝大黃治諸淋之藥百方俱試並無一効  
至是年春頸項帶右邊發一疽延及缺盆可尺許不能食  
淋痛愈加必須叫號其瘡淫潰濃血淋漓精神困憊時正  
六月診其脉兩手濇短左微是弦狀輕重皆近五至予謂  
此瘡皆前烏附等藥積毒所發此淋亦因燥烈之藥凝積  
滯血滿膀胱况濇脉為敗血短脉為血耗遂令於溺後視  
之有物出如敗膿者否視之果然因思之忍痛則傷血叫  
則傷氣遂先治淋令取杜牛膝根莖葉同煎取濃汁却煎  
四物湯作大料與服三日後痛漸減前所謂敗膿者至是  
漸少五七日淋病全安此時瘡亦定蓋四物能生血也但  
飲食減少瘡未收斂耳遂用參芪當歸白朮四藥大劑於  
瓦器熬為膏以陳皮半夏縮砂木香煎取清汁調膏藥飲

遂能食又一月而瘡安 一方名血餘散治血淋內崩吐血舌上出血便血用亂髮以皂角水洗淨晒乾燒灰爲末每服二錢以茅根車前葉煎湯調下

斗治五種淋用苧蔴根兩莖打碎水一椀半煎半碗頓服即通太妙丹溪云苧根補陰行滯血

博治五淋赤芍藥一兩檳榔一箇麩褻煨爲末每一錢七水一盞煎至七分空心服

氣虛者  
甚補氣

氣虛淋八物湯加杜牛膝黃芩汁煎服老人氣虛亦能淋

參朮中加木通山梔

仁八姪淋病脉沉而大此主勞苦傷血下焦蘊結

人參

歸尾

白芍

香附

條芩

木通

山梔

黃芪

生甘草

稍五分

錢半

五分

分六帖杜牛膝湯兩盞煎取一盞食前熱飲之胡雲六朝奉七十餘因擷後悞與荆芥大黃等藥傷正氣以致惡血結聚今則小便如淋中滿食少以此治之

生芪

人參

歸頭

白朮

陳皮

作一帖煎服

又生氣藥

縮砂

海金砂

紅麩

檀香

木香

白荳蔻

丁香

分六帖研菟仁十四枚入生氣散

死血作淋牛膝膏妙但虛人能損胃不宜食

本治婦人諸般淋苦杖根俗呼杜牛膝多取洗淨碎之以

一合用水五盞煎至一盞去渣入麝香乳香少許研調下

雜方

鄞縣武尉耿夢得其內人患砂石淋者十三年矣每漩痛楚不可忍溺器中小便下砂石剝剝有聲百方不效偶有此方啜之一夕而愈目所見也

耳  
千用牛膝以酒煮服治小便淋痛肘後方用牛膝根莖葉亦以酒煮服治小便不利莖中痛欲死及治婦人血結堅痛如神蓋牛膝治淋之聖藥也但虛人當用補劑監治之

世茄樹散治放尿有血帶血線童子小便煎茄樹根汁服之効

羅琥珀散治五淋瀝瀝痛小便有膿血出

琥珀研

海金沙研

沒藥研

蒲黃各一兩研

右研為細末每服三錢食前煎萱草根湯調下日三服黃明之小便澀莖中痛不可忍相引脇下痛制以茯苓琥

珀湯主之

川練子去核剉炒

甘草生各一錢

人參五分

玄胡索七分

茯苓四分

琥珀

澤瀉

歸稍

柴胡各三分

右咬咀都作一服長流水三盞煎至一盞去查溫服空心食前數服大効

瑞治諸般砂石淋琥珀二錢研細空心用葱白頭濃煎湯調下無問諸般淋證一二服立効丹溪云琥珀古今方用者反受其滲急之苦耳本草琥珀消汚血極驗

無鹿角霜丸治膏淋

鹿角霜

白茯苓

秋石各等分

右為末糊丸如桐子大每服五十九米飲下

圖治石淋導水用螻蛄一枚塩二兩同于新瓦上鋪蓋焙

實熱

乾研末温酒調下一錢七服之即愈

靈苑治五種淋疾氣淋熱淋勞淋石淋及小便不通至甚者透膈散用硝石一兩不夾泥土雪白者研為末每服二錢諸淋各依湯使如勞倦虛損小便不出小腹急痛葵子煎湯下通後更須服補虛丸散血淋小便不出時下血疼痛並用冷水調下氣淋小腹滿急尿後常有餘瀝木通煎湯下石淋莖內痛尿不能出內引小腹膨脹急痛尿下砂石令人悶絕將藥末先入銚子內隔紙炒至紙焦為度再研令細用温水調下小便不通小麥湯下卒患諸淋並以冷水調下並空心先調使藥消散如水即服之更以湯使送下服藥未効者服此立愈

子和百亭劉十三之子年六歲病砂石淋戴人以苦劑三涌之以益腎散三下之立愈 鹿邑一閭閻之家有子二

十三歲病膏淋三年矣鄉中醫不能治往京師偏訪多作虛損補以温燥灼以針艾無少減聞戴人僑居滬東見戴人曰惑蠱之疾也亦曰白淫實由少腹熱非虛也可以涌以泄其人以時暑憚其法峻不決者三日浮屠一僧曰予亦有暑病近覺頭痛戴人曰亦可涌願與君同之母畏之于是涌痰三升色如黑礬汁內有死血并黃綠水又瀉積穢數行尋覺病去方其來時面無人色及治畢次日面如醉戴人慮其暑月路遠又處數方使歸以自備云 屈村張氏小兒年十四歲病約一年半矣得之夏秋發則小便大痛至握其峻跳躍旋轉號呼不已小便數日不得下下則成砂石大便秘澀肛門脫出一二寸諸醫不能治求治于戴人戴人曰今日治今日効時日在辰巳間矣以調胃承氣僅一兩加牽牛頭末二錢汲河水煎之令作三五度

咽之又服苦末丸如芥子許六十九日加脯上涌下泄一時齊出有膿有血涌泄既覺定令飲新汲水一大盞小溲已利一二次矣是夜凡飲新水二三十遍病去九分止哭一次明日困卧如醉自晨至暮猛然起走索食于母歌笑自得頓釋所苦繼以太白散八正散等調理一日大瘥恐暑天失所養留五日而歸戴人曰此下焦約也不吐不下則下焦何以開不令飲水則小便何以利大抵源清則流清也苦末丸未詳考

丹諸淋皆屬於熱余每用黃栢滋腎丸每百丸用四物湯加甘草稍杜牛膝木通桃仁滑石木香煎湯空心吞服煎灸三陰交如鼓應桴累試累效者

保淋悶者涼膈散加滑石四兩茯苓一兩涼膈散方見治發熱紐石葦散治腎氣不足膀胱有熱水道不通淋漓不宜出

少起數臍腹急痛或尿如豈汁或便出砂石並皆治之

木通

石葦

滑石各二兩

炙甘草

王不留行

當歸各一兩

白朮

瞿麥

芍藥

葵子各二兩

右為細末每服二錢小麥粥湯調下空心服一方加沉香陳皮無滑石瞿麥白朮木通

本治心經熱小便澁及治五淋火府丹

生地

木通

黃芩

甘草

右為細末煉蜜杵丸如桐子大每服二十粒木通煎湯下此藥治淋澁臍下滿痛

右二方解熱利小便兼補之劑

無石燕丸治石淋多因憂鬱氣注下焦結所食鹹氣而成令人小便礮痛不可忍出砂石而後小便通

石燕燒令通赤水中煇三

滑石

石葦去毛

瞿麥穗各一兩

右為末糊丸桐子大煎瞿麥燈心湯下十九食前服日

二三

羅海金砂散治小便淋澁及下焦濕熱氣不施化或五種淋疾癰閉不通

海金砂研 木通 瞿麥穗 滑石

通草各半 杏仁湯洗去皮尖

右為細末入燈心同煎空心服

八正散治小便赤澁或淋閉不通及熱淋並宜服之

大黃麩裏 木通 瞿麥 滑石

萹蓄 車前子 山梔仁 甘草各等分

右為末入燈心同煎小兒少少與之

紫葵花散治小便淋澁經驗葵花根一味洗淨剉水煎五

七沸服之立效味甘

世葛粉丸治男女淋病疼痛効速勿輕忽之

沙糖本草云治心 葛粉

和丸如桐子大井花水化開一二丸

治血石淋楊樹蛙脣烏梅一大棗三水一盞煎服

靈苑治卒患諸淋遺澁不止小腸赤澁疼痛三葉酸漿草

人家園林亭檻中着地開黃花味酸者是取嫩者淨洗研

絞自然汁一合用酒一合攪勻空心服之立通三葉酸漿草

飯詳見白帶門

無萑草汁治膏淋及尿血萑草搗汁二升醋二合和空腹

服一盞又濃煮汁飲亦治淋瀝尿血萑草俗名辣母藤又

之上有名葛勒蔓處處雜

胞痺似  
淋屬寒

胞移熱于膀胱則癢溺血全文見診病傳變

難痺論云胞痺者小腹膀胱按之內痛若沃以湯澀于小

便上為清涕夫膀胱為州都之官津液藏焉氣化則能出

矣今風寒濕邪氣客于胞中則氣不能化出故胞滿而水

道不通其小腹膀胱按之內痛若沃以湯澀於小便以足

太陽經其直行者上交巔入絡腦下灌鼻竅則為清涕也

治胞痺小便不通腎着湯千金方同

赤茯苓去皮白朮各四兩甘草炙三兩乾薑炮一兩

右為末每服五錢水二盞煎至一盞去渣溫服日三

茯苓丸治胞脾小便內痛

赤茯苓炙防風炙細辛炙白朮

澤瀉各半兩官桂各半兩瓜蒌根 紫苑

附子各半兩黃芪各半兩芍藥各半兩甘草炙各三分

生地 牛膝酒浸 山芋 獨活

半夏湯浸 山茱萸各一分

右十八味為細末煉蜜丸如桐子大每服十九丸溫酒送

下食前

巴戟丸治胞脾臍腹痛小便不利

巴戟去心一兩 桑螵蛸炒 遠志去心

生地 山芋 附子炮 續斷各一兩

肉苁蓉酒浸各一兩 杜仲炙 石斛

鹿茸酥炙 龍骨 兔絲子 五味子

山茱萸 官桂各三錢

右十六味為細末煉蜜丸如桐子大溫酒下三十九空

心食前

腎瀝湯治胞痺小腹急小便不利

桑白皮炒

犀角屑

杜仲炙去絲

五加皮

麥門冬

木通

桔梗各一兩

赤芍藥五錢

右八味為麤末每服五錢水一盞半羊腎一箇切竹瀝少許同煎去查溫服

諸淋皆屬於熱古方有冷淋蓋十百之一也今因胞痺屬風寒濕故主寒條

無頭眩膏治諸淋疼痛不可忍受及砂石淋大蘿蔔切一指厚四五片好白蜜淹少時安淨鉄鏟上慢火炙乾又蘸

又炙盡蜜二兩番覆炙令香軟不可焦候蜜盡細嚼以鹽湯一盞送下立効

聖治冷淋小腸不利莖中急痛用斛葉搗末每服二錢水一盞葱白七寸煎六分去查食前溫服

崔療石淋便中有石子者胡桃肉一升細米煮漿粥一升

雜症

相和頓服即瘥胡衮性熱

運氣小便淋氣及針灸淋闕法並見小便淋闕門

仲淋家不可發汗發汗則便血 淋之為病小便如粟狀

小腹弦急痛引臍中

腎脉滑實為癰瘕 痺脉滑甚為癰瘕全文見治虛實法

脉少陰脉數婦人則陰中生瘡男子則氣淋

素病有瘕者一日數十溲此不足也身熱如炭頸膺如格

人迎躁盛喘息氣逆此有餘也太陰脉細微如髮者此不

足也其病安在名為何病岐伯曰病在太陰其盛在胃頗

在肺病名曰厥死不治奇病論○瘕病脉細不治

胎前淋闕

丹轉胞病胎婦稟受弱者憂悶多者性急躁者食味厚者大率有之古方皆用滑利疎導藥鮮有應効因思胞為胎

病禁

診

虛

所歷展在一邊胞系了戾不通耳胎若舉起懸在中央胞系得踈水道自行然胎之墜下必有其由一日吳宅寵人患此脉之兩手似瀦重取則弦左手稍和予曰此得之憂患瀦爲血少氣多弦爲有飲血少則胞弱而不能自舉氣多有飲中焦不清而溢則胞知所避而就下故喜墜遂以四物湯加參朮半夏陳皮生甘草生薑空心飲隨以指探喉中吐出藥汁候少頃氣定又與一貼次日亦然如是八貼而安此法果爲的確恐偶中耳後有數人歷歷有效未知果何如耶仲景云婦人本肌盛頭舉身滿今反羸瘦頭舉中空臧胞系了戾亦致胞轉其義未詳必有能知之者

一婦人四十一歲妊孕九箇月轉胞小便不出三日矣下急脚腫不堪存活來告急予往視之見其形悴脉之右瀦而左稍和此飽食而氣傷胎系弱不能自舉而下墜壓

着膀胱偏在一邊氣急爲其所閉所以水竅不能出也轉胞之病大率如此予遂製一方補血養氣血氣既正胎系自舉則不下墜方有安之理遂作人參當歸身尾白芍藥白朮帶白陳皮炙甘草半夏生薑煎湯濃與四貼任其叫噉至次早天明又與四貼藥查作一貼煎令頓飲之探喉令吐出此藥湯小便立通皆黑水後就此方加大腹皮枳殼青葱葉縮砂仁二十貼與之以防產前後之虛果得就蓍平安產後亦健

一婦人妊娠七八箇月患小便不通百醫不能利轉加急脹診其脉細弱予意其血氣虛弱不然水載其胎故胎重墜下壓住膀胱下口因此溺不得出若服補藥升扶胎起則自下藥力未至愈加急滿遂令一老婦用香油塗手自產門入托起其胎溺出如注脹急頓解一面却以人參黃芪升麻大劑煮服或少有急滿仍用

手托放取溺如此三日後胎漸起小便如故  
仲問曰婦人病飲食如故煩熱不得臥而反倚息者何也  
師曰此名轉胞不得溺也以胞系了戾故致此病但利小便則愈宜腎氣丸主之即八味丸方見治法酒下十五丸至二十九日再服  
產療小便不通及胞轉桑螵蛸搗末米飲服方寸七日三  
仲妊娠有水氣重身小便不利洒淅惡寒起即頭眩葵子  
茯苓散主之

葵子

茯苓各三兩

右二味杵為散飲服方寸七日三服小便利則愈

妊娠小便難飲食如故歸母苦參丸主之

當歸

貝母

苦參各四兩

右三味末煉蜜丸如小豆大飲服三丸加至十九男子加滑

石半兩

肺氣鬱

外治妊娠患子淋猪苓五兩一味為末以白湯三合服方寸七漸至二七日二夜一

天治妊娠卒不得小便杏仁一味去皮尖搗丸如大棗豈

燈心湯吞七粒立利

丹朱宅婦人三十餘歲四箇月胎大小便閉因與通利冬

葵子等藥已通但氣未順此由性急血耗氣亂須和其氣

滋其血乃安

陳皮

青皮

芍藥錢一

人參

歸身尾

川芎

地黃

白朮兩半

茯苓

木通

甘草二分

針灸

甲小腸難水脹滿溺出少胞轉不得溺曲骨主之 胞轉

不得小便小腹滿關元主之 產後淋閉

汚血

無治產前後淋其法不同產前當安胎產後當去血瞿麥

蒲黃最為產後要藥

茅根湯治產後諸淋主之

白茅根

瞿麥

葵子

人參

蒲黃

桃膠

滑石

甘草

紫貝

石首魚枕石

煨

右剉為散每服四錢水一盞半薑三片燈心二十莖煎至七分去查溫服亦可為末木通煎湯調下

帶氣

大療產後小便不通用陳皮去白為末空心服酒調二錢一服便通

治產後小便不通腹脹如鼓悶亂不醒用鹽填臍中却以葱白剉去粗皮十餘根作一縛切作一指厚安鹽上用大艾炷滿葱餅上火灸之覺熱氣入腹內即時便通神驗

小便數

數而少為實

羅中書右丞合刺合孫病小便數而短晝夜約二十餘行臍腸填滿腰脚沉痼不得安臥季春下旬一日奉勅治之遂往診視脉得沉緩時時帶數常記小便不利有三不可驟論若津液偏滲於腸胃大便泄瀉而小便澁少者一也宜利而已若熱搏下焦津液則濕熱不能行者二也必滲瀉則愈若脾胃氣澁不能通調水道下輸膀胱而化者三也可順氣令施化而出今右丞平素膏梁濕熱內蓄不得施行膀胱竅澁是以起頻而見少也非滲泄分利則不能快利遂處一方名曰茯苓琥珀湯內經曰甘緩而淡滲熱搏津液內蓄臍腹脹滿當須緩之泄之必以甘淡為主遂以茯苓為君甘寒滑以利竅澁猪苓琥珀之淡以滲泄利水道故以二味為臣脾惡濕濕氣內蓄則脾氣不舒益脾

勝濕必以甘為助故以甘草白朮為佐賦入腎賦味湧泄為陰故用澤瀉之賦以泄伏水腎惡燥急食辛以潤之津液不行以辛散之桂枝味辛散濕潤燥故以為使煎長流甘爛水使不以其腎氣大作湯劑令直達于下而急速也兩服減半旬日良愈

茯苓琥珀湯

茯苓

白朮

琥珀各半

甘草炙

桂去皮各

澤瀉一兩

滑石七錢

猪苓兩

右為細末每服五錢煎長流甘爛水一盞調下空心食前待少時以美饌厭之

數而多為虛

食主下焦虛冷小便數損無力生薯蕷半斤刮去皮以刀切碎于鍋中煮酒沸下薯蕷不得攪待熟加鹽葱白更添酒空腹下二三盞外

水芝丸治上焦真氣虛弱小便頻數日夜無度

蓮肉

去皮不以多少用好酒浸一兩宿猪肚一箇將酒浸蓮肉入肚中多半為度水煮熟取出蓮肉

切焙

右為細末酒煮麪為丸如芡實大每服五十九米飲湯下食前

虛寒

世治夜少小便用益智三十四箇為末鹽五分水一盞煎八分臨臥溫服

本衛真湯治丈夫婦人元氣衰憊榮衛怯弱真陽不固三焦不和上盛下虛夜夢鬼交覺來盜汗面無精光唇口舌燥耳內蟬鳴腰痛背倦心氣虛乏精神不寧驚悸健忘飲食無味日漸瘦悴外腎濕痒夜多小便腫重冷痛牽引小腹足膝緩弱行步艱難婦人血海久冷經候不調或過期不至或一月兩來赤白帶下漏分五色子宮感寒久不成

孕並皆治之此藥大能生氣血遇夜半子時腎水旺極之際補腎實臟男子攝血化精諸病未萌之前皆能制治使不復為梗

當歸一兩酒

人參半一兩

金釵石斛兩五

白茯苓

木香

肉苳蓉

山藥三兩

生地兩二

熟地溫水洗

丁香兩一

青皮去白

川牛膝二兩童便酒各

右為細末每三大盞酒調下鹽亦得空心食前一服婦

人諸病童便同酒調空心下

又方治男子婦人一切虛冷之疾活血駐顏減小便除盜

汗治婦人久不生產似帶疾而非特有遺瀝並皆治之功

驗不可其迷

蒼木切

川煉子

茴香

吳茱萸湯

破故帛

胡蘆芭已上各一兩並炒

川姜

川烏

草烏已上各半兩炮

山藥二兩

右各炮治如法同為細末醋糊為丸如桐子大每服十五丸空心溫酒鹽湯任下婦人艾醋湯下日二服耳目永不昏聾髮髮不白

衍隣家有一男子小便日數十次如稠米泔色心神恍惚瘦瘁食減令服桑螵蛸散未終一劑而安此藥能安神魂定心志治健忘小便數補心氣用桑螵蛸遠志菖蒲龍骨人參茯苓當歸龜甲醋炙已上各一兩為末以人參湯調下二錢

海薑附石脂神砂丹治小便數而不禁怔忡多忘方見帶下丹因看盧氏醫鏡見此一藥味數分兩同惟丹砂用伏火者及治病有差所治者小便數而不禁怔忡多忘魘夢不

已不同耳見其不同審而詳之乃得此治法不差且泛論之經言腎主大便肝主小便淋洩難經云小腸為赤腸是面赤色及便溺色赤皆出心與小腸南方赤色顯於外也經言下焦如瀆者正謂大小便也大便為陰為有形氣化乃下焦之下者也謂腎主大便不言大腸者明子行父道為腎臟病小便為陽為無形氣化乃下焦之高者也謂肝主小便淋洩亦是子行父道為腑病凡諸無形氣化者皆腑病所主諸有形氣化者皆臟病所主此二証俱在下焦則同但有形無形及在腑在臟有殊俱是丹田衰敗不言心火者以其相火代行君之政令故也細分之則膀胱壬水勝丙火小腸者不傳入陰故為泄血泄血利不禁為有形質病且不傳陰則陰不病何為有形病此為陰之體也為腑之用也天地陰陽互為體用以斯可見是明五臟者

為六腑所用六腑者為五臟所用明矣是有形皆為傳陰也大小便不禁是膀胱不禁為遺溺此不傳陰也是丹田胞絡受寒為壬所克大抵諸腑皆乘有形有病者皆在腑責其所乘皆在臟也用伏火丹砂者去其寒性耳治法同者以其俱在下焦補諸無形同在胞絡耳以其胞與腎相對有渠相通故也腎主大便肝主小便所治安得不殊經曰腎肝同歸一治又曰少陽主骨所生病便洩難膀胱主筋所生病亦可知也小便不禁茯苓湯下大便不禁米飲下此論局方姜附神砂丹而發運氣小便數皆屬火經云少陽之復便數憎風是也小便數惟二藏有之

運氣

數而火屬肺

一屬肺經云肺手太陰之脉氣盛有餘則肩背痛風寒汗出中風小便數而欠是也以刺言之瀉手太陰則愈

夜臥多驚屬肝

針灸

一屬肝經云足厥陰之瘧令人如瘧狀而小便不利又云肝痺者夜卧則驚多飲數小便是也視虛實補瀉之則愈

東小便數腹痛 尿胞在玉泉下一寸屈骨端

玉小便多 命門隨年壯炎 腎俞一分沿皮向外六分補六呼尋一吸

集小便滑數 中極炎 腎腧 陰陵泉不巳取穴 氣海

陰谷 三陰交

諸病水液渾濁皆屬於熱

便赤為熱

諸病水液渾濁皆屬於熱全文見診 小便黃者少腹中有熱

也全文見 小便黃無如黃柏知母効

脈瀦脛冷為寒

脈尺瀦足脛逆冷小便赤宜服附子四逆湯足太衝補之

臟腑

臟腑小便黃有四

一屬肝熱經云肝熱病者小便先黃是也

二屬胃實經云胃足陽明之脈氣盛則身已前皆熱其有

餘於胃則消穀善饑溺色黃是也

三屬肝虛經云肺手太陰之脈氣虛則有背痛寒少氣不

足以息溺色變故耳

四屬腎虛經云冬脈者腎脈也冬脈不及則令人眇清春

痛小便變是也

運氣

運氣小便黃有二

一屬風經云厥陰之勝胠脇氣并化而為熱小便黃赤是

也

二屬熱經云少陰司天熱淫所勝病溺色變又云少陽之

勝溺赤善驚又云陽明司天燥氣下臨暴熱至乃暑陽氣

鬱發小便變是也蓋暴熱謂地氣少陰之熱也

邪之所在皆為不足中氣不足溲便為之變補足外踝下

針灸

留之全文見刺虛實法

甲小腸有熱溺赤黃中管主之 溺黃下廉主之 小便黃赤完骨主之 小便黃腸鳴相追逐上廉主之

遺溺

上虛

恒小便遺失者肺金虛也宜安臥養氣禁勞役以黃芪人參之類補之不愈當責有熱加黃栢生地甲乙云肺則少氣不足以息

卒遺失

下虛

下虛謂膀胱下焦虛經云水泉不止者是膀胱不藏也仲

景云下焦竭則遺溺失便其氣不能自禁制不須治久則

愈又云下焦不歸則遺洩世用桑螵蛸雞脬脰之類是也

丹治遺溺桑螵蛸酒炒為末薑湯送下二錢妙

無鷄內金散治溺床失禁鷄脬脰一具并腸洗淨燒為灰

男用雌女用雄即是鷄脬內黃皮研為末每服二錢酒飲

調服妙 又方用羊肚系盛水滿線縛兩頭煮熟取中水

頓服之瘥

山大人遺溺不知薔薇根細研酒下

丹鹿茸丸治久虛冷小便自濁滑數不禁

鹿茸 椒紅 桂 附子

牡蠣 石斛 補骨脂 肉蓯蓉

鷄脬脰 沉香各一兩 桑螵蛸三分

右為末酒糊丸桐子大食前酒下三十九此方因沉香解諸澁故丹

之

又云鹿角屑炒黃為末温酒下二錢妙本草云鹿角逐陰

中邪氣惡血鹿茸丸方見虛條

河熱甚客於腎部手足厥陰之經廷孔鬱結極甚而氣血

不能宣通則痿痺神無所用故津液滲入膀胱而旋溺遺

失不能收禁也經曰目得血而能視耳得血而能聽手指

虛寒

汚血

寒熱鬱結

得血而能攝掌得血而能握足得血而能走臟得血而能液腑得血而能氣然血所通流則氣亦然也氣血先行則其中神自清和而應機能為用矣故經曰血氣者人之神不可不謹養也故諸所運動時習之則氣血通利而能為用閉塞之則氣血行微而其道不得通利故劣弱也若病熱極甚則鬱結而氣血不能宣通神無所用而不遂其機隨其鬱結之微甚而有不用之大小焉是故目鬱則不能視色耳鬱則不能聽聲鼻鬱則不能聞香臭舌鬱則不能知味至如筋痿骨痺諸所出不能為用皆鬱結之所致也丹千金翼白薇散治尿出不知時

白薇

本草云氣大寒

白芍藥

各等分

右為末溫酒調下方寸七日三服食前

嘗治一男子遺溺不覺脉洪大盛以黃栢知母杜牛膝

為君青皮甘草為臣木香為佐桂些少反佐服數貼大効此法與前白薇散皆河間所謂熱甚延孔鬱結神無所用不能收禁之意也

世神芎導水丸治遺尿有實熱者每百丸空心白湯下若

一服利止後服

前法河間所謂延孔鬱結不能收禁此所謂淫氣遺溺痺聚在腎痺謂氣血不通宜也

無茯苓丸治心腎俱虛神志不守小便淋瀝不禁及遺泄白濁

赤茯苓

白茯苓

右為末以新汲水接洗澄去新沫控乾別取地黃汁同好酒銀石器內熬成膏搜和為丸如桐子大空心熟酒嚼下

世用薏苡仁鹽炒煎服効

方見小兒

本燕蓐草主眠中遺溺不覺燒令黑研水進方寸匕亦主  
熾氣即燕窠中草也

膀胱欬者欬而遺溺全文見欬

針灸遺溺法有四

其一取肝其二取督脉其三取三焦並見遺溺閉癰門其  
四取肺經云手太陰之别名曰列缺其病虛則欠欬小便  
遺數取之去腕一寸別走陽明者是也

東遺尿失禁 陰陵泉 陽陵泉二寸半 大敦七 又方

曲骨 陰陽 二陵泉各二寸半

甲遺溺關門及神門委中主之 氣癰小便黃氣滿虛則

遺溺石門主之

肝脉微滑為遺溺全文見治法

妊娠遺尿

針灸

診

虛

大白薇散治妊娠不知尿出時方見前熱條  
產後一味桑螵蛸散治妊娠小便數不禁方見前下虛條 又方  
用鷄尾毛燒灰末酒調方寸匕

產遺尿

虛

無婦人產蓐產理不順致傷膀胱遺尿無時

丹管見尿胞因收生者不謹以致破損而得淋瀝病遂為  
廢疾一日有徐婦年壯難產得此因思肌肉破傷在外者  
宜可補完胞雖在腹恐亦可治遂診其脉虛甚予曰難產  
之由多是氣虛產後血氣尤虛試與峻補因以參芪為君  
芎歸為臣桃仁陳皮黃芪茯苓為佐煎以猪羊胞中湯極  
饑時飲之但劑小率用一兩至一月而安蓋令氣血驟長  
其胞自完恐稍緩亦難成功矣

喬町婦人產後尿不禁面微浮畧發熱于午後此膀胱為

醫學綱目卷五

卷五

坐婆所傷

黃芪

歸身尾

芍藥各一錢半

白朮錢一

人參

陳皮分五

甘草此三

右煎熱飲之

**雲**桑螵蛸散治產後小便數及遺尿

桑螵蛸二十箇炒

鹿茸酥炒

黃芪各三兩

牡蠣煨

人參

赤石脂

厚朴各二兩

右為細末空心米飲調下三錢七

又方

桑螵蛸半兩炒

龍骨一兩

右為細末米飲調下一錢空心

前陰諸疾

陰縮陰縱

陰痿陰汗

陰冷陰痒

陰臭陰腫

陰痛陰吹

前陰諸疾前陰所過之脉有二一曰肝脉二曰督脉經云脉足厥陰之脉入毛中過陰器抵少腹是肝脉所過也又云督脉者起於少腹以下骨中央女子入繫庭孔循陰器男子循莖下至篡與女子等是督脉所過也

陰縮陰縱

寒熱  
陰縮謂前陰受寒入腹內也陰縱謂前陰受熱挺長不收也經曰足厥陰之筋傷於寒則陰縮入傷於熱則縱挺不收治在行水清陰氣是也

丹鮑兄二子餘歲玉莖挺長腫而痿皮塌常潤磨股不能行兩脇氣上手足倦弱先以小柴胡加黃連大劑行其濕熱畧加黃栢降其逆上之氣其挺腫漸收漸減及半但莖中有堅塊未消遂以青皮一味為君佐以散風之劑末服外以絲瓜汁調五倍子末傅而愈 平江王氏子年三十

針灸

歲忽陰挺長腫而痛脉數而實用朴硝荊芥湯浸洗又用三一承氣湯大下之愈

內經刺灸前陰挺長之法有一經云足厥陰之别名曰蠡

溝去內踝五寸別走少陽其病實則挺長取之所別是也

明堂陰卵入腹 臍下六寸兩旁各一寸六分灸二七壯

內經診陰縮而死者皆屬肝傷經云肝悲哀動中則傷魂

魂傷則狂妄不精不精則不正當陰縮而攣筋兩脇骨不

舉毛悴色夭死于秋又云厥陰終者喜溺舌卷卵上縮是

也

陰痿陰汗陰冷陰臭

肝陰痿傷

陰痿皆耗散過度傷于肝筋所致經云足厥陰之經其病傷于內則不起是也

陰汗臊臭屬酒垣

陰痿陰汗臊臭論○一富者前陰間嘗聞臊臭又因連

濕熱

日飲酒腹中不和求予治之予應之曰夫前陰者足厥陰之脈絡陰器出其挺末臭者心之所走散入十五方為臭

入肝為臊臭此其一也當于肝經中瀉行間是治其本後

於心經中瀉少衝以治其標如惡針當用藥除之治法當

求其本連日飲酒夫酒者氣味俱能生濕熱是風濕熱合

於下焦為邪故經云下焦如瀆又云在下者引而竭之酒

者是濕熱之水亦宜決前陰以去之是合下焦二法治之

土濕制腎治法

龍膽瀉肝湯治陰部時復濕痒有臊臭

柴胡稍

澤瀉各一錢

車前子

木通各五分

當歸稍

龍膽草

生地各三分

右剉如麻荳大作一服水三大盞煎至一盞去查稍熟

服空心宿食消盡服便以美饊壓之柴胡入肝為引用

澤瀉車前子木通其淡滲之味利小便亦除臊臭是名

在下者引而竭之生地黃草龍膽之苦寒瀉酒濕熱更兼車前子之類以徹肝中邪氣肝主血用當歸以滋肝中血不足也

固真陽治兩丸冷前陰痿弱陰汗如水小便後有餘滴燥氣尻醫并前陰冷惡寒而喜熱膝亦冷正月內定此方

升麻 柴胡 羌活各一錢 甘草炙

澤瀉各一錢半 草龍膽炒 知母炒 黃柏各二錢

右判如麻苳大水三盞煎至一盞去查稍熱空腹服以美饑壓之

溫腎湯治面色痿黃身黃脚軟弱無力陰汗陰莖有天色二月定此方

麻黃六分 防風根一錢五分 白朮一錢 蒼朮一錢半 澤瀉二錢 猪苓 升麻

白茯苓 黃柏酒各一錢 柴胡稍六分

右件分作二服每服水二大盞煎至一盞去查稍熱服食前天晴明服之候一特辰許方食

補肝湯治前陰如水冷并冷汗兩脚痿弱無力

黃芪七分 人參 葛根各三錢 甘草炙五分 升麻四分 知母 柴胡 羌活

陳皮 歸身 黃柏炒 防風 白茯苓 澤瀉各二錢 蒼朮五分 麩末二分

猪苓四分 連翹二分 右咬咀水二大盞煎至一盞去查稍熱服食前忌酒濕麩

清震湯治溺黃臊臭淋瀝兩丸如水陰汗浸兩股陰頭亦冷正值十二月天寒凜冽霜雪交集寒之極矣

升麻分五

柴胡分二

羌活錢一

黃柏錢一

蒼朮分五

防風分三

甘草分二

藜蘆分三

紅花分一

歸身分二

猪苓分三

澤瀉

黃芩分五

麻黃根分三

右判如麻苳大都作一服水二大盞煎至一盞去查臨

臥服忌酒濕麪

柴胡勝濕湯治兩外腎冷兩髀樞陰汗前陰痿弱陰囊濕

痒臊氣

澤瀉錢一

羌活錢一

升麻錢一

生甘草

柴胡各三錢

草龍膽錢一

黃柏酒二錢

紅花少許

當歸稍

麻黃

漢防已

茯苓錢一

五味子二十箇

右咬咀水三大盞煎至一盞去查稍熱服食前忌酒濕

麪房事

垣仲景八味丸治陽事多痿不振今依全方夏減桂附一

半春秋三停減一疾去精足全減桂附只依六味地黃丸〇八味方見治法

腎脉大甚為陰痿全文見診

運氣

運氣陰痿皆屬濕土制腎經云太陰司天濕氣下臨腎氣

雜方

上從陰痿氣衰而不舉是也

椒粉散治前陰兩丸濕痒秋冬尤甚冬月減

麻黃錢一

黑狗脊分五

斑猫箇二

猪苓分三

肉桂分二

歸稍分三

輕粉許少

紅花許少

蛇床子分五

小椒分三

右為極細末滲上避風寒濕冷處坐臥

丹腎囊濕痒先以吳茱萸煎湯洗之後用吳茱萸半兩寒

水石三錢黃柏二錢半獐獠蛇床子各半兩輕粉一錢白

醫方綱目卷之四

六

醫學綱目卷之七  
三  
礬三錢硫黃二錢楨榔三錢白芷三錢為末糝之

子有人陰冷漸漸冷氣入陰囊腫滿恐死日夜痛悶不得眠取生椒擇之洗淨以布帛裹着丸囊令厚半寸須臾熱氣大通日再易之取出瘥

本曾有人陰冷漸次冷氣入陰囊腫滿晝夜疼悶不得眠煮大薊汁服立瘥

針灸  
內經針灸陰暴痒痛足厥陰之别名曰蠡溝上內踝五寸是也全文見針灸門

撮陰痿 關元補 陰濕 陰谷寸半

恠穴 陰中濕痒外腎生瘡 海底在脬囊底十字文縫中灸瀉二十七壯

獨陰在足第二指節下橫文灸瀉二十七壯

陰冷陰腫陰痛陰吹

溪婦人陰腫腎痛枳實半斤切碎炒熟布裏包熨之冷即

易錄

交接勞復陰卵痛是勞復陰陽易

仲胃氣下泄陰吹而正喧此穀氣之實也膏髮煎導之見方

黃疸

針灸  
繫男子陰頭痛女子陰中痛 大敦

集陰莖虛痛 中極 太溪 三陰交 復溜不已取血

郗 陰陵泉 關元 海匡

甲婦人陰中痛少腹堅急痛陰陵泉主之 女子陰中寒

歸來主之

筋 轉筋 霍亂轉筋

經筋診法

靈足太陽之筋起於足小指上結於踝邪上結于脉其下循足外側結于踵上循跟結于膕其別者結于膝外上膕中內廉與膕中并上結于髀上挾脊上項其支者別入結

于舌本其直者結于枕骨上頭下頰結于鼻其支者為目  
上綱下結于頰其支者從腋後外廉結于肩髃其支者入  
腋下上出缺盆上結于完骨其支者出缺盆邪上出于頰  
其病小指支跟腫痛臑變脊反折項筋急肩不舉腋支缺  
盆中紐痛不可左右搖治在燔針劫刺以知為數以痛為  
輸名曰仲春痺以知為數以痛為輸者言經筋病用燔針  
如取經脈法有幾呼吸幾度之定數也但隨筋之痛  
處為輸穴亦非如取經脈法有榮俞經合之定穴也  
足少陽之筋起于小指次指上結外踝上循脛外廉結于  
膝外廉其支者別起外輔骨上走髀前者結于伏兔之上  
後者結于尻其直者上乘眇季脇上走腋前廉擊于膺乳  
結于缺盆直者上出腋貫缺盆出太陽之前循耳後上額  
角交巔上下走頰上結于頰支者結于目眥為外維其病  
小指次指支轉筋引膝外轉筋膝不可屈伸臑筋急前引

髀後引尻即上乘眇季脇痛上引缺盆膺乳頸維筋急從  
左之右右目不開上過右角並躄脈而行左絡于右故傷  
左角右足不用命曰維筋相交治在燔針劫刺以知為數  
以痛為輸名曰孟春痺也  
足陽明之筋起于中三指結于跗上邪外上加于輔骨上  
結于膝外廉直上結于髀樞上循脇屬脊其直者上循髀  
結于膝其支者結于外輔骨合少陽其直者上循伏兔上  
結于髀聚于陰器上腹而布至缺盆而結上頸上挾口合  
于頰下結于鼻上合于太陽太陽為目上綱陽明為目下  
綱其支者從頰結于耳前其病足中指支脛轉筋脚跳堅  
伏兔轉筋髀前腫癢疝腹筋急引缺盆及頰卒口僻急者  
目不合熱則筋縱目不開頰筋有寒則急引頰移口有熱  
則筋弛縱緩不勝收故僻治之以馬膏膏其急者以白酒

和桂以塗其緩者以桑鈎鈎之即以生桑灰置之坎中高  
下以坐等以膏熨急頰且飲美酒噉炙肉不飲酒者自  
強也為之三拊而已治在燔針劫刺以知為數以痛為輸  
名曰季春痺治在燔針之上當有其病轉筋者五字如足  
厥陰筋行水清陰氣之下所言也蓋燔針但  
宜施于筋寒轉筋之病其筋熱緩縱者則不宜也○搏擊  
也指也蓋治口喎僻之法以火烘馬之脂膏熨其半邊急  
者以白酒調和桂末塗其半邊緩者又以桑鈎鈎其口吻  
之解偏復於故處使高下相等復以水調生桑灰於鈎柄  
之坎縫處連頰塗之以收其緩其桑鈎柄別用線繫縛於  
肩後使勿走作也復飲酒噉肉使筋味柔和以助外之塗  
熨不飲酒者則自強其筋骨使正以手相拍其熨處也張  
子和云左寒右熱則左急而右緩右寒左熱則右急而左  
緩故偏于左者左寒右熱偏于右者右寒左熱夫寒不可  
輕用辛熱之劑蓋左中寒則通熱于右右中寒則通熱于  
左陽氣不得  
宣行故也

足太陰之筋起于大指之端內側上結于內踝其直者絡  
于膝內輔骨上循陰股結于髀聚于陰器上腹結于臍循  
腹裏結于肋散於胃中其內者着於脊其病足大指皮內  
踝痛轉筋痛膝內輔骨痛陰股引髀而痛陰器紐痛下引  
臍兩脇痛引膺中脊內痛治在燔針劫刺以知為數以痛  
為輸名曰孟秋痺也

足少陰之筋起于小指之下並足太陰之筋邪走內踝之  
下結于踵與太陽之筋合而上結于內輔之下並太陽之  
筋而上循陰股結于陰器循脊內挾膂上至項結于枕骨  
與足太陽之筋合其病足下轉筋及所過而結者皆痛及  
轉筋病在此者主癰癧及瘻在外者不能俛在內者不能  
仰故陽病者腰反折不能俛陰病者不能仰治在燔針劫  
刺以知為數以痛為輸在內者熨引飲藥此筋折紐發  
數甚者死不治名曰仲秋痺也

足厥陰之筋起于大指之上上結于內踝之前上循脛上  
結內輔之下上循陰股結于陰器絡諸筋其病足大指支

內踝之前痛內輔痛陰股痛轉筋陰器不用傷於內則不起傷于寒則陰縮入傷于熱則縱挺不收治在行水清陰氣其病轉筋者治在燔針劫刺以知為數以痛為輸命曰季秋痺也

手太陽之筋起于小指之上結于腕上循臂內廉結于肘內銳骨之後彈之應小指之上入結于腋下其支者後走腋後廉上繞有腓循脛出走太陽之前結于耳後完骨其支者入耳中直者出耳上下結于頷上屬目外眥其病小指支肘內銳骨後廉痛循臂陰入腋下腋痛腋後廉痛繞有腓引頸而痛應耳中鳴痛引頷目瞑良久乃得視頸筋急則為筋癭頸腫寒熱在頸者治在燔針劫刺以知為數以痛為輸其為腫者復而銳之本支者上曲牙循耳前屬目外眥上頷結于角其痛當所過者支轉筋治在燔針

劫刺以知為數以痛為輸名曰仲夏痺也

手少陽之筋起于小指次指之端結于腕上循臂結于肘上繞臑外廉上肩走頸合手太陽其支者當曲頰入繫舌本其支者上曲牙循耳前屬目外眥上乘頷結于角其病當所過者即支轉筋舌卷治在燔針劫刺以知為數以痛為輸名曰季夏痺也

手陽明之筋起于大指次指之端結于腕上循臂上結于肘外上臑結于髃其支者繞肩胛挾脊直者從肩髃上頸其支首上頰結于頰直者上出手太陽之前上左角絡頭下右頷其病當所過者支痛轉筋肩不舉頸不可左右視治在燔針劫刺以知為數以痛為輸名曰孟夏痺也  
手太陰之筋起于大指之上循指上行結于魚後行寸口外側上循臂結肘中上臑內廉入腋下出缺盆結有前髃

上結缺盆下結胃裏散貫貫合貫下抵季脇其病當所過者支轉筋痛甚成息責脇急吐血治在燔針劫刺以知為數以痛為輸名曰仲冬痺也

手心主之筋起于中指與太陰之筋並行結于肘內廉上臂陰結腋散前後挾脇其支者入腋散貫中結于臂其病當所過者支轉筋前及胸痛息責治在燔針劫刺以知為數以痛為輸名曰孟冬痺也

手少陰之筋起于小指之內側結于銳骨上結肘內廉上入腋交太陰挾乳裏結于胸中循臂下繫于臑臂當其病內急心承伏梁下為肘網其病當所過者支轉筋筋痛治在燔針劫刺以知為數以痛為輸其成伏梁唾血膿者死不治名曰季冬痺也名曰季冬痺也六字元誤在後無用燔針之下今移在此經筋之病寒則反折筋急熱則筋弛縱不收陰痿不用陽

急則反折陰急則俛不伸燔刺者刺寒急也熱則筋縱不收

無用燔針

艾灸亦然今世不分寒急熱縱皆用艾灸者未知此理也

足之陽明手之太陽筋急則口目為噤皆急不能卒視治

皆如右方也

俱見靈樞經筋篇

形樂志苦病生于筋治之以熨引

全文見治法

諸筋病皆屬于節經云諸筋者皆屬于節又云手屈而不伸者病在筋是也 肝主諸筋經云肝主筋又云在臟為肝在體為筋又云酸生肝肝生筋筋生心是也 筋病忌風忌食酸辛忌久行經云風傷筋燥勝風酸傷筋辛勝酸又云酸走筋筋病無多食酸又云多食辛則筋急而爪枯又云久行傷筋是也

轉筋

丹轉筋皆屬血熱四物加黃芩紅花蒼朮南星有筋轉于

血熱

雜方

足大指轉上至大腿近腰結了乃因奉養厚飲酒感寒而作加酒芩紅花蒼朮南星薑煎服

聖治肝虛轉筋用赤蓼薑葉切作三合水一盞酒三合煎至四合去查温分二服

孫尚藥治脚轉筋疼痛攣急松節二兩細剉如米粒乳香一錢右件藥用銀石器內慢火炒令焦只留一分性出火毒研細每服一錢至二錢熱木瓜酒調下同是筋病皆治之

外治轉筋取故綿以醎醋浸醃中蒸及熱用綿裹病人脚令更易勿停癢止

仲轉筋之為病其臂脚直脉上下行微弦轉筋入腹者鷄屎白散主之用鷄屎白一味為散取方寸匕以水六合和温服

針灸

丹轉筋偏身入肚不忍者作極鹹塩湯于槽中暖浸之

靈轉筋于陽治其陽轉筋于陰治其陰皆焮刺之四時氣則經所謂以痛為輸之法盖用火燒熅針劫刺轉筋之時當察轉筋之痛在何處在陽刺陽在陰刺陰隨其所痛之處刺之故曰以痛為輸也若以針未刺則再刺之以知竟應效為度故曰以知為數是也

竇轉筋而疼灸承山而可治

足太陽之下血氣皆少則善轉筋踵下痛全文見治法

霍亂轉筋

海吐瀉轉筋身熱脉長陽明本病也宜和中四君子湯平

胃散建中湯方見治虛寒氣虛每服一兩水三盞姜五片煎至一

盞去查温服 如吐瀉轉筋自汗脉浮者四君子加桂五

錢主之 如吐瀉轉筋脇下痛脉弦者宜建中加木瓜柴

胡湯平胃散加木瓜五錢亦可也

桂枝二兩 芍藥三兩 甘草兩 膠飴半斤

皆作虛治

診

生薑一兩 大棗六枚 木瓜五錢 柴胡五錢

右劉如麻豈大每服一兩水三盞煮至一盞半去渣下

膠飴兩匙煎化服 如吐瀉後小便不通胃中實痛者

四君子湯加大黃一兩主之 如吐瀉轉筋腹中痛體

重脉沉而細者宜四君子湯加芍藥高良姜湯四君子

湯四味各一兩芍藥良姜各五錢同煎法 如吐瀉

霍亂四支拘急脉沉而遲者宜四君子湯加姜附厚朴

湯四君子四味各一兩生薑附子厚朴炮製各三錢 同煎

服

如吐瀉轉筋四支厥冷脉微緩者宜建中湯加附子當歸

湯

桂枝一兩 當歸二錢 芍藥二兩 甘草半兩

膠飴半升 生薑兩 附子三錢 大棗六枚

右同煎服

活香薷散治非時霍亂大渴煩燥汗出轉筋疼痛不可忍

方見傷寒吐利門

丹怡六官霍亂泄多吐少口渴脚轉筋

滑石三錢 白朮二錢 蒼朮 厚朴

乾葛 陳皮各錢半 甘草些 木通一錢

姜五片

下保和丸四十粒

本霍亂轉筋香薷煮汁飲之無不瘥者

肘治霍亂心腹痛煩短氣未得吐下若轉筋燒梔子二十

枚研末熟水調下

保霍亂轉筋吐瀉不止宜半夏湯

半夏麴 茯苓 白朮各半兩 甘草炙

不渴為寒

湯為熱

右為末渴者涼水下不渴溫水下無時 如吐瀉不止身無汗者可與瀉痢門漿水散兼桂枝湯又可與白朮湯

直指木瓜湯治霍亂吐瀉轉筋擾悶

木瓜

茴香

甘草

吳茱萸

右咬咀每服四錢水一盞半生姜五片烏梅少許煎溫服

活霍亂轉筋者用理中湯去朮加附子一枚生用理中湯方見傷寒

治霍亂吐瀉不止及轉筋諸藥不効者一粒青金丹

硫黃

水銀

右二味銚子內炒柳木篦子不住手攪勻更以柳枝蘸

前藥不効者寒熱兼施

冷醋頻頻洒候如鉄色結如青金塊方成刮下再研如粉留小半為散餘以粽子尖三箇醋約半盞研稀調得所成膏和丸如鷄荳大硃砂為衣每服一九煎丁香湯磨化下熱服如服散丁香湯調下一錢傷寒陰陽乘伏用龍腦冷水磨下日二三服

雜方

梅治霍亂轉筋皂角末一小荳許入鼻中取嚏便瘥古今錄治霍亂轉筋取蓼花一把去兩頭以水二升半煮

一升半頓服之

食治吐後轉筋煮木瓜汁飲之甚良

外治霍亂注痢不止轉筋入腹欲死生姜三兩搗碎以酒

一升煮三四沸頓服

世霍亂之証輕則上吐下瀉兩脚轉筋甚則遍體轉筋腹肚疼痛手足厥冷若欲絕者倉卒之際宜于臍中灼艾及

針灸

用蓼一把煎湯炮洗次投以姜附理中湯之類其脉洪大者易治脉微腎縮舌卷者不治

世霍亂轉筋灸承山灸二十七壯神効又法中風亦灸承山

東霍亂轉筋在兩臂及胸堂中者筋拘不及動搖 亶中

中府 巨闕 胃脘 尺澤 太陰灸七壯

甲霍亂轉筋 金門 僕參 承山 承筋主之

瓜

肝之合筋也其榮瓜也全文見五藏 肝熱者色蒼而瓜枯全文見

痿見 多食辛則筋急而瓜枯全文見五藏

醫學綱目卷之十四

28  
764

